

৫৮ মাফা দিখ
সাম কৈ হানি দা
অনুগ্রহ

Radhakrishnan
Kolkata

শিক্ষিত সম্প্রদায়ের প্রতি।

দা
বি

সকল কাজেরই একটা উপক্রম আছে। অধিকাংশ লোক
দেখা যায়, একাধিকবার উপক্রমের পর কার্যের সূচনা সাধন
হইয়া থাকে। সফল উপক্রমের কলাকলের উপর নির্ভর করিলে,
এ জগতে অনেক বড় বড় কাজ অল্প পর্যায়ে সূচনা দেখিতে
পাইতাম না।

আমরা আজ কাল বঙ্গভাষার মাসিক পত্রাদিতে প্রবন্ধ লিখি-
র নিমিত্ত অনুরুদ্ধ হইলে সঙ্কুচিত চিন্তে পরিহার প্রার্থনা করেন,
সই সকল প্রশিক্ষিত ব্যক্তিবর্গের নিকট দুই একটি কথা বলাই
ই প্রস্তাবের উদ্দেশ্য। উপরি লিখিত কথাগুলি অবশ্যই
স্বাক্ষর বিচিত্র আছেন। লিখিবার উত্তম মাত্রাই যে কেহ
স্বাচন্দ্র কি কালীএসন হইয়া বসিবেন, ইহা প্রত্যাশা করিতে
যায় ন এবং চেষ্টা করিলেও, সকলেই যে “স্বলেখক”
জ্ঞান করেন, এ কথাও বিশ্বাসযোগ্য নহে। তবে, সাধা-
রণের নিকট লেখাই অনেক সময় কিছু কিছু বলিবার থাকিতে
পারে; তাহা প্রায়শঃ মৌখিক বলিবার সুযোগ ও সুবিধা ঘটয়।
উঠে না, ঘটিলেও তাহা সচরাচর নিতান্ত ক্ষণস্থায়ী হয়।
সুতরাং বাহ্য বস্তুর, হাতে কলমে তাহা দৃষ্টাঙ্গিত করাই সুবিধা।
সকলেই, চেষ্টা করিলে, “স্বলেখক” না হউন, মনেই যে
“শিক্ষিত”

ভালরূপে সাধারণের পরিজ্ঞানার্থে পত্রস্থ করিতে পারেন, ইহা এক পক্ষবৃত্ত্ব। এবং ভিন্নমিত্ত উপক্রম করা সুশিক্ষিত ব্যক্তি-
মা এই অবশ্যকর্তব্য।

— কতিপয় সম্প্রদায়ের নিকট লোকে অনেক প্রত্যাশা করিয়া থাকে; তাঁহারা কোন্ বিষয়ে কি মতামত প্রকাশ করেন, ইতর-সাধারণ উহা জানিবার নিমিত্ত উদ্গ্রীব হইয়া থাকে। সদাশয় ইংরাজ-রাজের কৃপায়, শিক্ষিত ব্যক্তিবর্গ নানাদেশের নানা জাতির যে সকল জ্ঞানরাশির অধিকারী হইয়াছেন, দেশস্থ সাধারণ ব্যক্তিবর্গের সমীপে উহার প্রচার করা কি বিধেয় নহে?—অজ্ঞতা বা কুশিক্ষা প্রভাবে দেশে ও সমাজে যে সকল কদাচার প্রচলিত হইরাছে বা হইতেছে, স্বদেশীয় ও বিদেশীয় শাস্ত্র এবং ধর্ম্মনীতি প্রভৃতির আলোচনারা, মার্জিতবুদ্ধি সুশিক্ষিত সম্প্রদায়ের উহা দূরীকরণার্থে লেখনী ধারণ করা কি কর্তব্য নহে?—এক যদি উহা বিহিত কর্ম্ম বলিয়া বিবেচিত হয়, তাহা হইলে শিক্ষিত ব্যক্তি যাত্রেরই মনের ভাব সুন্দররূপে লেখনী-মুখে ব্যক্ত করিতে যত্ন করা কি উচিত নহে?

বর্তমানে স্বদেশীয় কতিপয় সম্প্রদায়ের একটা বড়ই কলঙ্কের কথা শুনিতে পাওয়া যায়। বিজ্ঞানের সিঁস্যা অহির্ভব করিয়া বাঁহারা শিক্ষাবিভাগের নহির্ভাগে বিচরণ করেন, লোক তাঁহাদের অধিকাংশেই পূর্বদ্বাধী। বিজ্ঞা একেবারে ভুলিয়া যান।
সকথা-র সাধারণ লোকহৃদে তাঁহাদিগকে বাঢ়িয়া বাহির করা
কুক্কুরকথা
দায় হইয়া উঠে। কেন এমন হইল?

বাইবেলে একটি উপকথা আছে। কোন প্রভু তৃতীয় ভূত-
ত্রয়ে বথাক্রমে পাঁচটি দুইটি ও একটি মুদ্রা প্রদান পূর্বক
বিদেশ চলিয়া যান। প্রথম ভূতটি তাহার পাঁচটি মুদ্রা দিয়া
ব্যবসায় করিয়া আর পাঁচটি লাভ করিল। দ্বিতীয় ভূতও ঐরূপে
আর দুইটি মুদ্রা উপার্জন করিল। তৃতীয় ব্যক্তি, প্রভুর মুদ্রা
প্রভুকে ফিরাইয়া দিতে হইবে ভাবিয়া, তদ্বর্কনার্থে কোনও চেষ্টা
করা বিধেয় বিবেচনা করিল না। বথাসময়ে প্রভু প্রত্যাগত
হইলে আপন আপন বৃত্তান্ত নিবেদন করিয়া প্রথম ব্যক্তি
দশটি, দ্বিতীয় চারটি এবং তৃতীয় একটি মুদ্রা আনিয়া, তাঁহাকে
প্রদর্শন করিল। প্রথম ও দ্বিতীয়ের প্রতি প্রভু নিরশিস্য
হইয়া বথোচিত পুরস্কার বিধান করিলেন; পরন্তু তৃতীয়
ভূতকে নিঃশব্দ অকর্মণ্য ভাবিয়া তিরস্কার পূর্বক দূর করিয়া
দিলেন।

আমাদের বর্তমান-কালীন শিক্ষিতের দলও প্রভুর তৃতীয়
ভূতের সম-শ্রেণীস্থ নহেন কি? তাঁহারা বিদ্যালয়প্রদত্ত জ্ঞান
সাধারণ মধ্যে চার রূপ ব্যবসায় দ্বারা পরিপুষ্ট করেন না, তাই
সুশাসনাজকর্তৃক তিরস্কারের ভাজন হইয়া থাকেন। তাঁহাদের
নিকট এই মাত্র নিবেদন,—তাঁহারা একটু আলস্ত পরিগ্রহ
করুন; একবার অধীঃ নিষ্ঠার আলোচনা করুন; এবং দেশ-
মধ্যে দৃষ্টি প্রচার করিয়া উপায় নির্দিষ্ট করিয়া অপনোদন করুন।

গ্রন্থাঙ্কিত-জ্ঞান বিশ্ববিদ্যালয়-নির্গত ব্যক্তি-বৃন্দই যে
কেবল এই প্রসঙ্গের বিষয়াভূত, এমন নহে। “শিক্ষিত”

পর্ব্যায়ে এমন সকল ব্যক্তিকেও ধরা গিয়াছে, যাঁহারা নিজের
 ছুয়োদর্শনের ফলে অভিজ্ঞতা লাভ করিয়া মানব সাধারণকে
 দ্বিখান্ডিত করিয়া ও বুঝাইবার উপযুক্ত অনেক বিষয় শিখিয়াছেন ও
 বুঝিয়াছেন, যাঁহাদের চরণসমীপে বসিয়া অনেক বিশ্ববিদ্যালয়ের
 বরপুত্র, সংসার, সমাজ, ধর্ম্মনীতি প্রভৃতি গুরুতর বিষয়ের সমীচীন
 মীমাংসা শিক্ষা করিতে পারেন। অবশ্যচরিত সমাজের উপদেশার্থ,
 উল্লেখিত প্রাচীনগণের লেখনী ধারণ করা কি উচিত নহে ?

এক্ষণে দেখা গেল যে লিখিবার জগৎ, অর্থাৎ মনের ভাব
 সুন্দররূপে লেখনীমুখে ব্যক্ত করিবার নিমিত্ত, চেষ্টা করা
 সকলেরই কর্তব্য। বিষয়টি একটু তলাইয়া দেখিলে কিছু সহজ
 বলিয়াই অনুমিত হইতে পারে। মানব মাত্রেরই আমরা নিজ
 নিজ মনের ভাব বাগ্‌বস্ত্র কিন্মা লেখনীযন্ত্রের সাহায্যে আশৈশব
 প্রকাশ করিয়া আসিতেছি। বিশেষতঃ যাঁহারা সুশিক্ষিত,
 তাঁহারা ছাত্রাবস্থায় দৈনিক, সাপ্তাহিক, মাসিক, সাংবৎসরিক,
 বৈশ্ববিদ্যালয়িক প্রভৃতি অগণন পরীক্ষাসূত্রে উক্ত যন্ত্রদ্বয়ের অত্যাধিকার
 ব্যবহার করিয়াছেন; সম্প্রতি সংসার-ক্ষেত্রে উকীল, হাকিম,
 কেরানী ও শিক্ষক ইত্যাদি বিবিধ বৈশে ঐ দুই যন্ত্রেরই সহায়তায়
 বিচরণ করিতেছেন, এবং এতদ্বারা মনের নানা ভাব ব্যক্ত করিয়া
 আসিতেছেন। সুতরাং ইহার নিমিত্ত প্রয়াসের কথা কেন ?
 কথাটা এই যে, বাহ্য সাধারণের সমালোচনার অধীন করিয়া পত্রস্থ
 করিতে হইবে, তাহা বেরূপে একটু সংযত করিয়া ও বিশুদ্ধভাবে
 প্রকাশিত হয়, তৎপক্ষেই চেষ্টার প্রয়োজন; কেন না বিষয়কর্ম্মে

বা চিঠিপত্রে, আমরা ভাষার সংযত ও বিশুদ্ধ ভাবের প্রতি মনো-
যোগ দিবার, অবসর সচরাচর পাইয়া উঠি না ।

কিন্তু আরও একটি কথা, একটু গুরুতর কথাই বক্তব্য রহি-
য়াছে । পূর্বের যে বাগ্‌বন্ত্র ও লেখনীযন্ত্রের পরিচালনার কথা
উল্লেখিত হইয়াছে তাহার অধিকাংশ স্থলেই, মাতৃভাষার সঙ্গে
অধুনাতন শিক্ষিত সম্প্রদায়ের সম্বন্ধ থাকে না । বাল্যে বিদ্যালয়ে
এবং সম্প্রতি বিষয়কর্মে ইংরাজী ভাষারই চর্চা করাতে, তাঁহাদের
অধিকাংশই নিজের মাতৃভাষার আলোচনার নিতান্ত পরাঙ্মুখ ;
ইংরেজী ভাষা যেন তাঁহাদের চিন্তা বুড়িয়া রাখিয়াছে, স্বদেশের
ভাষা যেন স্থিতিবিরোধিতা নিয়মে উহার কাছেও ঘেসিতে
পারিতেছে না । “বিবাহ-বিভ্রাটের” মিঃ সিংহের দ্বারা প্রকৃতই
তাঁহাদের বাঙ্গালা বলিতে যেন কষ্ট হয়, এবং যাহা বলেন, তাঁহা
যেন মনে মনে ইংরাজী হইতে তরজমা করিয়া এবং শতকরা
নিরনব্বইটি ইংরেজী শব্দের বুকুনী দিয়া বাহির করিয়া থাকেন ।
তাঁহারা সংবাদ পত্র পাঠ করিবেন ইংরেজীতে, পুস্তকাদি পাঠ
করিবেন ইংরেজীতে, পরস্পর আলাপ করিবেন ইংরেজীতে, এমন
কি পিতা ভ্রাতা প্রভৃতির নিকট চিঠিখানাও লিখিবেন ইংরেজীতে ।
সুতরাং ইহারা বঙ্গভাষায় কোন কিছু বলিতে বা লিখিতে গেলে
তাহা পারিবেন কেন ? যখন তাঁহাদের মনে সাধারণকে বিভ্রা-
পিত করিবার উপযোগী কোন ভাবের উদয় হয়, তখন অগত্যা
ইংরেজীতেই ব্যক্ত হইয়া থাকে, বঙ্গভাষায় উহা প্রকাশ করিবার
উপযুক্ত ভাষা উঁহারা খুঁজিয়াই পান না ।

উপরি লিখিত প্রকার পক্ষে প্রায়শঃ একটি যুক্তি শুনিতে পাওয়া যায়। ইংরাজ আমাদের রাজা; শিক্ষিত ব্যক্তিবর্গের কাজ কর্তব্য প্রায় অধিকাংশ স্থলে রাজভাষাতেই সম্পাদন করিতে হয়; এবং রাজপুরুষগণের নিকট সমাদর লাভ করিতে হইলে, উক্ত-রূপে রাজভাষা লিখনের ও কথনের অভ্যাস করা আবশ্যিক; অতএব ইংরেজী ভাষার সম্যক আলোচনা করাও আবশ্যিক। আবশ্যিক তাহাতে সন্দেহ নাই; কিন্তু তাই বলিয়া সঙ্গে সঙ্গে স্বদেশের ভাষাটারও যৎকিঞ্চিৎ আলোচনা রাখা কি সম্ভব নহে? শিক্ষিত ব্যক্তিগণই যখন দেশের মুখপাত্র, তাঁহারা যদি মাতৃভাষার পরিচর্যা না করেন, তবে ইহা আর কাহার নিকট আশ্রয় লাভ করিবে? বিশেষতঃ তাঁহাদিগের স্মরণ রাখা উচিত যে ইদানীন্তন কালে যাঁহারা বঙ্গভাষার পুষ্টি সাধন করিয়াছেন, তাঁহাদের প্রায় সকলেই ইংরেজী ভাষায় বিশেষ কৃতি এবং অনেকেই রাজপুরুষগণের সঙ্গেও বিশেষ ঘনিষ্ঠভাবে সম্বন্ধ। কাব্যে মধুসূদন, হেমচন্দ্র, নবীনচন্দ্র, উপন্যাসে বঙ্কিমচন্দ্র, রমেশচন্দ্র, সাধারণ সাহিত্যে ভূদেব, চন্দ্রনাথ, হরপ্রসাদ, প্রভৃতির কথা বোধ হয় আর বিশেষ করিয়া বলিতে হইবে না। ফলতঃ, ঐ যে মাতৃভাষানু-শীলনে ওদাস্ত, উহা দেশের দুর্ভাগ্যবশতঃ শিক্ষিত সম্প্রদায়ের এক মহতী জড়তার পরিসূচক ভাব মাত্র; নচেৎ যাঁহারা সুশিক্ষিত, তাঁহারা একটু মনোযোগ দিলেই এতদ্বিষয়ে ন্যূনাধিক কৃতিত্ব-লাভ অবশ্যই করিতে পারেন।

অনেকে এই বলিয়াও ওদাস্তীয় প্রদর্শন করিয়া থাকেন যে,

দেশীয় ভাষায় পাঠোপযোগী গ্রন্থ বা পত্রিকা আদৌ নাই। পঞ্চাশ বৎসর পূর্বের ঐরূপ বলিলে এক প্রকার মানিয়া লইতাম; বর্তমানে বঙ্গ ভাষার অনেক পুষ্টিসাধন হইয়াছে, এখন সে কথা স্বীকার্য্য নহে কিন্তু তথাপি বঙ্গভাষার অনেক অভাব আছে, এবং সেই সকল অভাব দূর করিবার জন্যইত শিক্ষিতগণকে আহ্বান করা যাইতেছে। যে সকল সুশিক্ষিত ব্যক্তিগণের দ্বারা এই অর্দ্ধ শতাব্দী মধ্যে বঙ্গভাষার যুগান্তর সাধিত হইয়াছে, তাঁহারা যদি ঐরূপ বুদ্ধি ধরিয়া নিশ্চেষ্ট থাকিতেন, তাহা হইলে বঙ্গভাষা ভারতবর্ষের অধুনাতন প্রচলিত ভাষাবলীর মধ্যে আজ এক অতি প্রধান স্থান অধিকার করিতে পারিত কি ? তাই নিবেদন, ভবিষ্যৎ বংশের শিক্ষিতগণ যাহাতে মাতৃভাষায় পড়িবার জিনিস আরও অধিক পরিমাণে পান, বর্তমান শিক্ষিত সম্প্রদায়ের তৎপক্ষে বত্সবান্ হওয়া অবশ্য কর্তব্য।

যে সকল সুশিক্ষিত ব্যক্তি বঙ্গভাষায় লিখিবার জন্য অভ্যাস করিতে ইচ্ছুক, তাঁহারা কিরূপে উহা করিবেন, তাহা স্বয়ংই বাছিয়া লইতে পারেন। তথাপি এতৎ সম্বন্ধে দুই একটি কথা তাঁহাদের বিবেচনাধীন করা যাইতেছে :—

(১) প্রাচীন ও আধুনিক বিখ্যাত বঙ্গীয় লেখকগণের রচিত গ্রন্থাবলী অধ্যয়ন করা সর্ব্বাগ্রে কর্তব্য। ইদানীং যে সকল গ্রন্থকারের রচনা বিশুদ্ধ ও প্রাজ্ঞ বলিয়া বিখ্যাত তাঁহাদের রচনাপ্রণালী দৃষ্টে স্বীয় রচনা গঠিত বা মার্জিত করিতে হইবে।

(২) বঙ্গভাষানভিজ্ঞ ব্যক্তিবর্গের সঙ্গে আলাপ করা কি চিঠি

পত্র লেখা, এবং রাজকার্য পরিচালনা পক্ষে ইংরেজী ভাষার ব্যবহার অপরিহার্য ; কিন্তু তদিতর বিষয়ে মাতৃভাষারই অনুশীলন কর্তব্য । * কথাবার্তায় তবু শিক্ষিত সম্প্রদায়, অবিমিশ্র নাটক, বঙ্গভাষা কিয়ৎ পরিমাণে ব্যবহার করিয়া থাকেন ; কিন্তু চিঠিপত্রে আদৌ উহার প্রচলন নাই । পিতা পুত্রের নিকট, এবং পুত্র পিতার নিকট পত্র লিখিতেও “মাতৃ” ভাষা বর্জন করেন, ইহা অপেক্ষা আর আক্ষেপের কথা কি হইতে পারে ?

শিক্ষিত সম্প্রদায়ের মধ্যে দিনলিপি (diary) ও স্মারক লিপি (note-book) প্রভৃতি লিখিবার পদ্ধতি দেখিতে পাওয়া যায় । ইংরেজীর পরিবর্তে ঐ সকল বঙ্গভাষাতেই লেখা উচিত । চিঠি পত্রাদি অপরের গোচরীভূত হয়, কিন্তু ঐ গুলি কেবল নিজের নিকটেই থাকে, সুতরাং শিক্ষানবিশের পক্ষে ঐরূপে রচনাভ্যাসে কোনরূপ সঙ্কোচের ভাবও আসিতে পারে না ।

(৩) বিবিধ ভাষার গ্রন্থরাজির অংশবিশেষ বঙ্গভাষায় অনুবাদ করা উচিত । প্রথম শিক্ষার্থীর পক্ষে রচনা শিক্ষার উহা একটি সুগম উপায় । বিশেষতঃ, নানা ভাষায় লিপিবদ্ধ জ্ঞানরাশি হইতে ভাবসংগ্রহ পূর্বক মাতৃভাষায় পরিপুষ্টি সাধন করা, ভাষার এই ক্রমিক উন্নতির অবস্থায়, শিক্ষিত সম্প্রদায়ের এক অতি প্রধান কর্তব্য । দর্শন বিজ্ঞান ইতিহাস প্রভৃতির যে অভাব

* সুপ্রসিদ্ধ রাজনারায়ণ বস্থ মহোদয় “সাহিত্য-পরিমর্শ”-র সভ্যগণকে পরস্পর আলাপ ও চিঠি পত্রাদিতে বঙ্গভাষার ব্যবহার করিতে অনুরোধ করিয়াছিলেন । উক্ত বিষয়ে পরিষদের সভ্যগণ কতদূর মনোযোগ দিতেছেন, জানা যায় নাই ।

বর্তমানে অনুভূত হইয়া থাকে, তাহা ঐ রূপেই পূরণ করিতে হইবে, এবং অনুবাদ অভ্যাস থাকিলে তৎপক্ষে বিশেষ সহায়তা হইতে পারে ।

(৪) রচনাবিশুদ্ধি এবং শব্দসম্পত্তি লাভের নিমিত্ত সংস্কৃত ভাষার আলোচনা করা আবশ্যিক । সংস্কৃত অতি জটিল ভাষা এবং সম্যক্ আয়ত্ত করা কঠিন, সন্দেহ নাই । কিন্তু বাঁহারা বিশ্ববিদ্যালয়ে কিয়দূর প্রবেশলাভ করিয়াছিলেন তাঁহাদিগকে অবশ্যই কিছু না কিছু সংস্কৃতালোচনা করিতে হইয়াছিল ; এবং যদিও বিষয়কার্যে লিপ্ত হইয়া কি তৎপূর্ববৈ তাঁহারা সংস্কৃতের সংশ্রব পরিত্যাগ করিয়াছেন, তথাপি, জড়তা পরিহার করিয়া পূর্বাধীত গ্রন্থগুলির কিঞ্চিৎ আলোচনা করিলেই, বোধ হয়, অনেকে সাধারণ সংস্কৃত বুঝিতে পারিবেন । এইরূপে কিছু ব্যুৎপত্তি জন্মিলে এবং সঙ্গে সঙ্গে একটু আয়াস স্বীকার করিলে, তাঁহারা শব্দগুলি প্রভৃতি উৎকৃষ্ট গ্রন্থের রসাস্বাদন করিয়া পরিশ্রমের সফলতাও অনুভব করিতে পারিবেন । সংস্কৃত না জানাতে অনেকে সামান্য পত্রখান লিখিতে গিয়াও যে কত বর্ণাশুদ্ধি, শব্দের অপপ্রয়োগ প্রভৃতি অমার্জজনীয় দোষ ঘটাইয়া থাকেন, তাহার ইরতা করা দুঃসাধ্য ।

(৫) প্রবন্ধের প্রারম্ভেই বলা হইয়াছে, উদ্যমগাত্রেই কৃতিত্ব লাভ করা দুঃসাধ্য । উদ্যমকারী যে সকল রচনা করিবেন, তাহা দুই একবার নিজে সংশোধিত করিয়া, অপেক্ষাকৃত খ্যাতিমান লেখকদিগের মধ্যে কাহাকেও দেখান উচিত । অতিশয় শালীন-

শীলতা কিংবা প্রভূত আত্মনির্ভরতা অবলম্বন পূর্বক স্বীয় রচনা অপরকে না দেখাইয়া, অভিনব রচয়িতা বেন সহসা উহা বিবর্তিত বা প্রকাশিত না করেন ; কেননা নিজের দৃষ্টিতে যাহা সুবিমংবাদিতাবে মন্দ বা ভাল বলিয়া বিবেচিত হয়, অপরের চক্ষুতে তাহা তদ্বিপরীত প্রতীয়মান হইতে পারে ।

প্রবন্ধাদি লিখিতে গেলে দুইটি বিষয়ের প্রয়োজন—ভাব ও ভাষা ; প্রবন্ধকে একটা চেতন পদার্থ ভাবিয়া ভাষাকে উহার শরীর ধরিলে ভাবকে উহার প্রাণ বলিতে হইবে । ভাষারূপ শরীরের উপাদান বিষয়ে বরং মতামত প্রদান করা যাইতে পারে, এবং এতৎপ্রবন্ধে ঐ বিষয়েই দুই একটি কথা বলা হইল, কিন্তু ভাবরূপ প্রাণ সম্বন্ধে কোন কথা বলা বড়ই কঠিন । ভাব দ্বিবিধ,—প্রতিভা-জাত এবং অভিজ্ঞতা-লব্ধ । হৃদয়ে যার সম্ভা থাকিলে ভাষা আপনা আগনি বহির্গত হয়, সেই ভাব প্রতিভা-সম্বৃত । উহা খাঁহার আছে, সেই প্রতিভাশীল ব্যক্তিকে লিখিবার নিমিত্তও অনুরোধ করিতে হয় না, ভাষা বিষয়েও উপদেশ দিতে হয় না । তিনি যাহা লিখিবেন তাহাই উৎকৃষ্ট সাহিত্য, তাঁহার ভুল ভ্রান্তিও অর্ঘ্য বলিয়া আদৃত হইয়া থাকে । পরন্তু যে সকল সুশিক্ষিত ব্যক্তি ভ্রয়োমর্শনের ফলে এবং গ্রন্থাদি অধ্যয়ন দ্বারা ভাব-সংগ্রহশীল, সেই সকল ব্যক্তিই এতৎ প্রবন্ধের লক্ষ্য ।

জগতে প্রতিভাবান্ ব্যক্তিগণ ভাব সৃষ্টি করিয়া যান, অপর শিক্ষিত ব্যক্তিগণ তাহা আয়ত্ত করিয়া আলোচনা ও আন্দোলন

দ্বারা লোক মধ্যে উহার প্রচার করিবেন। ধর্মশাস্ত্রে যেমন
 আচার্য্য ঋষিগণের ঋণ স্বাধ্যায় অব্যাপনা তপস্বী প্রভৃতি দ্বারা
 পরিশোধ করিবার ব্যবস্থা আছে, ভাবশাস্ত্রেও তদ্রূপ প্রতিভার
 ঋণ আলোচনা ও প্রচার কার্য্য দ্বারা পরিশোধ করিতে হইবে।
 আমাদের শিক্ষিত সম্প্রদায় ইহা স্মরণ রাখিয়া, বথানন্তি এতৎ-
 কার্য্যে এই সাহিত্য-সেবকের সঙ্গে যোগদান করেন, ইহাই
 প্রার্থনা।

[সাহিত্য-সেবক, কাম্বুন ১৩০২।]

১. আধুনিক সংস্কৃত শিক্ষা সমালোচনা ।

এমনও দিন গিয়াছে যখন নব্যবঙ্গ, সংস্কৃত গ্রন্থ কি সংস্কৃত শিক্ষার প্রতি অশ্রদ্ধার ভাব পরিপোষণ করিতেন । সম্প্রতি সে ভাবের তিরোধান হইয়াছে এবং তৎপরিবর্তে, অনেকেরই পূর্ব পুরুষদিগের ভাষার প্রতি শ্রদ্ধা ও অনুরাগের উদ্রেক দেখা যাইতেছে । দেশের লোক বুঝিয়াছেন, সংস্কৃত চর্চাই স্বদেশের প্রাচীন ইতিহাসের অবগতি এবং পৈতৃক সনাতন ধর্মের অনুশীলন ইত্যাদি বিষয়ে কৃতকার্য হইবার একমাত্র উপায় । কিন্তু বুঝিলে কি হইবে, একমাত্র সংস্কৃত শিক্ষায় জীবন উৎসর্গ করিতে হইলে যে ত্যাগ স্বীকারের প্রয়োজন, তৎকরণে বঙ্গদেশীয় ব্যক্তিগণ সর্বথা পরাশ্রয় । অর্থকরী ইংরেজী বিদ্যার অনুশীলনেই সর্বদা তাহাদিগকে যত্নশীল দেখা যায় ।

অনেকেই আক্ষেপ করিয়া বলিয়া থাকেন, পূর্বে যে সমস্ত যৌল আনী পণ্ডিত দেখা যাইত এখন তেমন পণ্ডিত আর দেখিতে পাই না । কালধর্ম্মবশতঃ লোকের ধারণা শক্তির হ্রাস হইতেছে ইহাও উহার অগত্য কারণ বটে ; কিন্তু প্রধান কারণ এই যে আমাদের অনেক পুত্র থাকিলে যেটি সর্বাপেক্ষা নির্বোধ সচরাচর তাহাকেই আমরা সংস্কৃত শিক্ষার্থে উৎসর্ঘ করিয়া থাকি । অপেক্ষাকৃত বুদ্ধিমান্ অপর সম্ভানগুলিকে, অর্থহেতু

ইংরেজী শিক্ষায় নিয়োজিত করি। এমন ব্যক্তিদিগের দ্বারা পণ্ডিতবর্গের পূর্ব গৌরব অক্ষুণ্ণ রাখিবার আশা করা যথা ।

বুদ্ধিমান ছাত্র যে সংস্কৃত শিক্ষায় জীবন উৎসর্গ করে না এমনও নহে । কিন্তু আজকালকার সংস্কৃত শিক্ষার যে প্রণালী বঙ্গদেশে প্রচলিত তাহাতে অনেক বুদ্ধিমান ছাত্রকেও পরিশেষে হতবুদ্ধি হইতে হয় ।

সর্বপ্রথমে ব্যাকরণ অধ্যয়ন করাই সংস্কৃত শিক্ষার রীতি ; তাহা প্রশস্তই বটে । কিন্তু বর্তমানে ব্যাকরণ শিক্ষার প্রণালীতে যে গলদ প্রবেশ করিয়াছে তাহা স্বীকার করিতেই হইবে । বঙ্গদেশে মৌলিক ব্যাকরণ অধ্যাত হয় না । 'পাণিনীয় প্রভৃতি ব্যাকরণের খুঁজ খবরও অনেকে রাখে না । কলাপ ব্যাকরণকে সম্পূর্ণাবয়ব মৌলিক ব্যাকরণ বলিতে পারি না ।* অজ্ঞ রাজাকে অনধিক আয়াসে সংস্কৃতের মোটাগুটি জ্ঞান দিবার জন্যই এই ব্যাকরণের সৃষ্টি । সুতরাং কলাপ ব্যাকরণে মোটাগুটি মাত্র জ্ঞান জন্মিতে পারে । চূড়ান্ত জ্ঞান জন্মাইবার জন্য, পরিশেষে, পরিশিষ্ট, পঞ্জী, কবিরাজ ইত্যাদি অধ্যয়ন করিতে হয় । এ সমুদয় একত্র করিলে মৌলিক 'পাণিনীয় ব্যাকরণের প্রায় দ্বিগুণ আয়তন হয়, অথচ একমাত্র পাণিনীয় ব্যাকরণ পড়িলেই, অধিক না হউক, অন্ততঃ সেই জ্ঞানটুকু অবশ্যই হইবার কথা ।

তারপর ব্যাকরণের ভাষা । অবশ্য, প্রথম শিক্ষার্থীকে যে

* পূর্ব-বঙ্গের চতুষ্পাঠীর ছাত্র ও অধ্যাপকমহোদয় দিগকেই লক্ষ্য করিয়া এই প্রবন্ধ লিখিত হইয়াছিল ; তাই কলাপ ব্যাকরণেরই মাত্র উল্লেখ করা হইয়াছে ।

অনেকটা না বুঝিয়া কঠিন করিতে হইবে তাহা অপরিহার্য। কিন্তু প্রথমতঃ, বঙ্গভাষার বিদ্যাসাগর মহাশয়ের উপক্রমণিকায় ন্যায় ব্যাকরণের অধ্যয়ন দ্বারা শব্দ, ক্রিয়া, কারক, সমাস প্রভৃতির সাধারণ একটু জ্ঞান জন্মাইতে অতি অল্প বয়স্ক শিশুদিগেরও অধিক দিন লাগিতে পারে না; অথচ “সিন্ধো বর্ষ সমান্তায়ঃ” প্রভৃতি নূত্নের অর্থ বোধ না হইক, অন্ততঃ অল্প বোধ অনায়াসেই হইবে এবং এতদ্বারা শীঘ্র শীঘ্র সূত্রাদির অর্থ পরিগ্রহ ও আয়ত্তীকরণের অনেক সাহায্য হইতে পারে। কিন্তু সংস্কৃত শিক্ষার এই রীতি প্রচলিত নাই। সন্ধি ও চতুর্থের পর্য্যন্ত কেবল শুকবৃন্দিই অবলম্বিত হয়, তারপর যদি ছাত্রের অদৃষ্টে থাকে আখ্যাত্রে খ্যাতি লাভ করিতে পারে। কলাপ পড়িয়া পাঁচ বৎসরের ন্যূনে অতি বুদ্ধিমান ছাত্রকেও ব্যাকরণে পারদর্শী হইতে সচরাচর দেখা যায় না। পাণিনীর ব্যাকরণ যে এতদপেক্ষা অনেক অল্পতর সময়েই আয়ত্তীকৃত হইতে পারে, তাহা নিঃসন্দেহ; অথচ ইহাতে একটা মৌলিক ব্যাকরণ অধীত হয়। বিশেষতঃ কলাপ পড়িয়া যখন ছাত্রগণ সাহিত্যাদি পড়িতে যায়, তখন মল্লিনাথ প্রভৃতি মহামহোপাধ্যায়গণের টীকাতে কলাপের সূত্রাদির নাম গন্ধও না দেখিয়া হতাশ হয়, এবং নূতন করিয়া তাহাদিগকে ব্যাকরণান্তরের সূত্রাদি পুনরভ্যস্ত করিতে হয়। গোড়া হইতে পাণিনি পড়িলে এই বিভ্রম ভোগ করিতে হইত না।

এই গেল ব্যাকরণের কথা। দর্শন স্মৃতি প্রভৃতির অধ্যয়নেও

ঐ রূপ গলদ । জ্যায় ডাড়া বঙ্গদেশে আর কোনও দর্শন প্রচলিত
নাই বলিলেও অভ্যুত্থিত হয় না । বেদশাস্ত্রবিবর্জিত যে অনেক
দিন হইল হইয়াছে, তাহা আর উল্লেখ করিয়া দুর্দশার স্মৃতি
দ্বারা মনকে বৃথা ক্লিষ্ট করিতে চাই না । ঐ যে সন্ধ্যা উপাসনার
সময় গোটা কতক মন্ত্র, শ্রীকাদির সময় পঠিত কতকগুলি বচন,
তাহাও মাপের মত্রে আর অর্থ গ্রহণ না করিয়া উদগার করা
হয় ; ইহাতেই আমাদের বেদজ্ঞান পর্য্যবসিত । বেদের অন্তের
সঙ্গে সঙ্গে বেদান্তেরও অন্তর্ধান এবং বেদান্তেরও অজহীনতা
হইয়াছে । যে বলে বলীয়ান হইয়া তগবান্ শঙ্করাচার্য্য ধর্ম্মের
মুগাশ্রব উপস্থিত করিবাছিলেন, বাহার মহিমায় অর্ঘ্যগণ অসাত্ত
বিবর স্তম্বে জলাঞ্জলি দিয়া একমাত্র ধর্ম্মালোচনায় প্রবৃত্ত হইতেন,
সেই বেদান্ত ও উপনিষদাবলীর আলোচনা চিরতরে পরিত্যাগ
করিয়া নিষ্কল তর্কাদি শাস্ত্রের আশ্রয় গ্রহণ করিতেই বর্ত্তমান
ব্রাহ্মণ পণ্ডিতগণের অসংপত্তন বটিয়াছে ; তাঁহারা বিষয়লোলুপ
হইয়াছেন এবং নিঃসর্গ ও উপধর্ম্মের আক্রমণ হইতে সনাতন
ধর্ম্মের রক্ষা সাধনে অক্ষম হইয়া পড়িয়াছেন ।

যে্যটিঃ শাস্ত্রের হ্রস্বস্থার কথা আর কি বলিব ? মূল গ্রন্থ পরি-
ভাগ করিয়া কতকগুলি সংক্লেভাবলম্বনে নিরক্ষরপ্রায় ঞ্জগগণের
দ্বারা ইহার চর্চা হইতেছে । * আয়ুর্বেদ শাস্ত্র সৌভাগ্যক্রমে

* এই সকল কথা এই পত্রের বিপ্লব সংখ্যায় 'বিপ্লব দিক্ত স্ত পত্রিকা' সমালোচনার্থে
লিখিত পত্রাণে আম্রকের মাননীয় অধ্যাপক শ্রীযুক্ত রাধাকৃষ্ণর সেন গুপ্ত এম, এ মহোদয়
বিশদভাবে দেখাইয়াছেন ।

বৈষ্ণব মহোদয়গণের হস্তে ক্ষুণ্ণ হইয়াছিল, তাহাতেই এই যৌরত প্রতিদ্বন্দিতার দিনেও উহার বিলোপ না হইয়া একটু উন্নতি দেখা যাইতেছে। কিন্তু অঙ্গচিকিৎসা চিরকালের জন্ত বিলুপ্ত হইয়াছে। আগম শাস্ত্র হাতুড়েদের হাতে পড়িয়া প্রায় পটতুলিয়াছে। আরও কত শাস্ত্র যে বিলুপ্ত হইয়াছে ও হইতেছে তাহা কে বলিতে পারে ?

ব্যাকরণ ব্যতীত আজ কাল বাহা কিছু আলোচিত হয় তাহ কেবল স্মৃতি, পুরাণ, ত্রায় এবং কিয়ৎ পরিমাণে সাহিত্যগ্রন্থ স্মৃতিশাস্ত্র কিঞ্চিৎ অর্থ প্রদায়ক, কেননা তৈলবটাদিতে কিছু কি প্রাপ্তির সম্ভাবনা ; স্মরণ্য তাহার আলোচনাদিও হইয়া থাকে কিন্তু অধিকাংশ স্থলেই মূল প্রাচীন স্মৃতি গ্রন্থাদি উপেক্ষিত হইয়া থাকে। ঋষিপ্রতিম রঘুনন্দন ভাগ্যে একখানা সংগ্রহ গ্রন্থ রাখিয়া গিয়াছিলেন তাই আমাদের স্মৃতি ব্যবসায়ীদের যে একটু পসার চলিতেছে ; নতুবা যে কি হইত বলা যায় না। সংহিতাদির আলোচনা বর্তমানে সম্যক হয় না বলিলেও অগ্রাহ্য হয় না। পুরাণ শাস্ত্রও কিছু একটু অর্থদায়ক ; কেননা পাঠকতা করিতে গেলে এবং শিষ্টাচার রাখিতে গেলে পুরাণের অধ্যয়ন প্রয়োজনীয় ; কিন্তু তাহাও বড় বেশী লোককে পড়িতে দেখা যায় না। ত্রায়শাস্ত্রের দুর্দশা ও বিড়ম্বনার কথা এক মুখে আর কত কহিব ? গৌতমাদি ঋষির মৌলিক সূত্রাদির চর্চা অতি অল্প মাত্রই হইয়া থাকে। বিশেষতঃ কি কুক্ষণে কঁাকি ও পাতড়া রূপিণী দুইটা রাক্ষসী আসিয়াছিল, যে বাহার

ন্যায়গহনে প্রবেশ করেন, তাঁহারাই হয় অর্দ্ধ পথ হইতে পলায়ন করেন, নয় একেবারে মাথাটা হারাইয়া আইসেন ; দৈববশে কটিং কেহ রাঙ্গসূর সংগ্রামে জয়লাভ করিয়া প্রত্যাবৃত্ত হন, কিন্তু তাঁহাদের সংখ্যা অতি অল্প ।

বর্তমানে কাব্যাদির এবং তৎসঙ্গে অলঙ্কার শাস্ত্রের সমধিক আলোচনা আরম্ভ হইয়াছে । তবে কি পণ্ডিত মহাশয়েরা কাব্যমুত্তরসের আশ্বাদ করিতে ভালবাসেন ?

ইংরেজী বিদ্যালয়ে সংস্কৃতের বাহা কিছু চর্চা হয় তাহা কেবল সাহিত্যেরই । স্কুল-কলেজে সাহিত্য গ্রন্থাদি অধীত ও অধ্যাপিত হইয়া থাকে । তাই পণ্ডিতির আশায় অনেকে কাব্যের প্রতি মন দিতেছেন এবং অলঙ্কার না জানিলে সাহিত্য চলেনা, সুতরাং তাহারও কিয়ৎ পরিমাণে আলোচনা করিয়া থাকেন । কঠোর ও নীরস ন্যায়, স্মৃতি প্রভৃতির সঙ্গে সঙ্গে কোমল মধুর কাব্যের কিছু কিছু আলোচনা হওয়া সর্ব্বথা বাঞ্ছনীয় । কিন্তু ভয় হয় পাছে কাব্যের রসে বিভোর হইয়া অগ্রাণু শাস্ত্রের আলোচনা পরিত্যাগ পূর্ব্বক ব্রাহ্মণ পণ্ডিতগণ পূর্ণ মাত্রায় বিলাসী হইয়া পড়েন । বেরূপ কালমাহাত্ম্য দেখা যায়, ইহা যে না ঘটিবে, তাহা কে বলিতে পারে ? তবেইত হিতে বিপরীত হইবার সম্ভাবনা ।

উপসংহারে আমাদের এই বক্তব্য যে আজ কাল ক্রমশঃ ব্রাহ্মণ পণ্ডিতগণের বেরূপ হ্রাস দেখা যায় তাহাতে শঙ্কা হয় পাছে বা ক্রিয়া কাণ্ডেরই লোপ হয় । এই রূপ হ্রাসের কারণ এই যে

ব্রাহ্মণগণ এক্ষণে সংযম-ধন নহেন, সেই “অসম্ভবতা দ্বিজা নকটা” প্রভৃতি নীতি ভুলিয়া জীবনসংগ্রামে ব্যাকুল হইয়া পড়িয়াছেন। ইহা কালের ধর্ম এবং সমাজের দুর্ভাগ্যের স্বেচ্ছা সন্দেহ নাই। ততএব সংস্কৃত শিক্ষার রীতির জটিলতা ও বিষয়ের গভীরতা একটু কমাইয়া, বাহাতে অল্প বুদ্ধিমান ব্যক্তিও ভাষা এবং বিষয় একটু প্রবেশ লাভ করিতে পারে তদনুষ্ঠানে যত্নবান হওয়া অধ্যাপক মহোদয়গণের কর্তব্য। যে সকল ছাত্র ইচ্ছা সত্ত্বেও সংস্কৃত শিক্ষা প্রণালীর ও বিষয়াবলীর দুরূহত্বে ভীত হইয়া স্বল্প পাঠ্য ইংরেজী বিদ্যার আশ্রয় গ্রহণ করে, বিষয় ও প্রণালীর পরিবর্তন হইলে তাহারা সংস্কৃতই অধ্যয়ন করিবে এমন আশা করা বাইতে পারে। সেরূপ পরিবর্তন কি উপায়ে করিতে হইবে, তদ্বিষয়ে উপাধ্যায় মহোদয়েরাই কর্তব্য নির্ধারণ করুন, আমরা তৎকরণে অনধিকারী। তবে এই মাত্র বলা যায়, যে এক্ষণে আর ফাঁকি পাত্তার দিন নাই; সুতরাং এই সকল আগাছা পরিত্যাগ করিয়া যেরূপে মৌলিক দর্শন, স্মৃতি, ব্যাকরণ প্রভৃতি গ্রন্থাদি আলোচিত হয় এবং সঙ্গে সঙ্গে কাব্য পুরাণ ইত্যাদি অধ্যাপিত হয় তাহা করিতে হইবে। বিশেষতঃ এই ধর্ম বিভ্রাটের সময়, ছাত্রগণ বাহাতে স্বধর্মের মাহাত্ম্য প্রথমতঃ নিজে বুঝিয়া, পশ্চাৎ উন্ন্যাস প্রস্থানোন্মুখ সামাজিক ব্যক্তিদিগকে বুঝাইতে পারে, অধ্যাপক মহাশয়েরা উহাদিগকে সেইরূপ ভাবে শিক্ষা প্রদান করিবেন। বর্তমানে প্রয়োজন, যে ব্রাহ্মণ পণ্ডিতকে একাধারে নৈয়ায়িক, শাঙ্কর, স্মার্ত, ধর্মোপদেষ্টা সমস্ত হইতে হইবে; এ ছাড়া

ব্রাহ্মণকৃত্য যাজনিক ক্রিয়া কাণ্ডেও পারদর্শী হইতে হইবে ।
সুতরাং কেবল গ্রাম-ব্যাকরণের কাঁকি পাতড়ায় দিন কটুই
করিলে অবশেষে ছুরবস্ত্রার পরিসীমা থাকিবে না । বিচারমন্ডলের
বিজয়ের দিন চলিয়া গিয়াছে, সেই জন্ত অনুশোচনা করি না,
কিন্তু ব্রাহ্মণ পণ্ডিতেরা যে নানা শাস্ত্রের সারস্বত হইয়েন না এবং
তাহাদের নিকট বাইরা ধর্ম্মতত্ত্বপিপাসু ব্যক্তিরূপে যে পরিতৃপ্ত
হইতে পারেন না, ইহাই দুঃখের বিষয় ।

[সারস্বত পত্র, ২৬শে বৈশাখ ১২৯৯ ।]

৬ টি কাব্যের গ্রন্থকার । *

“কাব্যঃ বর্ণসেহর্থকৃতে ব্যবহারবিদে শিবেতরক্ষতয়ে ।
সদাঃপরনির্বৃত্তয়ে কান্তাসম্মিততরোপদেশযুক্তে ॥”

কোন কাব্যের টীকাদি লিখিবার পূর্বে প্রাচীন টীকাকারগণ প্রায়শঃ মন্মটভট্টের এই কবিতাটি উদ্ধৃত করিয়া থাকেন। উক্ত কবিতাতে কবির কাব্য লিখিবার প্রয়োজন এবং পাঠক সাধারণের উহার আলোচনা করিবার আবশ্যকতা প্রতিপাদিত হইয়াছে। কবি কাব্য লিখেন,—(১) “বর্ণসে”—অমর কীর্তি লাভ করিবার নিমিত্ত ; (২) “অর্থকৃতে” ধন লাভের জন্য ;—উদাহরণ স্থলে “শ্রীহর্ষাদের্ধাবকাদীনামিব ধনং” বলা হয়। কাশ্মীরাদ্বিপতি শ্রীহর্ষদেবের কবিশশঃস্পৃহা বড়ই বলবতী ছিল, অথচ তদনুরূপ কবিত্ব শক্তি ছিল না, তাই দরিদ্র কবি ধাবককে প্রচুর ধনদান পূর্বক রত্নাবলী নাগানন্দ প্রভৃতি প্রণয়ন করাইয়া “শ্রীহর্ষো নিপুণঃ কবিঃ” এই খ্যাতি লাভ করিয়াছিলেন। † কবির কাব্য লিখিবার তৃতীয় প্রয়োজন— “শিবেতরক্ষতয়ে” অমঙ্গল বিনাশনের নিমিত্ত : যেমন ময়ূরভট্ট সূর্য্যশতক প্রণয়ন

* দ্বিজ সাহিত্য সভার সমালোচনী শাখার বিশেষ অধিবেশনে শ্রীযুক্ত পরমা ভট্টাচার্য্য বিন্দ্যবিনোদ, এম, এ কর্তৃক পঠিত হইত। ভাষ্যভূমি-সম্পাদক।

† এই উদাহরণের যথার্থ্য সম্বন্ধে অনেকেই কিছু সন্দেহ আছে।

করিয়া ছুরারোগ্য কুষ্ঠব্যাধি হইতে মুক্তি লাভ করিয়াছিলেন ।
 • এই গেল কবির কথা । তারপর পাঠকের কথা । উঁহারা
 কাব্যালোচনা করিবেন,—(১) “ব্যবহারবিদে”—লোকাচার
 • পরিজ্ঞানের নিমিত্ত ; যেমন মুচ্ছকটিক নাটক পড়িলে রাজা
 শূজকের সময়ে (প্রায় ৩০০ খৃঃ পূঃ) ধর্ম্মাধিকরণে কিরূপ বিচার
 প্রণালী প্রচলিত ছিল, তাহা জানা যায় । (২) “সদ্যঃ
 পরনির্বৃত্তয়ে” কাব্যপাঠমাত্রেই কি এক অনির্বচনীয় আনন্দ-
 রসে হৃদয় আশ্রুত হইয়া যায়, তাহার অনুভবের নিমিত্ত ।
 বিশেষতঃ (৩) “কান্তাসম্মিততয়োপদেশযুজে”—শ্রুতি প্রভৃতি
 আশ্রয়াদিগকে প্রভুর ন্যায় আদেশ করেন, পুরাণেতিহাস বন্ধুর ন্যায়
 উপদেশ প্রদান করিয়া থাকেন, কিন্তু পতি হিতৈষিণী প্রণয়িনী
 যেসকল উন্মার্গগামী ভক্তাকে অবসর বুঝিয়া নানাছাঁদে বিনাইয়া
 কোমল মধুর স্ফুটাস্ফুট বচনাবলীদ্বারা ধীরে ধীরে সৎপথে
 আসিতে উপরোধ করিয়া থাকেন, তদ্রূপ কাব্যও পাঠকের মনে
 নানা রস ও ভাবের অবতারণা করিয়া, তাহারই ভিতর
 দিয়া মহৎ চরিত্রের সাধু আদর্শ প্রভৃতি অলঙ্কৃত ভাবে হৃদয়-পটে
 মুদ্রিত করিয়া, অল্লাধিক উপদেশ প্রদান করিয়া থাকে ।

উল্লিখিত উদ্দেশ্যাবলীর কোনটি অবলম্বন পূর্বক ভট্টিকাব্যের
 গ্রন্থকার তদীয় মহাকাব্য প্রণয়ন করিয়াছেন এবং উহা পাঠ
 করিলে পাঠকেরই বা কি ফল লাভ হয়, তাহা প্রসঙ্গক্রমে
 • যথাস্থানে আলোচিত হইবে । উপস্থিত, ভট্টিকাব্য কাহার
 রচিত—ইহাই আমাদের প্রধানতঃ আলোচনার বিষয় । ভট্ট-

হরিনামক কবি এই গ্রন্থের প্রণেতা বলিয়া নির্দিষ্ট হন। তাহা হইলে সংস্কৃত সাহিত্যে দুইজন কবি ভর্তৃহরি নামে খ্যাত ছিলেন * বলিতে হইবে ;—(১) শৃঙ্গার-শতক, নীতি-শতক এবং বৈরাগ্য-শতক এই কোষকাব্যত্রয়ের গ্রন্থকার এবং (২) ভট্টিকাব্যের রচয়িতা। এস্থলে আপত্তি হইতে পারে যে, দুই জন ভর্তৃহরি কল্পিত না হইয়া একজন কবিকেই শতকত্রয় এবং ভট্টিকাব্যের রচয়িতা বলা যায় না কেন ? এই আপত্তি খণ্ডনের নিমিত্ত দুই প্রকার প্রমাণ প্রয়োগ করা যায়। প্রথম বাহ্য; কোষ-কবি ভর্তৃহরি এবং ভট্টিকবি ভর্তৃহরির ভিন্ন ভিন্ন জীবনাখ্যায়িকা লোক সমাজে প্রচারিত আছে। দ্বিতীয় আভ্যন্তর; তাঁহাদিগের রচিত কাব্য মধ্যে বিভিন্ন ভাব ও রুচি পরিলক্ষিত হইয়া থাকে।

শৃঙ্গার-শতক প্রভৃতি রচয়িতা ভর্তৃহরি রাজা ছিলেন। কথিত আছে, তিনি—ভারতের হারুণ-অর-রশিদ—রাজা বিক্রমাদিত্যের অগ্রজ ছিলেন। মধ্য যুগের রাজন্যবর্গের যেমন রীতি ছিল, তিনিও তদ্রূপ বিলাসী রাজা ছিলেন। কথিত আছে, একদিন কোন সন্ন্যাসী ঐকটি ফল আনিয়া রাজাকে বলিলেন যে এই ফল ভক্ষণকারী ব্যক্তি চিরবোঁদনসম্পন্ন হইবেন। ভোগ-বিলাস-পরায়ণ স্ত্রৈণ রাজা, নিজে না খাইয়া, সেই ফল রাণীকে উপহার দিলেন। রাণীর এক উপপতি ছিল, তিনি তাহাকে দিলেন। ঐ ব্যক্তির

* শব্দ শাস্ত্রের সম্ভ্রদায়-বিশেষ-পুত্র, বাক্যপদীয় নামক গ্রন্থ রচয়িতা প্রসিদ্ধ ভর্তৃহরি এই দুইজনের অন্তর্গত কিনা, তাহা অনুসন্ধান করা উচিত। জং সং।

অপর এক উপপত্নী ছিল, সে উহাকেই ফল অর্পণ করিল। সেই
রমণীয় আবার রাজার প্রতি প্রগাঢ় আসক্তি ছিল, সে পরকীয়া
ভাবে নিষ্কাম প্রদর্শনপূর্বক রাজাকেই ফল প্রদান করিল।
এইরূপে ফলটি পুনঃ প্রাপ্ত হইয়া রাজা বিস্মিত হইলেন এবং অমু-
সন্ধানপূর্বক আমূল বৃত্তান্ত জানিতে পারিয়া সংসারে বীতরাগতা-
বশতঃ তৎক্ষণাৎ অবদূতাশ্রম গ্রহণ করিলেন। প্রবাদ—তদীয়
নীতি-শতকের প্রথম শ্লোকে এই ঘটনাই উল্লিখিত হইয়াছে—

“যাং চিন্তয়ামি সততং ময়ি সা বিরক্তা

সা চাশ্রমিচ্ছতি জনং স জনোহন্যরক্তঃ ।

অস্মৎকৃতেহপি পরিতুষ্যতি কাচিদন্থা

ধিক্ তাক্ তক্ মদনক্ ইমাক্ মাঞ্চ ॥”

এই ভট্টহরির জীবনী অনেক পরিমাণে শান্তিশতককার
শিল্পন মিশ্রের * অনুরূপ। শৃঙ্গার, নীতি ও বৈরাগ্য শতকের
উদ্দেশ্য ও ভাব প্রায় শান্তিশতকেরই স্থায়। এমন কি, ভট্ট-
হরির অনেক কবিতা শান্তিশতকে অবিকল দেখিতে পাওয়া
যায়; উদাহরণ স্থলে নিম্নে একটা শ্লোক উদ্ধৃত হইল।
ইহাতে উভয় কবিই যেন সমস্বরে স্বীয় জীবনের পূর্ব কাহিনী
এবং তাৎকালিক ভাব জন-সমাজে বিবৃত করিতেছেন।

“বদাসীদজ্ঞানং স্মরতিমিরসংস্কারজনিতং ।

তদা জ্ঞাতং নারীময়মিদমশেষং জগদপি ।

* শিল্পন মিশ্রের জীবনী বিধবঙ্গল ঠাকুরের জীবনের অবিকল অনুরূপ :—অধিক কি,
উভয়কে একই ব্যক্তি বলিয়া যেন মনে হইয়।

ইদানীমশ্যাকং পটুতরবিবেকাজ্ঞনজুবাং

সমীভূতা দৃষ্টি দ্বিভুবনমপি ব্রহ্ম মনুতে ॥”

ভট্টিকাব্যের গ্রন্থকারের জীবনী সম্পূর্ণ স্বতন্ত্র । তিনি, পরম
ভাগবত শ্রীমদ্ভাগবতের টীকাকার শ্রীধরস্বামীর পুত্র । তাঁহার অল্প
শৈশব কাহিনী বাঙ্গাল ভক্তমালগ্রন্থহইতে উদ্ধৃত করা গেল—

“শ্রীল শ্রীধর স্বামী জগতে বিদিত ।

শ্রীমদ্ভাগবত টীকা কৈল বিস্তারিত ॥

*

*

*

শাস্ত্রী বিরুদ্ধ গোণ লক্ষণা ব্যাখ্যান ।

দৃষ্টিয়া স্থাপিতা শুদ্ধ মত বিনিক্ষেপ ॥

*

*

*

গৃহে এক স্ত্রী মাত্র পূর্ণ গর্ভবতী ।

তাজিয়া বাইতে বন হইল দৃঢ় মতি ॥

হেন কালে নারী, পুত্র প্রসব হইয়া ।

কাল প্রাপ্ত হৈল তার বালক রাখিয়া ॥

সাধু উৎকর্ষাতে গৃহে রহিতে না পারে ।

চিন্তিত, বালক এই কেবা রক্ষা করে ॥

ভাবিতে ভাবিতে দৈবে এক জ্যেষ্ঠী-ভিক্ষু ।

ঢাল হতে পড়ে গেল বিনা অবলম্ব ॥

তাজিয়া ভিতর হতে বাচ্ছা নিকলিয়া ।

খাইল সম্মুখে এক মক্ষিক ধরিয়া ॥

সাধু তাহা দেখি মনে বিচার করিল ।

সেই শিশু রক্ষিবে যে ইহারে রক্ষিল ॥

এতক ভাবিয়া ত্যজি গমন করিল ।

অনাথ বালক গ্রাম্য লোকেতে পালিল ॥

সেই শিশু, কালে মহা পণ্ডিত হইল ।

ভট্টিনামে রাম-লীলা সাহিত্য রচিল ॥”

গ্রন্থকার নিজ কাব্যের উপসংহারে আত্ম পরিচয়স্থলে এই মাত্র বলিরাছেন—

“কাব্যমিদং বিহিতং ময়া বলভ্যাং

শ্রীধর সেন (?) নরেন্দ্র পালিতায়াম্ ॥”*

ইহাতে দেখা যায় যে, ভট্টিকাব্যের গ্রন্থকার বলভী-নগরাধিপ শ্রীধর সেন (?) ভূপতির আশ্রয়ে থাকিয়া এই কাব্য রচনা করেন ।

উপরে যাহা বর্ণিত হইল, তদ্বারা উভয় কবির জীবনীতে বিলক্ষণ বৈষম্য পরিলক্ষিত হইতেছে এবং উহাই উভয় কবি একই ব্যক্তি না হইবার যথেষ্ট প্রমাণ ।† এই গেল বাহ্য প্রমাণ ; আভ্যন্তর প্রমাণও দুই একটা প্রদর্শিত হইতেছে ।

কোষকাব্যের রচয়িতা ভর্তুহরির উদ্দেশ্য ভাল হইলেও, শৃঙ্গারশত্বেক আদি-রসের অবস্থা অনেক ছড়াছড়ি করিয়া উক্ত

* বলভী এক সময় ভায়তবর্ষের মধ্যে হুসনুজ্জ রাষ্ট্রধানী ছিল, সেই সময়ের এবং তৎস্থলীয় রাজগণের বিস্তৃত বিবরণ অনুসন্ধান করিলে ভাল হয় । তৎ সঃ ।

† উভয়ের আবির্ভাব-কালেরও বিলক্ষণ অন্তরায় রহিয়াছে । ভর্তুহরির অন্তঃ বিক্রমাদিত্যের ত্রয়োদশ শতাব্দীর এবং শররাচার্য্যের অনেক পরে ভট্টিকাব্যের পিতা শ্রীধরস্বামী জন্ম পরিগ্রহ করেন ।

শতকের নাম সার্থক করিয়াছেন এবং স্বীয় রুচিরও বিলক্ষণ পরিচয় প্রদান করিয়াছেন । কিন্তু ভট্টিকাব্যের রচয়িতা তদীয় প্রকাণ্ড গ্রন্থে অনতিস্থূল একটি সর্গে (একাদশে) মাত্র আদি রসের অবতারণা করিয়াছেন । তাহাতেও তাঁহার দুইটি উদ্দেশ্য বুঝা যায় ;—প্রথম, সমস্ত রসের প্রধান আদি রস একটা মহাকাব্যের অঙ্গী না হইলেও অঙ্গরূপে থাকা আবশ্যিক ; দ্বিতীয়, গ্রন্থের প্রধান উদ্দেশ্য শব্দশাস্ত্রের নানাবিষয়ক উদাহরণ-প্রদর্শন, তাই কাব্যমধ্যে আদি রসের উদাহরণেরও প্রয়োজন । টীকাকারও বলেন,—“মাধুর্য্যমপি কাব্যস্ত গুণ উক্তঃ । ইতি তৎ প্রদর্শনার্থং লক্ষ্যপ্রভাতবর্ণনমধিকৃত্য আহ ।” এস্থলে ইহাও উল্লেখ করা যাইতে পারে যে, এ বিষয়ে কবি অনেক পরিমাণে সংযত রুচির অনুসরণ করিয়া মাধ, ভারবি, ক্রীর্ষ প্রভৃতির অপেক্ষাও সমধিক প্রশংস্য হইয়াছেন ।

আর একটি আত্যন্তর প্রমাণ দেখা যায় । কোষ-কাব্যের কবি ভট্টহরি প্রগাঢ় শৈব ছিলেন । তিনি বৈরাগ্য-শতকে শিবার্চনা-বিষয়ক শ্লোক-মালার একটিতে মুক্তকণ্ঠে বলিয়াছেন—

“মহেশ্বরে বা জগতামধীশ্বরে

জনর্দনে বা জগদন্তকারণে ।

ন বস্তুতো মে প্রতিপত্তিরস্তি

তথাপি ভক্তিসুরূপেন্দুশেখরে ॥”

* শৃঙ্গার বীর পাশ্তানামেকোহঙ্গী রস ইহাতে । অঙ্গানি সর্বেহপি রসঃ ।
—নাহিতা-দর্পণ ।

মহাকালাধিষ্ঠিত উজ্জয়িনীর ভূতপূর্ব অধীশ্বরের এবং
 সম্প্রতি অবধূতাশ্রমাবলম্বীর ইহা হইবারই কথা। কিন্তু ভট্ট
 কাব্যের গ্রন্থকার একজন বিশ্ববিখ্যাত বৈষ্ণবের সম্মান, তাঁহার
 অবশ্য বৈষ্ণব হওয়াই স্বাভাবিক এবং “রামলীলা-সাহিত্য” রচনা
 করিয়া তিনি ঘোরতর বৈষ্ণব ভক্তমাল রচয়িতারও প্রশংসা-
 ভাজন হইয়াছেন। বিশেষতঃ টীকা-মুখে ভট্টিকাব্যের টীকাকার-
 গণ সমস্বরে স্বীকার করিয়াছেন যে, কাব্যের প্রথম শ্লোকে
 “সনাতনঃ পিতরমুপাগমৎ স্বয়ম্” এই বাক্য দ্বারা কবি স্বীয় ইষ্ট-
 দেবতাকেই স্মরণ করিয়াছেন।

ভট্টিকাব্যের গ্রন্থকারের নাম কি ছিল, তাহা অদ্যাবধি
 বিতর্কের বিষয় হইয়া রহিয়াছে। টীকাকার জয়মঙ্গলের মতে
 গ্রন্থকারের নাম ভট্ট বা ভটি এবং কবির অনুকরণে তিনিও
 স্কৃত টীকার নাম “জয়মঙ্গলা” রাখিয়াছেন।

তাঁহার টীকার উপক্রমণিকায় আছে—“শ্রীশ্বামি স্মৃণুঃ কবি
 ভট্টিনামা রামকথাশ্রয়ং মহাকাব্যং চকার”। আবার পরি-
 সমাপ্তিতে লিখিয়াছেন, “ইতি শ্রীশ্বামিসূনোভট্টমহাব্রাহ্মণস্য
 কৃতো” ইত্যাদি। বৈদ্য টীকাকৃৎ ভরতমল্লিক বলেন,—“ভট্ট-
 হরিনাম কবিঃ শ্রীরামকথাশ্রয়ং মহাকাব্যং চকার।” কবি আপন
 গ্রন্থমধ্যে আপনার নাম কোত্রাপি উল্লেখ করেন নাই; অপর
 কবিগণ হইতে ইহাও তাঁহার এক বিশেষত্ব। বঙ্গানুদিত ভক্ত-
 মালেও * তাঁহার নাম দেওয়া হয় নাই। কিন্তু ভক্তমালোক্ত

* মূল ভক্তমালগ্রন্থ দেখিবার নিমিত্ত বলবতী স্পৃহা সত্ত্বেও এ যাবৎ লেখকের
 ভাগ্যে তাহা ঘটিয়া উঠিল না।

বিবরণ পাঠ করিলে সত্যই অনুমান হয় যে, যেহেতু পরম ভাগবৎ-
 পিতা শ্রীধরস্বামী অনাগশরণ ভগবান্ শ্রীহরির উপরেই নবজা
 শিশুর ভরণের ভারপণ করিয়া সংসারাত্মম পরিত্যাগ করে
 তাহাতে কবির নাম “ভট্টহরি” হওয়াই স্বাভাবিক । শৈশবে “গ্রাম
 লোক” দ্বারা প্রতিপালিত হওয়াতে তদীয় নামের প্রাকৃত্যপভা
 হইয়া “ভট্টি” এই অদ্ভুত আকার ধারণ করাও নিতান্ত অসম্ভব
 নহে । অথবা, “কালে সেই শিশু মহাপণ্ডিত” হইলে “ভট্টহরি
 ভট্ট” এই নাম ধারণ করিয়া, পিতা শ্রীধর স্বামী যেমন মাত্র ‘স্বামী’
 নামে পরিচিত হইয়া থাকেন, তদ্রূপ, “ভট্ট” এই খ্যাতিতেই, বে
 হয়, তৎকালে পরিচিত হইতেন এবং তৎকালেই তদ্রচিত কাব্য
 ‘ভট্টিকাব্য’ এই সংজ্ঞা লাভ করিয়াছে । এইরূপ কল্পনা দ্বা
 জয়মঙ্গল ও ভরতমল্লিকের বিবাদের এক প্রকার সমন্বয় হইয়া
 পারিত, কিন্তু তাহাতে এক মহান্ অন্তরায় রহিয়াছে । সাহিত্য
 দর্পণে মহাকাব্য লক্ষণে আছে,—

“কবের্ববৃন্দস্থ বা নাম্না নায়কস্যোতরস্য বা । নামাস্য—
 দর্পণ টীকাকার রামচরণ তর্কবাগীশ (১৬
 শকাব্দে) উক্ত কারিকার উদ্ধাহরণ স্থলে লিখিয়াছেন—
 “কবিনামকং মহাকাব্যং যথা মাঘভারবিপ্রভৃতি ; বৃন্দনামক
 কুমারসম্ভবাদি ; নায়কনামকং রঘুপ্রভৃতি ; ইতরনামক
 ভট্টপ্রভৃতি ।” ইহাতে জয়মঙ্গলের মত সম্পূর্ণ বিপর্যাস্ত হইতে
 হবে, কবির নামে নাম না হইলে, “ভট্টিকাব্য” এ
 সংজ্ঞার তাৎপর্য্য কি ? এতৎ সম্বন্ধে কাব্যের পরিসংখ্যান

নিম্নোক্ত দুইটি শ্লোক দ্বারা দুই প্রকার মীমাংসা কল্পিত হইতে পারে ।

(১) “বাস্তাগম্যাদং কাব্যমুৎসবঃ স্থথিয়ামলম্ ।

হতা দুর্মেবস*চাম্বিন্ বিদুবাং প্রীতয়ে ময়া ॥

ইহাতে এক প্রকার অনুমান করা যাইতে পারে যে, গ্রন্থকার পণ্ডিত (ভট্ট) গণের পরিতোষার্থে কাব্য রচনা করাতে কাব্যের নাম “ভট্টিকাব্য” হইরাছে ।

(২) “কাব্যমিদং বিহিতং ময়া বলভ্যাং

শ্রীধর সেন * নরেন্দ্র পালিতায়াম্ ।

কীর্তিরতো ভবতান্ন পস্য তস্য

ক্ষেমকরঃ ক্ষিতিপো বতঃ প্রজানাম্ ॥”

এতদ্বারা অনুমান করা যায় যে, কাব্য-রচনার শ্রেষ্ঠতম ফল “কীর্তি” আশ্রয়দাতা ভট্টারকের নামে উৎসর্গীকৃত হওয়াতেই ‘ভট্টিকাব্য’ এই নাম সিদ্ধ হইরাছে ।

বাহ্য ইউক, ভরত মল্লিকের মতই সমধিক প্রামাণ্য বলিয়া এতদ্দেশে গৃহীত হইয়াছে এবং ভট্টহরি নামক কবি ভট্টিকাব্যের গ্রন্থকার, ইহা একরূপ সন্দেহবাদের অন্তর্গত । “সংস্কৃত ভাষা ও সংস্কৃত সাহিত্য বিষয়ক প্রস্তাবে” স্বর্গীয় ঐশ্বরচন্দ্র বিদ্যাসাগর মহাশয় ভরতমল্লিকের মত পরিত্যাগপূর্বক প্রাচীন টীকাকার জয়-

* বঙ্গীয় পুস্তকে এইরূপ পাঠ দেখা যায় । কিন্তু ‘শ্রীধরজেন’ এই পাঠই যেন গ্রন্থকারের অভিপ্রেত বোধ হয় । লিপিকর প্রমাদে ‘জ’ স্থলে ‘স’ হওয়া বিচিত্র নহে । জয়মঙ্গল “শ্রীধর হনু” এই পাঠ ব্যাখ্যা করিয়াছেন ।

মঙ্গলকে প্রামাণিক বলিয়া তাঁহার মত গ্রহণ করিয়াছেন; তিনি বলেন,—“ভট্টিকাব্য ভট্টহরি রচিত—ইহা অসম্ভব, কেন না ভট্টহরি স্বয়ং রাজা হইয়া বলভীরাঙ্গের আশ্রয়ে ছিলেন তাহা হইতে পারে না।” বদিও উক্ত প্রমাণ বড় অকাট্য নহে, তথাপি তৎসম্বন্ধে আমাদিগের মত বিরোধ নাই; বরং উহা অপেক্ষা গুরুতর প্রমাণাবলীর দ্বারা প্রদর্শিত হইয়াছে যে, রাজা ভট্টহরি ভট্টিকাব্যের রচয়িতা নহেন। ভরত মল্লিকও এমন কথা বলে নাই যে, কোষকাব্যপ্রণেতা রাজা ভট্টহরি ভট্টিগ্রন্থ লিখিয়াছেন এই আপাত-বিরোধ মীমাংসার জগ্গই দুইজন ভট্টহরি কল্পিত করিয়াছে। অপর, জয়মঙ্গল প্রাচীন টীকাকার বলিয়াই প্রামাণিক হইবেন, একরূপ বলাও সম্ভব নহে, তাহা হইলে কানিন্দাসের ‘দুর্লভাখ্যাবিষমুচ্ছিতা’ ভারতীকে সঞ্জীবনী দ্বারা উজ্জীবিত করিবার প্রয়াস অর্ধাচীন মল্লিনাথকে করিতে হইত না। বাহু-ইউক, জয়মঙ্গল প্রামাণিক সন্দেহ নাই; তথাপি যে ভরত মল্লিক অধুনাতন হইয়াও তাঁহার মতের বিপরীত মত প্রকাশ করিতে সাহসী হইয়াছিলেন, ইহাতে বোধ হয়, তিনি নিজ মত পোষণে বিশেষ প্রমাণ অবশ্যই পাইয়া থাকিবেন। বিশেষতঃ, প্রাগুক্ত দর্পণ-টীকাকার প্রায় দ্বিশতবর্ষপ্রাচীন তর্কমাগীশকেও ভরতেরই তুল্যমতাবলম্বী দেখিতে পাওয়া যায়। জয়মঙ্গল যে তাৎকালিক কোন অমূলক কিংবদন্তীর উপর নির্ভর করিয়া যদৃচ্ছাক্রমে একটা মত স্থাপন করিয়া বান নাই, কে বলিতে পারে? অপিচ ইতিপূর্বে কাব্যের পরিসমাপক যে দুই শ্লোক

উদ্ধৃত হইয়াছে, তাহা হইতে দেখা যায় যে, বিদ্বদ্বর্গের পরি-
ভূষ্টির জন্য ঐক্য স্বীয় আশ্রয় দাতা যশস্বী হউন—এই উদ্দেশ্যেই,
তিনি কাব্য-রচনা করেন। কাব্য লিখিয়া নিজের নাম করিব—
এমন ভাব তাঁহার দেখা যায় না। এমন কি, অপর কবিগণের
আর তিনি সর্গসমাপ্তিসময়েও আপনার নামোল্লেখ করিতে
সম্মুচিত হইয়াছেন; এরূপ বিনীত নিকাম কবি নিজ নামে
কাব্যের নামকরণ করিয়াছেন—ইহা আপাতদৃষ্টিতেই যেন
অসঙ্গত বোধ হয়।

স্বর্গীয় বিদ্যাসাগর মহাশয় তদীয় “সংস্কৃত ভাষা ও সংস্কৃত
সাহিত্য বিষয়ক প্রস্তাবে” সংস্কৃত ভাষায় সরল, মধুর, ললিত
প্রভৃতি রচনার উদাহরণস্থলে ভট্টিকাব্যের দ্বিতীয় সর্গের প্রথম
হইতে ঊনবিংশ শ্লোক উদ্ধৃত করিয়া দেখাইয়াছেন। ফলতঃ
ভট্টির দ্বিতীয় সর্গের প্রথমংশ পাঠ করিলে, বোধ হয়, যদি কবি
সাধ করিয়া ব্যাকরণের নিগড়বন্ধ না হইতেন, তাঁহার স্থান মাধ,
ভারবি, শ্রীহর্ষের, পূর্বের না হউক, পার্শ্বেই হইত। শব্দ শাস্ত্রের
উপর তাঁহার যেরূপ অধিকার ছিল, অপর কোন কবির তদ্রূপ
ছিল কি না সন্দেহ; অথচ সহৃদয়তা এবং কবিত্বও তাঁহাতে
যথেষ্ট ছিল। কাব্য লিখিয়া নিজের কবিত্ব খ্যাপন করা অপেক্ষা
যাহাতে তাঁহার শক্তি বিদ্যার্থীর উপকারার্থে নিয়োজিত হয়,
ইহাই যেন কবির একমাত্র উদ্দেশ্য ছিল।

এই কাব্যে প্রণয়ন সম্বন্ধে অস্বদেশে এক অন্তত কিংবদন্তী
প্রচারিত আছে। কবি একজন অতি প্রসিদ্ধ বৈয়াকরণ ছিলেন;

নানা দিগদেশ হইতে অনেক ছাত্র তাঁহার নিকট অধ্যয়নমানসে
 আসিত। একদা তিনি অধ্যাপনা করিতেছেন, এমন সময়ে
 তাঁহার ও ছাত্রদিগের মধ্য দিয়া হঠাৎ একটা হস্তী চলিয়া গেল,
 এবং তৎক্ষণাৎ এক বৎসর অধ্যাপনা বন্ধ রাখিতে হইল। বেদাঙ্ক
 ব্যাকরণের পাঠ বন্ধ থাকিলেও কাব্যাদি উপশাস্ত্র সম্বন্ধে তাহা
 আঁটা আঁটি নাই; এই নিমিত্ত, শিষ্যদিগের উপরোধে, তিনি
 ব্যাকরণ শিকার সাহায্যকারী কাব্য গ্রন্থের প্রণয়নে প্রবৃত্ত হইল
 এবং সংবৎসর কাল মধ্যে উহা সমাপ্ত করিয়া ছাত্রদিগকে
 পড়াইয়াছিলেন।* এই জনশ্রুতির তথ্যানুসন্ধান স্বদূর পরাহত।

মনুসংহিতার 'চতুর্থ' অধ্যায়ে অনধ্যায়-প্রকরণে বিধান
 আছে;—

“পশুমণ্ডুকমার্জ্জার শ্বসর্পনকুলাশুভিঃ ।

অন্তরাগমনে বিদ্যাদনধ্যায়মহর্নিশম্ ॥”

“পশুর্গবাদিঃ”—(কুল্লুক ভট্ট)। গবাদিতে হস্তীও থাকি-
 বার কথা, তাহা হইলে এক অহোরাত্র মাত্র অনধ্যায় হওয়া উচিত
 ছিল;—সংবৎসর অনধ্যায়ের কোন হেতু দেখা যায় না। তবে
 মূষিক, নকুল, ভেক, সর্পাদি ক্ষুদ্র জন্তুর অন্তরাগমনে যে ব্যবস্থা,
 একটা প্রকাণ্ড জন্তুর পক্ষেও কি সেই ব্যবস্থা? এইরূপ বিতর্ক

* এখানে প্রচলিত প্রবাদ;—অধ্যয়নে অনাবিষ্ট রাজপুত্র, ভর্তৃহরির নিকট
 অধ্যয়নার্থ নিযুক্ত হইল। রাজপুত্রের ষড়্‌যন্ত্রেই পাঠকালে অধ্যাপক এবং রাজপুত্রের
 দিয়া হস্তা চালিত হয়। তৎপরে ভর্তৃহরি সেই ষড়্‌যন্ত্র আনিতে পারিলে কাব্যস্বত্ব
 ব্যাকরণের উপদেশ দেন।

জং সঃ

কারী কোন তार्কিকদিগ্গজ গজপক্ষে অনুপাতক্রমে এক বৎসর অনধ্যাক্ষি বিধান করিয়া এই একটা অমূলক কিংবদন্তী^১ রটাইয়াছেন কি না, কে বলিতে পারে ?

অস্বদেশীয় টোলের ছাত্রদিগের নিকট ভট্টিকাব্যের বিলক্ষণ সমাদর দেখিতে পাওয়া যায়। তাহারা আশৈশব ব্যাকরণের সূত্রগুলি শুধু উদাহরণ সহ কণ্ঠস্থ করিয়া থাকে ; তাই, এই সকল সূত্রের সুপ্রযুক্ত সরস উদাহরণ-মালা দেখিয়া তাহারা বড়ই প্রীতি সহকারে সেইগুলি আবৃত্তি করিতে প্রবৃত্ত হয়। কিন্তু ব্যাকরণবিমুখ ইদানীন্তন কাব্যমধুকরণের পক্ষে ভট্টিকাব্য নিতান্ত নীরস ও কর্কশ বোধ হইবারই কথা। বস্তুতঃ প্রথম কয়েক সর্গ ভিন্ন ভট্টির অপর সর্গগুলি যেন ব্যাকরণের এক এক পরিচ্ছেদ। কাব্য-বিভাগে ভট্টি যেমন দ্বাবিংশতি সর্গে বিভক্ত, ব্যাকরণ বিভাগে উহা আবার, প্রধানতঃ, চারি কাণ্ডে বিভক্ত ;— প্রথম হইতে পঞ্চম সর্গ—প্রকীর্ণ কাণ্ড, ষষ্ঠ হইতে নবম—অধিকার কাণ্ড, দশম হইতে ত্রয়োদশ—প্রসন্ন কাণ্ড এবং চতুর্দশ হইতে দ্বাবিংশ—তিত্ত্ব কাণ্ড। প্রকীর্ণ কাণ্ড নানাবিষয়ক, স্মরণীয় ইহাতে কবির কবিত্বের ক্ষুভিলাভের একটু অবকাশ ছিল ; তাই প্রথম হইতে পঞ্চম সর্গ * সাহিত্যসেবীর কথঞ্চিৎ মনোরঞ্জন করিতে পারে এবং এই জগাই বিশ্ববিদ্যালয়ে এই কয় সর্গের অধিকতর আদর। অধিকার কাণ্ডে কৃত্তিকাদি প্রত্যয়ের উদাহরণ প্রদর্শিত হইয়াছে। প্রসন্ন কাণ্ডে কবি.

* "পঞ্চম সর্গ 'প্রকীর্ণ' ও 'অধিকার' এই উভয় কাণ্ডে মিশ্রিত।

বাক্যের প্রসাদ সূচক অলঙ্কার প্রভৃতির অবতারণা করিয়াছেন এবং তিঙস্তু কাণ্ডে আখ্যাত প্রকরণ অর্থাৎ ত্রিয়ারূপ প্রদর্শন করিয়াছেন । এই স্থল বিভাগ ব্যতীত প্রত্যেক কাণ্ডের আখ্যান নানা উপ-বিভাগ আছে,—এস্থলে তাহার উল্লেখ নিম্নপ্রয়োজন ব্যাকরণই কবির একমাত্র লক্ষ্য হওয়াতে কাব্যের বিষয় নির্বাহ্য তিনি মৌলিকতা প্রদর্শনের অবসর পান নাই ; কিন্তু আধুনিক কবিগণের প্রধান উপজীব্য বাল্মীকির অমর গ্রন্থের আশ্রয় গ্রহণ করাতে কাব্যের উপাদানের নিমিত্ত তাঁহাকে বড় বেগ পাইতে হয় নাই ।

এখন এই প্রবন্ধ-সূচনায় উক্ত মন্ত্যট ভট্টের কারিকাজি প্রতি লক্ষ্য করিয়া দেখা যাউক, এই মহা কাব্য লিখিয়া গ্রন্থকারের কি প্রয়োজন সাধিত হইয়াছে এবং উহা পাঠে অধ্যয়কারীরই বা কি ফললাভ হইয়া থাকে । পূর্বেই বলা গিয়াছে ভট্টিকাব্যের গ্রন্থকার ‘কবি-বশঃ-প্রার্থী’ ছিলেন না—বরং তৎকাব্যজনিত কীর্তি কৃতজ্ঞতার উপহার স্বরূপ আশ্রয়দাতা নরেন্দ্র নৃপতিকেই উৎসর্গীকৃত করিয়াছেন । কিন্তু কবি স্বয়ং কি প্রার্থী না হইলেও, উল্লিখিত নিকাম সহৃদয়তা প্রদর্শন করাতে তদীয় শ্রাব্যপ্রাপ্য কবিবশঃ সমধিক পরিবর্দ্ধিত হইয়াছে ব্যাকরণাধ্যায়ীদিগের দুঃপ্রাপ্য উদাহরণ রাশি রসাত্মক বাক্যাকাণ্ডে গ্রথিত করিয়া প্রগাঢ় পাণ্ডিত্য প্রকাশ করাতে, কবি-কীর্তি সঙ্গে তদীয় পাণ্ডিত্যকীর্তি সম্মিলিত হইয়া গ্রন্থকারকে অনন্ত সাধারণ যশোভাজন করিয়া তুলিয়াছে ; সুতরাং ভট্টিকাব্য তদীয়

• প্রণেতার ‘বশুসে’ই হইয়াছে বলিতে হইবে । * অধ্যয়নকারীরও বিশেষ ফল আছে । মন্যটমতানুযায়ী ‘ব্যবহার’ পরিজ্ঞান ইহাতে কিঞ্চিৎ হয় বটে, কিন্তু কবিগুরু বাল্মীকি অনেক পূর্বেই অধিকতর দক্ষতা সহকারে তাহা সর্বজন গোচরীভূত করিয়া গিয়াছেন । কাব্যের অংশ বিশেষ (যথা দ্বিতীয় সর্গ) পাঠ করিলে ‘সদ্যঃপর-নির্ব্বৃতি’ও হইয়া থাকে । কিন্তু প্রধানতঃ এই মহাকাব্য পাঠকের ‘উপদেশযুজ্জ্বে’ই প্রণীত হইয়াছে । রাম-চরিত্রের পুণ্য কাহিনী যে গ্রন্থে বিবৃত হইয়াছে, তাহা কাব্যশ্রেণী-যে রূপই হউক না কেন, অধ্যয়নকারীর অন্তঃকরণে নায়কের মহৎ চরিত্রের ছায়া অস্বাভাবিক পাতিত করিবেই করিবে । এই নৈতিক উপদেশ ব্যতীতও ভট্টিকাব্যানুশীলনকারীর অগ্ৰবিধ উপদেশ লাভ হয়, যাহা অপর কাব্যগ্রন্থ হইতে লাভ করা দুষ্কর । ধৈর্য্য-সহকারে এই গ্রন্থ সমগ্র অধ্যয়ন করিতে পারিলে শব্দশাস্ত্রে বিলক্ষণ ব্যুৎপত্তি লাভ করিতে পারা যায় । কিন্তু যিনি এই উপদেশ প্রার্থী, তাঁহার গ্রন্থোপসংহার কালীন গ্রন্থকারের একটি কথা মনে রাখা উচিত ।

“দীপতুলাঃ প্রবন্ধোহয়ং শব্দলক্ষণচক্ৰবান্ ।

হস্তাম্ব ইবান্ধানাং ভবেদ্যাকরণাদৃতে ॥”

* কাব্যের কীর্ত্তি উপহার লাভ করিয়া, রাজা নরেন্দ্র কবির কিঞ্চিৎ পুরস্কার বিধান করিয়াছিলেন কি না এবং রামলীলাস্বক কাব্য-প্রণয়নে কবির কোন (আধ্যাত্মিক বা পারার্থিক) অশিবোপশম হইয়াছিল কি না, জানা যায় নাই । সুতরাং ভট্টিকাব্য গ্রন্থকারের অর্থকৃত্যে এবং ‘শিবেতরক্ষতয়ে’ হইয়াছিল কি না বলা অসম্ভব ।

ফলতঃ অগ্রে ব্যাকরণ শাস্ত্রে কিঞ্চিৎ ব্যুৎপন্ন না হইয়া
কাব্য অধ্যয়ন করিলে যথেষ্ট ফল লাভ করা এক প্রকার
অসম্ভব ।

“মধুরেণ সমাপয়েৎ”,—সুতরাং কিঞ্চিৎ অপ্রাসঙ্গিক
হইলেও, আরও একটি কথা বলিতে হইল । চৌদে
ভট্টাচার্য্য মহাশয় দিগের মুখে একটি শ্লোকার্ক শুনা যায় —
“ভট্টাবেকস্ত্রয়ো মাষে রঘৌ কাব্যং পদে পদে ।”

এই “একে”র ব্যাখ্যা কেহ করেন ‘সর্গ’, কেহ করে
‘শ্লোক’ । সর্গবাদীরা দ্বিতীয় সর্গ নির্দেশ করিয়া থাকেন
তৎ সম্বন্ধে পূর্বেই যৎকিঞ্চিৎ আলোচিত হইয়াছে । শ্লো
কাদিগণের মধ্যে কেহ উক্ত সর্গের ষষ্ঠ, কেহ বা ঊনবি
শ্লোক নির্দেশ করিয়া থাকেন । ফলতঃ, এই উভয় শ্লোকই অ
মধুর এবং তজ্জন্য তাহা পাঠক সাধারণের সুবিদিত হইলেও, এ
প্রবন্ধের উপসংহারে উদ্ধৃত না করিয়া থাকিতে পারিলাম না ।

“প্রভাত বাতাহতিকম্পিতাকৃতিঃ

কুমুদতীরেণুপিঙ্গবিগ্রহম্ ।

নিরাস ভৃঙ্গং কুপিতেব পদ্মিনী

ন মানিনীশং সহতেহন্যসঙ্গমম্ ॥”

*

*

*

“ন তজ্জলং যন্ন সূচারুপঙ্কজং

ন পঙ্কজং তদ্ যদলীনঘট পদম্ ।”

নমট্ পদোহসৌ ন জুগুপ্স যঃ কলং

ন গুপ্তিতং তন্ন জহার যশ্মনঃ ॥”

আশা করি, এতদ্বারা ভট্টিকাব্যের গ্রন্থকারের স্বভাব সিদ্ধ
কবিত্ব শক্তি কতক পরিমাণে অনুভব করিতে পারা যাইবে ।

অন্নভূমি, আষাঢ় ১৩০২ ।

কালিদাসের কাহিনী ।

(১) বিবাহ ।

মহাকবি কালিদাস ভারতের অমূল্যরত্ন । কিন্তু আমাদের এমনই ছুরদৃষ্ট যে, যাঁহার গৌরবে দেশের মুখ উজ্জ্বল হইয়াছে, তাঁহার জীবনীসম্বন্ধে সমস্তই অন্ধকারের গভীর গহ্বরে নিহিত রহিয়াছে । ফলতঃ, জীবনাখ্যায়িকা লিপিবদ্ধ করিবার প্রথ্য এতদেশে বর্তমান না থাকাতে, প্রাচীন ভারতের বড় বড় লোকের জীবনের ইতিহাস জানা আমাদের পক্ষে সম্পূর্ণ অসম্ভব হইয়াছে । এই জীবনাখ্যায়িকার অভাব নিবন্ধন, এই সকল বড় লোকের সম্বন্ধে আমাদের যাহা কিছু ধারণা, তাহা কতকগুলি লোক-পরম্পরাগত কাহিনীর উপরই অগত্যা নির্ভর করিতেছে । কালিদাসসম্পর্কে যাহা কিছু সাধারণের গোচরীভূত, তাহাও এই অজ্ঞাতমূলা কিংবদন্তীর উপরেই সংস্থাপিত । এই সকলের আলোচনার বিশেষ কোন লাভ না থাকিলেও আমরা যথেষ্টই আছে ।

ঈগতে সরস্বতীর বরপুত্র বলিয়া প্রথিত এই যে কালিদাস, তিনি নাকি বাল্যে একজন গণ্ড-মূৰ্খ ছিলেন ! কেবল স্বয়ং মূৰ্খ নহেন, মূৰ্খের পুত্র মূৰ্খ । পিতামহও মূৰ্খ ছিলেন কি না, এতদ্বিষয়ে কিংবদন্তী নীরব । কালিদাস কোন্ সময়ের লোক—

তাহা লইয়া গবেষণাপটু মনীষিগণের মধ্যে এষাবৎ বিচার-বিতণ্ডা চলিতেছে। ত্বাহাতে আরও একটি ক্ষুদ্র সমস্যা যোগ করা যাইতেছে। যে সময় হইতে ব্রাহ্মণগণ মনুসংহিতার সংকীর্ণ গতি অতিক্রম করিয়া আপনাপন সম্ভানদিগকে শাস্ত্রাধ্যয়ন রূপ নির্গড়পাশ হইতে বিমুক্ত করিয়াছিলেন, তাহার অব্যবহিত পরেই কালিদাস জগতে আবির্ভূত হইয়াছিলেন। কালিদাসের দ্বৈ-পুরুষিকী মূৰ্ত্তার প্রমাণও জন-শ্রুতি,—আজকাল এই ‘শ্রুতির’ প্রমাণ কতদূর গ্রাহ্য হইবে বলিতে পারি না।

কালিদাস বাগ্দেরীর অসাধারণ কৃপাপাত্র—নানা দিগ্বেদুশ হইতে অসংখ্য ছাত্রবর্গ আসিয়া জুটিয়াছে। অধ্যাপকের অসামান্য পাণ্ডিত্য দর্শনে শিষ্যগণ ভাবিল, না জানি তাঁহার পিতৃদেব কতই অগাধ বিদ্বান্,—কারণ, তখনকার লোকের ধারণা ছিল, জগতে পাণ্ডিত্যের পরিমাণ ক্রমশঃই হ্রাস হইতেছে। কালিদাসের সময়ে শিষ্যেরা “গুরু কুলে” বাস করিত কি না, গবেষণাসাপেক্ষ; কিন্তু কালিদাসের শিষ্যগণ গুরুর পিতৃদেবের সাক্ষাৎকার লাভ সহজে করিতে পারে নাই, একথা নিশ্চিত। যাহা হউক, শিষ্যগণের বহু অনুরোধে কালিদাস স্রীয় জনকের সহিত উহাদের পরিচয় করাইতে সম্মত হইলেন। যথানির্দিষ্ট সময়ে বার্কিক্যোচিত বেশে সজ্জিত হইয়া জপ-মালা হস্তে উচ্চৈঃ-স্বরে তারকব্রহ্ম ‘রাম’ নাম মাত্র বারংবার উচ্চারণ করিতে পুত্র কৰ্ত্তৃক উপদিষ্ট হইয়া, কালিদাস-জনক কুতূহলী ছাত্রবর্গের সম্মুখে আগমন করিলেন। কালিদাসের পিতা যে কেবল মূৰ্ত্ত ছিলেন

এমন নহে ; জীবনের পূর্ববর্তন কালে যে কোন দিন জিহ্বাভাগ পর্য্যন্ত গ্রহণ করেন নাই, বক্ষ্যমাণ ঘটনার তাহার প্রমাণ পাওয়া যায় । বৃদ্ধ ‘রাম’, ‘রাম’ উচ্চারণে অসমর্থ হইয়া মূর্খত্বসূচক জিহ্বার জড়ত্ব নিবন্ধন “রাভণ” “রাভণ” বলিতে লাগিলেন । অধ্যাপক-জনকের এই দিগ্গজ পাণ্ডিত্যের পরিচয় পাইয়া শিষ্যগণ ঈষৎকালে পরস্পরের মুখ নিরীক্ষণ করিতে লাগিল । কালিদাস অপ্রতিভ হইবার লোক নহেন । তিনি বলিলেন, “তোমরা বুঝিতে পারিলে না, পিতৃদেব তোমাদিগের নিকট এই পূর্ব পক্ষ করিলেন,—

“কুস্তকর্ণে ভকারোহস্তি ভকারোহস্তি বিভীষণে ।

রক্ষঃশ্রেষ্ঠে কুলজ্যেষ্ঠে স কথং নাস্তি রাবণে ?”

কুস্তকর্ণ ও বিভীষণ এই দুয়েতেই ভকার বিদ্যমান রহিয়াছে; কিন্তু সর্বজ্যেষ্ঠ রাবণ রাক্ষসশ্রেষ্ঠ হইয়াও এমন কি অপরাধ করিলেন যে, তাহাতে মহাপ্রাণ ভকার নাই ?” কালিদাসে ছাত্রগণ এই পূর্বপক্ষের কোনও মীমাংসা করিতে পারিয়াছিল কি না, আমরা তাহা অবগত নহি ।

এমন মূর্খের পুত্র মূর্খ হইবে না ত কি ? এই পৈতৃক প্রকৃতি লইয়া “মন্থনের পূর্বক অনভিব্যক্তরত্নোৎপত্তি অর্ণবে ন্যায়” যখন কালিদাস, ব্রাহ্মণ হইয়াও গোচারণের মাট বিরাজমান হইয়া গো-নিতম্বোপরি লবণ রক্ষা পূর্বক মূর্খত্বের স্বরূপ, সক্ষার বদরীর স্বাদ গ্রহণ করিতেছিলেন, তখন যে জগতে পাণ্ডিত্য-প্রতিভা ছিল না, এমন নহে ; বরং উহা কেবল পুরুষে

করায়ত্ত না থাকিয়া কোন কোন রমণী রত্নেরও আয়ত্ত হইয়াছিল । ভারতের কোন্ এক রাজার পরম রূপসী কন্যা সার্থকনাম্নী বিদ্যোত্তমা প্রতিজ্ঞা করিয়া বসিলেন, “যিনি আমাকে বিচারে পরাজয় করিবেন, তিনিই আমার ভর্তা হইবেন ।” সৃষ্টির আদ্যা নায়িকা মহাবিজ্ঞা যে প্রতিজ্ঞাবানী সৃষ্টি করিয়াছেন, * এতৎ কাহিনীর নায়িকা বিদ্যোত্তমা তাহারই প্রতিধ্বনি করিলেন । বররুচির নায়িকা ‘বিদ্যা’ (ভারতচন্দ্রের কৃপায় বঙ্গদেশে যিনি সুপরিচিত) যে এই বিদ্যোত্তমারই এক অনুরূতি নহেন, তাহা কে বলিতে পারে ? বিশেষতঃ বররুচি কালিদাসেরই সহযোগী (এবং প্রতিযোগী) ছিলেন, এ কথাও স্মর্তব্য । অথবা, শক্তিরূপিণী নারীজাতির মধ্যে কোন একটা শক্তির বিশেষ ক্ষুধা লাভ হইলেই বুদ্ধি, তত্তৎ শক্তি দ্বারা পুরুষবিজিগীষাই তাহাদের হৃদয়ে প্রবল হইয়া উঠে । ঊনবিংশ শতাব্দীর শেষ ভাগেও কোন ‘বিদ্যাবীর’ জীবনী ইহাই প্রমাণিত করিয়াছে । বাহা হউক, বিদ্যোত্তমার পাণিগ্রহণার্থী হইয়া অনেক মহামহোপাধ্যায় আসিয়া জুটিতে লাগিলেন, কিন্তু একে একে সকলেই পরাস্ত হইয়া গেলেন । হায়, বিদ্যোত্তমার ভাগ্যে বুদ্ধি আর “সুন্দর” বা “মেধাবী” পতিলাভ ঘটিবে না !

* পুস্তকপ্রেমিত দূতের প্রতি ভগবতীবাণী—

“যো মাং জয়তি সংগ্রামে যো মে দর্শং ব্যপোহতি ।”

যো মে প্রতিবলো লোকে স মে ভর্তা ভবিষ্যতি ।

—মার্কণ্ডেয় চণ্ডী ।

নির্জিত পণ্ডিতদিগের মধ্যে কতকগুলি যুবক একত্র ষড়্‌যন্ত্র ক্রিয়া প্রতিজ্ঞা করিলেন, এই বিদ্যোন্মত্তা বিদ্যোন্মত্তার সঙ্গে একটা হস্তি-মূর্খের বিবাহ দিতে হইবে এবং এতদাশয়ে তাঁহারা তদ্রূপ মূর্খের অনুসন্ধান বাহির হইলেন। তাঁহাদের মনোরথ সফল হইতে বিলম্ব হইল না, অচিরেই দেখিলেন, এক যুবক এক বৃক্ষশাখায় আরোহণ করিয়া ঐ শাখারই মূলভাগ কাটিতে প্রবৃত্ত হইয়াছে ; সে এমনই মূর্খ যে, ছেদনকার্য সমাপ্ত হইলেই যে শাখাসহ স্বয়ং ভূমিসাৎ হইবে, ইহাও তাহার মনে উদিত হয় নাই। ইহা অপেক্ষা অধিকতর মূর্খ মিলিবে না ভাবিয়া পণ্ডিতের দল উহাকে বৃক্ষ হইতে অবতরণ করাইলেন। বলা বাহুল্য, ইনিই আমাদের গল্পের নায়ক—সরস্বতীর ভাবী বরপুত্র। বৃক্ষাবতীর্ণ কালিদাসকে পণ্ডিতের দল বুঝাইলেন যে, তাহাকে এক রূপবতী রাজকন্যা বিবাহ করিতে হইবে এবং তজ্জন্য অন্য কিছুই প্রয়োজন নাই, কেবল তাঁহাদের অনুগামী হইতে হইবে এবং বিবাহক্রিয়া পর্য্যন্ত সম্পূর্ণ মৌনাবাবলম্বন করিয়া থাকিতে হইবে। বিবাহের নামে কাষ্ঠপুত্তলিকাও নাকি মুখব্যাদান করিয়া থাকে। তাঁই মূর্খ কালিদাস উহাতে অবশ্যই সন্মতি দিলেন।

পণ্ডিতেরা কালিদাসকে তাঁহাদের অধ্যাপক বলিয়া রাজকন্যার নিকট পরিচয় দিলেন এবং বলিলেন, ইনি সম্প্রতি ‘বাচংযম’—কাহারই সহিত্ত আলমাত্রাও করেন না, ইন্দ্রিতে মাত্র স্বীয় অভিপ্রায় ব্যক্ত করিয়া থাকেন। একটি যুবক এতগুলি পণ্ডিতের অধ্যাপক, ইহাতে বিদ্যোন্মত্তা বিস্মিতভাবে কালিদাসের প্রতি

দৃষ্টিপাত করিলে, মূৰ্খ কালিদাস কি জানি কি ভাবিয়া হস্তদ্বয়ের
 অঙ্গুলি বক্র করিয়া দেখাইলেন। ইহাতে পণ্ডিতের দলে মহা-
 কোলাহল পড়িয়া গেল, তাঁহারা ব্যাখ্যা করিলেন, আমাদের অধ্যা-
 পক দুই হস্তের (বৃদ্ধাঙ্গুলি ব্যতীত) অষ্টাঙ্গুলি বক্র করিয়া
 বুঝাইলেন যে, অষ্টাবক্র ঋষি দ্বাদশ বর্ষ বয়সে জনক রাজার সভা
 জয় করিয়াছিলেন, সুতরাং “তেজসাং হি ন বয়ঃ সমীক্ষ্যতে”।
 এইরূপে কালিদাস যে কোনরূপ অঙ্গভঙ্গি করিলেন, পণ্ডিতদিগের
 কেহ না কেহ তাহার একটা মীমাংসা করিয়া দিতে লাগিলেন।
 অতঃপর অধ্যাপকের হইয়া পণ্ডিতেরা বিদ্যোভুতার সঙ্গে বিচার
 আরম্ভ করিলে, যে যে স্থানে রাজকন্যা পণ্ডিতগণকে পরাজিত
 করিয়া আনেন, সেই সেই স্থলেই অমনি এক জন পণ্ডিত গিয়া
 কালিদাসের পশ্চাত্তানে চিম্টি কাটিতেন, তাহার যন্ত্রণায় মৌনী
 কালিদাস হুঙ্কার করিয়া উঠিতেন। * রাজকন্যা এই সকল
 দেখিয়া কালিদাসকে মহাপণ্ডিত স্থির করিলেন এবং শিষ্যগণকে
 ছাড়িয়া অধ্যাপকের সঙ্গে সাংকেতিক বিচারে প্রবৃত্ত হইলেন।
 বিদ্যোভুতা কালিদাসের প্রতি এক অঙ্গুলি প্রদর্শন করিলেন;
 মূৰ্খ কালিদাস কিছু বুঝিতে না পারিয়া প্রথমতঃ এক অঙ্গুলি পরে
 একটু ইতস্ততঃ করিয়া দুই অঙ্গুলি দেখাইলেন। এবার অতি-

* গল্প আছে, কোনও বিদ্যালয়পরিদর্শক একটি ছাত্রকে জিজ্ঞাসা করিলেন, “বলউ ঋ
 ষদের উত্তর ওস্ (বষ্টীর একবচনে) করিলে কি হয়?” অধ্যাপক দেখিলেন ছাত্র ঠকিয়া
 আনিয়াছে। তিনি ধীরে ধীরে ছাত্রের পশ্চাতে গিয়া জোরে একটি চিম্টি কাটিলেন, অমনি
 ছাত্র “উ” করিয়া উঠিল, প্রশ্নেরও উত্তর হইয়া গেল। এই অধ্যাপকও বুঝি কালিদাসের
 শিষ্যবৃত্ত পণ্ডিতগণের কাহারও শিষ্যপরম্পরাভূত ছিলেন।

বুদ্ধিমতী রাজকন্যা আপনিই পরাজয় স্বীকার করিলেন এবং সেই মূর্খের গলায় বরমালা প্রদান করিয়া পণ্ডিতের দলে মনস্কারমা পূর্ণ করিলেন। সভাস্থ সকলে রাজকন্যাকে জিজ্ঞাসা করিল, “আপনি কি প্রশ্ন করিলেন, কি উত্তরই বা মিলিল, যে ইহাকে বরণ করিলেন?” বিদ্যোত্তমা উত্তর করিলেন, “আমি ইহাকে বেদান্তপ্রতিপাদ্য “একমেবাদ্বিতীয়ম্” ব্রহ্ম বিষয়ক পূর্বপক্ষ করিয়াছিলাম, ইনি ইঙ্গিতে প্রথমতঃ স্বীকার করিলেন—ব্রহ্মপদার্থ এক, কিন্তু তথাপি প্রকৃতি পুরুষ এই দুইয়ে বিভক্ত না হইলে ব্রহ্ম ক্রিয়াশীল হয়েন না, পশ্চাৎ ইহাই বুঝাইলেন।’

যথারীতি বিদ্যোত্তমা ও কালিদাসের পরিণয়কার্য সম্পন্ন হইয়া গেল। কোন স্মার্ত্ত পাঠক অবশ্য জিজ্ঞাসা করিতে পারেন, “রাজকন্যা অবশ্যই ক্ষত্রিয়ের দুহিতা ছিলেন, (কেননা তখনও আজিকালিকার ন্যায় ঔপাধিক চাতুর্বর্ণিক রাজা সৃষ্ট হয়েন নাই, ইহা নিশ্চয়।) তবে ব্রাহ্মণ কালিদাসের সঙ্গে কিরূপে তাঁহার বিবাহ হইল?” এতদুত্তরে মহাকবি ভারতচন্দ্রের “পণে জাতি কেবা চায়?” এই কথার দোহাই দিয়া কন্যাপক্ষকে সান্ত্বনা করিতে পারা যায়; কিন্তু বরপক্ষকে সহজে বুঝান দায়। তবে, অপর বিষয়ে কথঞ্চিৎ মানবিক উদারতা (অর্থাৎ ব্রাহ্মণের পক্ষে ক্ষত্রিয়াবিবাহ প্রথা) বর্তমান ছিল বলিয়াই ধরিয়া লইয়া কিংবদন্তীর পক্ষ অনুসরণ করিতে হইবে।

বিবাহান্তে দম্পতী বাসরগৃহে নীত হইলেন। তথায় পালঙ্কো-পরিমণারি বুলান ছিল। মূর্খ কালিদাসের মনে হইল, ‘কন্যা

পালঙ্কোপরি বসিয়াছে, আমাকে বুঝি তদুপরি বিস্তৃত মশারির উপর বসিতে হইবে।' এই ভাবিয়া মশারির উপর আরোহণ করিবার চেষ্টা করিবাগাত্র উহা ছিড়িয়া গেল, এবং কালিদাস রাজকন্যার উপরে পড়িয়া গেলেন। এত বড় দিগ্বিজয়ী পণ্ডিতের এইরূপ ব্যবহারে বুদ্ধিমতী বিদ্যোত্তমার বিস্মিত হইবার কথা বটে ; কিন্তু একটা ঘটনার উপর সকল সময় মতামত নির্ভর করে না, কেননা তাহা আকস্মিক ব্যাপার হইতে পারে। তথাপি রাজকন্যার অন্তরে সন্দেহ জন্মিল। তখন সহসা একটা উষ্ট্র ডাকিয়া উঠাতে রাজকন্যা স্বামীকে জিজ্ঞাসা করিলেন, “কি ডাকিতেছে ?” এইবার বরপাত্রের প্রথম বাক্যক্ষুণ্ণি হইল,— তিনি একবার বলিলেন, ‘উষ্ট্র’, পরক্ষণে আবার বলিলেন, ‘উট্র’। এতক্ষণে বিদ্যোত্তমার চৈতন্য হইল ; তিনি বিজিত পণ্ডিতগণের এই গূঢ় পরিহাসরূপ ষড়্‌যন্ত্র বুঝিতে পারিলেন, তাঁহার দারুণ মনস্তাপ উপস্থিত হইল। তখন, তাদৃশ অবস্থাগত ব্যক্তির ন্যায়, দোষ দিবার অপরাধ না পাইয়া, দন্ধকপাল বিধাতাকেই উপলক্ষ করিয়া বলিলেন,—

“কিং ন করোতি বিধির্যদি রুম্ভঃ

কিং ন করোতি স এব হি তুম্ভঃ ।

উষ্ট্রে লুম্পতি রংবা ষংবা

তস্মৈ দত্তা বিপুলনিতম্বা ॥”

বিদ্যোত্তমে ! আক্ষেপ করিলে কি হইবে ? সংসারের গতিই ঈদৃশী,—তোমার সম দুঃখভাগিনী জগতে তোমার অনেক ভগিনীই

ছিলেন, আছেন ও হইবেন। কিন্তু এ—ছি ছি!—কি করিলে।
 "মুর্থ বলিয়াই কি স্বামীকে (ব্রাহ্মণকে) পদাঘাত করিতে হয়।
 এই কি তোমার বিদ্যাশিক্ষার পরিণাম? ঐ দেখ গণ্ড-মুর্থ
 হইলেও তোমার এই জড়বুদ্ধি স্বামী লজ্জায়, ঘৃণায়, অপমানে
 গ্রিয়মাণ হইয়া এই গভীর রজনীর অন্ধকারে কোথায় লুকাইয়া
 চলিয়াছে। তুমি আজ অভিমানে অহঙ্কারে উহা দেখিলে না।
 কিন্তু একদিন তোমাকে এই নিমিত্ত লজ্জিত ও অনুতপ্ত হইয়া
 হইবে—ইহা কি তুমি বুদ্ধিমতী হইয়াও বুঝিলে না?

পাঠক! মুর্থের কীদৃশী গর্যাদা, বুঝিলেনত? কাহারও গৃহে
 যেন মুর্থের প্রশ্রয় দেখিতে না হয়। আজ এই পর্য্যন্ত।

সাহিত্যসেবক, জ্যৈষ্ঠ ১৩০৩।

কালিদাসের কাহিনী ।

(২) বিদ্যালভ ।

কিন্তু গল্প লিখিতে বসিয়া কৈফিয়ৎ দিতে হইবে, পূর্বের ইহা জানিলে, এ কাজে হাত দিতাম না । পূর্বেরই বলিয়াছি এ সকল গল্পের মূল জন-শ্রুতি ; বাজারে আজকাল আসল “শ্রুতি”রই ততটা বিশ্বসনীয়তা নাই, এ’ত ‘জন-’শ্রুতি । তুমি বলিলে, “তোমার এই কাহিনীর মুখপাতই ঘোরতর অবিশ্বাস্য ; কেন’না, এত বড় পণ্ডিত কালিদাস,—তিনি যুবা বয়সেও নিরেট মূর্খ ছিলেন, এটা নিতান্ত অশ্রদ্ধের কথা ; দ্বিতীয়তঃ, বিদ্যোত্তমা হেন প্রতিভা-শালিনী রাজকন্যাও কিনা বাসর ঘরে না যাওয়া পর্য্যন্ত একটা গণ্ডমূর্খের বিদ্যা বুদ্ধির পরিচয় পাইতে পারিলেন না ! ইতিমধ্যে একটা বিবাহক্রিয়াও ত নিষ্পন্ন হইয়া গেল ? মনুস্ত দশবিধ বিবাহ, কিংবা সুধীবর কালীপ্রসন্ন ঘোষের “প্রমোদলহরী”তে উল্লেখিত অশেষবিধ বিবাহ, ইস্তক ৭২ সালের কৈশবী-সংহিতা-বিহিত বিবাহ, এতৎ সমুদয়ের পদ্ধতিরাদি খুঁজিয়া দেখিলাম, . . . কৈ কোন, পদ্ধতিতেই ত একেবারে একটা বিকট মূর্খ প্রজ্ঞাবান পণ্ডিত বলিয়া পার পাইতে পারে, এরূপ কোনও ফাঁক দেখা . . . গেল না ; জানি না, বিদ্যোত্তমার সঙ্গে কালিদাসের কিরূপে নিরা- . . . পদে বিবাহব্যাপার সম্পাদিত হইয়া গেল !” আমি তোমার এই . . . পূর্ব পক্ষের যুক্তি ত পূর্বেরই এক প্রকার মানিয়া লইয়াছি । কিন্তু

তথাপি তুমি যে দুইটি কারণ প্রদর্শন করিতেছ, তাহার বিরুদ্ধে আমার কিঞ্চিৎ বক্তব্য আছে। (১) জীবনের মধ্যবয়স পর্য্যন্ত অজ্ঞ থাকিয়াও জগতে অনেকে পরিণামে প্রগাঢ় বিদ্যাবান হইয়া গিয়াছেন। ভারতবর্ষ হইতে কোনও দৃষ্টান্ত তুমি প্রামাণ্য বলিয়া মানিতে পার, কিন্তু সচরাচর কালিদাসকে যাহার সঙ্গে উপস্থাপন করা হয়, সেই পাশ্চাত্য কাব্যকুঞ্জের কোকিল শেক্সপীয়রকে ধর না কেন? যিনি যৌবনের প্রারম্ভে উদ্দাম অশ্বের ন্যায় ছুটিয়া বেড়াইতেন, সেই ব্যক্তি জীবনের গভীর সমস্তারাজি নাটকমুখে ব্যক্ত করিবেন, কে অনুমান করিয়াছিল? ভারতে ইংরাজ রাজ্যের প্রবর্তক সূচতুর লর্ড ক্লাইবের কীর্ত্তি কাহিনী শুনিয়া তদীয় বন্ধু জনক নাকি বলিয়াছিলেন “after all, Booby has sense!”—(যা’ হউক, বুবিরও দেখিতেছি বুদ্ধি আছে!)। আরও দৃষ্টান্ত চাও ত ৮ বিদ্যাসাগরের “চরিতাবলী” খুঁজিয়া দেখ। (২) যাহারা বিচারসভায় একটা দিগ্গজ মূর্খকে মহামহোপাধ্যায় * করিয়া তুলিতে পারিয়াছিলেন, সেই পণ্ডিতের দল বিবাহসভাতেও অবশ্যই হাজির ছিলেন; তখন দশচক্রে যেমন ভগবান ভূত হইয়াছিলেন, সেইরূপ ভূতকল্প কালিদাসকে উঁহার দশজুনে মিলিয়া ‘ভগবান’ করিয়া তুলিবেন, তাহাতে আর বিচিৎর কি? বিশেষতঃ কালিদাস মূর্খ ছিলেন বটে, কিন্তু তাহার

* বঙ্কিমের কৃপার জ্ঞানি, ‘দিগ্গজ’ অর্থে গও মূর্খ। কিন্তু তদ্বিপরীত “মহোপাধ্যায়” শব্দের যে কি অর্থ, উপাধির তালিকা দেখিলে, তদ্বিষয়ে কিছু গোপন্য ঘটে বটে।

রূপের অভাব ছিল না ; বরং তিনি যে সুশ্রীক যুবা পুরুষ ছিলেন, সে বিষয়ে বিবিশেষ প্রমাণ আছে—তাহা পশ্চাৎ বলিব । একে ত “কণ্ঠা কীময়তে রূপং”, তার বিদ্যোত্তমা বিদুষা হইলেও যুবতী—এ অবস্থায় মস্তিক ঘুরিয়া যায়, সূক্ষ্মদর্শন চলিয়া যায়, ‘বলবদিন্দ্রিয়গ্রামো বিদ্বাসমপি কবতি’ !—পাশ্চাত্য জগতেও অনুরাগকে ‘অন্ধ’ বলিয়া কীর্তন করা হইরাছে । সুতরাং রাজকণ্ঠা প্রতিভাশালিনী হইলেও এ ক্ষেত্রে প্রতারিত হইবেন, ইহা বড় বিস্ময়কর নহে । বাহাই হউক, প্রাচ্য রীত্যনুসারে “স্ত্রিয়শ্চরিত্রং পুরুষস্ত ভাগ্যং, দেবা ন জানন্তি কুতো মনুষ্যাঃ” এই বচনের দোহাই দিয়া মদীয় বক্তব্যের মধুরেণ সমাপন করিলাম । এই উত্তর তোমার হৃদয়গ্রাহী না হয় ত আমি আর কি বলিব ? এস্থলে স্পষ্টই বলা ভাল,—আমি আর এইরূপ কৈফিয়তের অধীন হইতে চাই না—দিবার চেষ্টাও করিব না—তোমার জন্ত আমি গল্পের রসভঙ্গ করিতে পারিব না ।

আজ অনেক দিন হইল কালিদাস নির্বেদগ্রস্ত হইয়া অরণ্যে পরিভ্রমণ করিতেছেন । সংস্কৃত সাহিত্যে কবিসময়প্রসিদ্ধ কৃতকগুলি কথা আছে, তন্মধ্যে “পাদাঘাতাদশোকং বিকসতি * * , যোষিতাং”,—অর্থাৎ সুন্দরীগণের পদঙ্গলবাঘাতে অশোকতরুর মুকুলোদগম হইয়া থাকে । কবি কালিদাস বহুবার এই প্রসিদ্ধির আশ্রয় গ্রহণ করিয়াছেন । ইহাতে তাঁহারই জীবনের অবস্থা বিশেষের আভাস পাওয়া যায় ;—তিনি নিজেই অশোক তরু জাতীয় কিছু ছিলেন বলিয়া অনুমান হয় ; কেননা, স্বীয় বনিতার

পাদাভিহত হইবার পরই যেন তদীয় জ্ঞানমুকুল উদগত হইল। তিনি অরণ্যে অরণ্যে পরিভ্রমণ পূর্বক বিদ্যাদেবীর উদ্দেশ্য করিয়া লাগিলেন। তাঁহার এই ঐকান্তিক ব্যাকুলতা দর্শনে কোন দিগ্‌মহাপুরুষ তাঁহাকে সরস্বতীমন্ত্রে দীক্ষিত করিলেন। একাগ্রচিত্তে বহুদিন সরস্বতী সাধনার পর তাঁহার প্রতি অভীষ্ট দেবতার দয়া হইল—এমনই হইল, যে আজিও বাগ্‌দেবীর আরাধনায় সময়ে ভক্ত বলেন—দেবি, অধমের প্রতি ঐরূপ কৃপা প্রদান কর, “যা কালিদাসে করুণা তবৈব।”

কালিদাস যে স্থলে সাধনা করিতেছিলেন তাহার সন্নিকটে একটি কুণ্ড ছিল, তাহার নাম “সরস্বতী কুণ্ড”। সাধনার সফলপ্রদান মানসে দেবী আদেশ করিলেন, “বৎস, সরস্বতী কুণ্ডে অবগাহন কর, তোমার অভীষ্ট ফললাভ হইবেক। কালিদাস কুণ্ডে একবার ডুব দিয়া উঠিলে দেবী জিজ্ঞাসা করিলেন, “দেখিলে?” কালিদাস প্রাকৃত ভাষায় বলিলেন “পাঁক”। দ্বিতীয়বার ডুব দিতে আদিষ্ট হইয়া, তৎকরণান্তুর তৎপ্রতি প্রশংসা করিয়া হইল, “এবার কি দেখিলে?” কালিদাস তখন সংস্কৃতে বলিলে “পঙ্ক”। তৃতীয়বার ঐ প্রকারে ডুব দিয়া দুই হস্তে দুইটি কলসী লইয়া ভাসিলেন, এবং পুনশ্চ ঐ প্রশ্ন জিজ্ঞাসিত হইলে, বলিলে “পঙ্কজ”। তখন কালিদাসের সিদ্ধিলাভ হইয়াছে—তিনি তৎসরস্বতীকে সম্বোধন করিয়া কবিতা রচনা করিলেন :—

পদ্মমিদং মম দক্ষিণহস্তে

বামকরে লসদুৎপলমেকং ।

ব্রহ্ম কিমিচ্ছসি পঙ্কজনেত্রে

কর্কশনালমকর্কশনালম ॥

হে কমললোচনে ! আগার দক্ষিণ হস্তে এই একটি পদ্ম, আর বাম করে একটি সুন্দর উৎপল রহিয়াছে; বল, কোনটি তোমাকে দিব,—কর্কশনাল পদ্ম না মসৃণনাল উৎপল?

আরাধ্যাদেবতা ভারতী বরপুত্রের মুখে এইরূপ সামান্য নারিকার গ্ৰায় সম্বোধন শুনিয়া কিঞ্চিৎ ক্ষুব্ধ হইলেন, এবং বলিলেন, বৎস ! দেবতার পাদ-মূলে দৃষ্টি না করিয়া একেবারে মুখাবয়ব নিরীক্ষণ করা সুরুচিবিরুদ্ধ ; যদিও তুমি অদ্বিতীয় পণ্ডিত হইবে, তথাপি তোমার বুদ্ধিদোষে তুমি ইন্দ্রিয়পরায়ণ হইয়া গণিকা গৃহে প্রাণ হারাইবে ।” কালিদাসের অন্তিমকাহিনী আপাততঃ আলোচ্য নহে, নতুবা দেবীর অভিষাপের সফলতা প্রদর্শন করা যাইত । কিন্তু কালিদাস তদবধি সাবধান হইয়াছিলেন, সন্দেহ নাই; তাই কুমারসম্ভবে উমার রূপবর্ণনা কালে পাদপদ্ম হইতে বর্ণনা আরম্ভ করিয়াছেন । হায় ! কবির এই জ্ঞানটুকু যদি সরস্বতীকুণ্ডে অবগাহন মাত্রেই জন্মিত তাহা হইলে তাঁহার সম্বন্ধে অনানুরূপ কলঙ্ককাহিনীও শুনিতে পাইতাম না, তাঁহার অকালে শোচনীয় মৃত্যুও ঘটিত না ।—যাউক, সে সকল কথা পশ্চাৎ বলিব ।

দেবী-বরে জ্ঞানলাভ হইলে কালিদাস গৃহাভিমুখে প্রত্যাবৃত্ত হইলেন । কালিদাস ‘জ্ঞানী’ হইলেও তত্ত্বজ্ঞান লাভ করিয়াছিলেন বলিয়া বোধ হয় না ; তাঁহার ইন্দ্রিয়পরায়ণতাই উহার প্রমাণ । তাই অবমাননাকারিণী স্রীয় বনিতার গৃহাভিমুখেই তিনি বাবিত

হইলেন, কারণ বিদুষী কলারসজ্জা রাজকন্য়ার সহবাসে অর্থকাম-
লালসার সম্যক পরিভূষ্টি সাধনের আশাই তাঁহার হৃদয়ে জাগরুক
ছিল। রাজবাটাতে পৌঁছিয়া কালিদাস বরাবর বিদ্যোত্তমার
কক্ষের কবাটে গিয়া আঘাত করিলেন : কে, কি জন্ম আগমন,
এইরূপ কিছু প্রশ্ন হইলে, কালিদাস বলিলেন, “অস্তি কশ্চিদ্
বাঞ্ছিশেষঃ।” * বিদুষীবিদ্যোত্তমা এই সংস্কৃতোত্তর শুনিয়া দ্বার
উদঘাটন পূর্বক, পরিণেতার আকস্মিক পুনরাগমন এবং অবস্থান্তর
প্রাপ্তি দেখিয়া, অবশ্যই যুগপৎ স্তম্ভস্ত, হক্ট ও লজ্জিত হইলেন;
এবং বোধ করি, উভয়ের মধ্যে প্রণয়সন্ধি স্থাপন করিতেও
বেশীক্ষণ লাগিল না। প্রিয়তমের প্রথম সম্ভাষণ প্রণয়িনীর হৃদয়ে
অবশ্যই অপূর্ব স্মৃতি-মূলক হইয়া বন্ধমূল হইয়া যায়, তাই
বিদ্যোত্তমা “অস্তি কশ্চিদ্ বাঞ্ছিশেষঃ”! এই কথা কয়টি বাহাতে
জগতে চিরদিন সংস্কৃত সাহিত্যের সঙ্গে অটুট বন্ধনে দৃঢ় বন্ধ থাকে,
তাহারই বিধান করিলেন। ভার্য্যা বিদ্যোত্তমার অনুরোধেই
কবি “অস্তি” † শব্দে “কুমার-সম্ভবের”, “কশ্চিৎ” ‡ শব্দে
“মেঘদূতের”, এবং “বাঞ্ছিশেষঃ” পদের প্রয়োজনীয়রাংশ “বাক্” §

* উত্তরটা কিছু ‘খাপ-ছাড়া’ বোধ হইতে পারে;—এই কি ভারতীর বর-পুত্র
প্রাথমিক প্রিয়-সম্ভাষণ? কিন্তু কিংবদন্তী-মূলক গল্পের অনুসরণ করিতে হইলে, ইহা কে
এতদপেক্ষা বেখাপ-স্তর কথার বন্ধিতে হইবে।

† অস্ত্যন্তরস্যাঃ দিশি দেবতান্না, ইত্যাদি।

‡ কশ্চিৎ কান্ত্যাবিরহগুরুণা বাথিকারপ্রমত্তঃ, ইত্যাদি।

§ বাগর্থাবিবসংপ্তকৌ বাগর্থ প্রতিপত্তয়ে, ইত্যাদি।

শব্দে “রঘুবংশের” ভিত্তিসংগঠন পূর্বক তিন খানি অমূল্য কাব্য গ্রন্থন দ্বারা জগতে অবিনশ্বর কীর্তি স্থাপন করিয়াছেন।

কালিদাস শ্রুতিস্তিন্ন প্রিয়তমাকেই সম্বোধন করিয়া দুইখানি গ্রন্থ রচনা করিয়াছিলেন,—একখানি “ঋতুসংহার” নামক যদু ঋতু বর্ণনামূলক খণ্ডকাব্য, অপরখানি সাধারণতঃ প্রচলিত কতকগুলি ছন্দের লক্ষণাত্মক “শ্রুতবোধ” নামক পুস্তিকা।, ইহাতে কালিদাসের প্রণয়িনী যে একজন কাব্যরসজ্ঞা ও লাবণ্যবতী রমণী ছিলেন, তাহার যথেষ্ট প্রমাণ পাওয়া যায়। “বিক্রমোর্বশীতে” কাননमध्ये উর্বরশীকে হারাইয়া পুরুষবার, “রঘুবংশে” ইন্দুধীতীর বিয়োগে অজের এবং “মেঘদূতে” প্রণয়িনীর নিমিত্ত যক্ষের যে হৃদয়ভেদী আৰ্ত্তনাদ বর্ণিত আছে, কে জানে ঐ সকল কবিতা-প্রোষিত, অথবা মৃত-ভার্য্য কবির আজ্ঞানুভূতির ফল কি না ?

[সাহিত্য-সেবক শ্রাবণ ১:০৩।]

पदमाकर मिश्र
ग्राम कैमट: ११
दीर्घ अमरपुर (दौला) नि: कदा

কালিদাসের কাহিনী ।

(৩) কর্ণাট-বিজয় যাত্রা ।

প্রাচীন ইতিহাসে যেমন ভূপতিবৃন্দের দিগ্বিজয়ের বিবরণ দেখিতে পাওয়া যায়, তদ্রূপ পণ্ডিত বর্গেরও নানা দিগ্দেশীয় রাজ-সভা-বিজয়ের কাহিনী শুনিতে পাওয়া যায় । হিন্দু-স্বাধীনতার সঙ্গে সঙ্গে শস্ত্রের দিগ্বিজয় বহু দিন হইল বিলুপ্ত হইয়াছে বটে, কিন্তু শাস্ত্রের দিগ্বিজয় অত্യാপি কচিৎ কদাচিৎ কিঞ্চিৎ দেখিতে পাওয়া যায় । পূর্বেই খ্যাতনামা নরপতিগণ অনেকেই বিদ্রোহসাহী ছিলেন । তাঁহাদের সভায় নানাশাস্ত্রবিশারদ বহু মহামহোপাধ্যায় সমাগত হইয়া অশেষবিধ শাস্ত্রালাপ দ্বারা রাজগণের প্রীতি উৎপাদন করিতেন । বিশেষতঃ, তখন ভূপতিগণ মনাদি শাস্ত্রনির্দিষ্ট বিধান অনুসারে রাজ্যের ব্যবসায় কার্যনির্বাহ করায়, তাঁহারা সন্দিগ্ধস্থলের মীমাংসার নিমিত্ত নানাশাস্ত্রজ্ঞ পণ্ডিতবর্গের ব্যবস্থা গ্রহণ করিতেন । পরন্তু, এতাবৎ পণ্ডিতসভা পরিপোষণের প্রধানতম উদ্দেশ্য হইলেও, প্রত্যুৎপন্নমতি কবি, এবং কাব্যালঙ্কারনিপুণ পণ্ডিতগণদ্বারাই রাজসভার প্রকৃত শোভা সম্পাদিত হইত এবং তাঁহাদিগের রসময়ী ভারতী রাজগণের কঠোর রাজকার্যের মধ্যে সান্তিশয় চিত্তবিনোদ সাধন করিত । এতদ্ভিন্ন আপন সভাসদ

কবি বা পণ্ডিত অপর রাজার আশ্রিত সভাসদগণকে স্ব-প্রতিভায় পরাজয় করেন। ও তদ্বারা তদীয় পণ্ডিতবর্গ অপর রাজ্যাধিষ্ঠিত বিদ্বন্মণ্ডলী অপেক্ষা সমাধিক বশস্বী হয়েন, সহজ-বিজিগীষু তৎকালিক নৃপতিবর্গের ইহাও এক প্রবল আকাঙ্ক্ষা ছিল এবং এতদর্থে তাঁহারা স্বীয় সভাস্থ বিদ্বজ্জনমাত্রকেই সাতিশয় প্রোৎসাহিত করিতেন। ফলতঃ, তখন প্রতিভাশালী পণ্ডিতমাত্রই কোন না কোন নৃপতির সভায় বিশেষ আদর ও সম্মানের সহিত অবস্থান করিতেন এবং স্বীয় প্রতিভাদ্বারা অপর রাজার পণ্ডিতসভাকে পরাস্ত করিয়া নিজের ও আশ্রয়দাতা নৃপতির বশোবন্ধনে সতত বদ্ধশীল থাকিতেন।

এইরূপে কবি কালিদাসও রাজা বিক্রমাদিত্যের সভায় আশ্রয়লাভ করেন। এই ভূপতির সভায় আরও আটজন পণ্ডিত বর্তমান ছিলেন, সম্প্রতি কালিদাসকে লইয়া নয়জনে “নব-রত্ন” * হইলেন। বলা বাহুল্য, ভারতীর বরপুত্র অচিরেই শ্রেষ্ঠতম “রত্ন” হইয়া উঠিলেন এবং দিগ্বিজয়ার্থ নানাস্থলে প্রেরিত হইতে লাগিলেন।

তৎকালে কর্ণাট-রাজের সভাও অশেষ বিদ্বন্মণ্ডলী দ্বারা পরি-
শোভিত হইয়া চতুর্দিকে যশঃসৌরভ বিস্তার করিতেছিল।

* ধ্বস্তুরিঙ্গপণকামরসিংহশঙ্কু-

বেতালভট্টবটধর্মরকালিদাসাঃ।

খ্যাতো বরাহমিহিরো নৃপভ্যে সভায়াঃ

রত্নানি বৈবররুচি নব বিক্রমস্য ॥

বিজিগীষু কালিদাস, একদা, বরকুটি নামক অন্ত্যতম “রত্ন”কে ভূত্য সাজাইয়া, কর্ণাট-রাজভবনে উপস্থিত হইলেন। রাজা তদীয় আগমনবার্তা শ্রবণে বহির্বাটিকায় আবাসস্থান নির্দেশ করিয়া রজনীযোগে এক বিদূষী রমণীকে কবির পরীক্ষার নিমিত্ত প্রেরণ করিলেন। গভীর নিশীথে একাকিনী রমণীকে অন্তঃপুর হইতে নির্ভয়ে আসিতে দেখিয়া কালিদাস চমৎকৃত হইলেন, এবং উহাকে সম্বোধন করিয়া কহিলেন—

“উন্নাদান্দ্র বর্দ্ধিতান্নতমসা প্রভ্রষ্ট দিগ্ভাণ্ডলে

কালে জাগ্রদুদগ্র বামিক ভট প্রারন্ধ কোলাহলে ।

কর্ণস্তা স্তম্ভদম্বুরাশি বড়বা বহুর্ঘদন্তঃপুরা-

দায়াভাসি তদম্বুজাঙ্গি কৃতকং মন্ত্রে ভয়ং যোষিতাম্ ॥”

গুরুনিদাকারী মেঘসমূহ দ্বারা রজনীর অন্ধকার গাঢ়তর হওয়াতে দিগ্-নির্গয় হওয়া দুর্লভ; সময় বুঝিয়া নিশা-প্রহরীরা জাগিয়া কোলাহল আরম্ভ করিয়া দিয়াছে; ঈদৃশাবস্থায় শত্রু-নিসূদন কর্ণাটরাজের অন্তঃপুর হইতে, হে স্থলোচনে, তুমি আসিতে পারিয়াছ, ইহাতে অনুমান হয়, স্ত্রীজাতি ভীরা—একথা অমূলক।

কবিতাটি বিদুষার বড় মনঃপূত হইল না। তিনি বলিলেন, “আমি কর্ণাট-রাজের প্রেয়সী,—একজন প্রসিদ্ধ কবি আসিয়াছেন শুনিয়া, তিনি কীদৃশ—জানিবার নিমিত্ত এখানে আসিয়াছি। কিন্তু, দুঃখের বিষয়, এখানে কবির অসম্ভাব দেখিতেছি—

† . কর্ণাট-রাজের ও এইটি ভাল লাগে নাই। সে কথা আর আলোচনা পরে করা যাইবে।

“একোহভূন্নলিনাদেকশ্চপুলিনাদল্লীকতশ্চাপরঃ
সর্বৈ তে কবয়স্ত্রিলোকগুরবস্তেভ্যোনমস্কুর্মাহে।
অর্ববধেঃ যদি গত্তপত্থলিখনৈশ্চেতশ্চমৎকুর্বতে
তেবাং নৃদ্ধি দদামি বামচরণং কর্ণাটরাজপ্রিয়া ॥”

একজন বিষ্ণুর-নাভিকমল, একজন নদীসৈকত, অপর বল্লীক
হইতে উৎপন্ন হইয়াছিলেন; অর্থাৎ, ব্রহ্মা, বাস এবং বল্লীকি;—
তঁাহারা সকলেই কবি, তঁাহাদিগকে বন্দনা করি। আধুনিক
অপর কেহ যদি গত্তপত্থ রচনা দ্বারা চিত্ত চমৎকৃত করিতে পারেন,
তাহা হইলে আমি, কর্ণাট-রাজপ্রেয়সী, তঁাহাদের বামচরণ মস্তকে
ধারণ করি।”* কবি রমণীর এবম্প্রকার উক্তি শুনিয়া নীরব
রহিলেন। ইহাতে কর্ণাট-রাজ-রঙ্গিনী কালিদাসকে নির্বোধ
স্থির করিয়া তথা হইতে চলিয়া আসিলেন এবং রাজার নিকট
সমস্ত বৃত্তান্ত বলিলেন। রাজা কবিকে তৎপরে তদীয় সভাসদ
কবি বন্ধনের বাড়ীতে পাঠাইয়া দিলেন। পূর্বে, বোধ হয়,
নিয়ম ছিল যে কোন নূতন কবি রাজসভায় উপস্থিত হইলে রাজা
অগ্রে তঁাহাকে গোপনে পরীক্ষা করিতেন এবং যদি তদ্বারা
আগন্তকের গুণগ্রামের বিশেষ পরিচয় লাভ করিতে না পারিতেন,
তাহা হইলে আপন সভাস্থ পণ্ডিত দ্বারা পরীক্ষা করাইয়া পরে
তঁাহার বক্তৃতা শুনিতেন। এই জগুই বোধ হয় কালিদাসকে
বন্ধন-ধামে পাঠান হইল।

* এখানে একটু স্টিষ্টাষয় আছে; শেষ পদের অর্থ “তাহাদের মস্তকে আমি বামপদ
দেই” একপদ হইতে পারে।

বন্দন লোকটা সরল প্রকৃতির ছিলেন না। এইজন্য, পরীক্ষার্থ যখন বন্দন কালিদাসকে প্রভাতবর্ণন সূচক একটি কবিতা রচনা করিতে বলিলেন, তখন কালিদাস মনে মনে বিচার করিতে লাগিলেন, “যদি কবিতা উত্তম হয়, তবে রাজসাক্ষাৎকার দুর্লভ হইয়া উঠিতে পারে, অতএব ইহার সমক্ষে মৃৎদ্বের ভাণ করাই শ্রেয়ঃ।” এই বিবেচনা করিয়া কিয়ৎক্ষণ মৌনাবলম্বন পূর্বক কালিদাস উত্তর করিলেন :—

“প্রাতরুপায় ভূপাল মুখং প্রক্ষালয় স্মৃটঃ ।

নগরে ভাষতে কুক্কুটবৈতুহিচবৈতুহি ॥”

‘হে রাজন্ !’ নগরে কুক্কুট-ধ্বনি হইতেছে,—প্রভাত হইয়াছে,—উঠিয়া মুখ প্রক্ষালন করুন ।’

এই অদ্ভুত কবিতা শুনিয়া বন্দনকবি ঈষৎস্মিত পূর্বক কহিলেন, “বাঃ, দিব্য কবিতা !” অনুগ্রহ করিয়া যদি লিখিয়া দেন, আমার বালকদিগকে শিখাইতে পারি।”

কালিদাস বন্দনের অভিপ্রায় বুঝিতে পারিলেন, কিন্তু তথাপি তাঁহার আদেশ মত ঐ কবিতাই লিখিয়া দিলেন। ইহাতে বন্দনের মনে বড় হর্ষোদয় হইল। তিনি আশঙ্কা করিয়াছিলেন, একটা দিগ্গজ কবি আসিয়াছে; রাজা, হয় ত, তাঁহার কবিতা-মাধুর্য্যে মুগ্ধ হইয়া বন্দনকে স্থানচ্যুত করিবেন; অধুনা কালিদাসোক্ত শ্লোক শ্রবণ করিয়া তাঁহার সে আশঙ্কা দূরীভূত হইল।

+ পূর্বার্ধে ‘ট’ এবং পরার্ধে ‘কুক্কু’ বলিয়া ‘কুক্কুট’ ! একটি অল্পই হুই স্ম, চ, বৈ, তু, হি এই পাঁচটি নিরর্থক পাদপূরক অব্যয়, তাহার মধ্যে চারিটির দ্বিরাবৃতিও ঘটয়াছে।

যথা সময়ে তিনি কালিদাসকে সঙ্গে লইয়া রাজসভায় চলিলেন—হস্তে কালিদাসের রচিত “প্রভাত-বর্ণনা !” পথে একটা ঘৃষ দেখিয়া তিনি পুনশ্চ কালিদাসকে একটা কবিতা রচনা করিতে অনুরোধ করিলেন। কালিদাস কহিলেন—

“গোরপতাং বলীবর্দো ঘাসমত্তি মুখেন সঃ।

লাঙ্গুলং বিদ্যাতে তস্য শৃঙ্গধাপিতু বর্ততে ॥

গরুর বেটা বলদ, সে মুখে ঘাস খায়, তার লেজ আছে, শিংও আছে !

এবার কালিদাসের মূর্খত্ব বিষয়ে বন্দন নিঃসন্দেহ হইলেন এবং প্রফুল্ল চিত্তে কালিদাসকে লইয়া রাজসভায় আগমন করিলেন। সভাসদ বন্দনকবিকে সমাগত দেখিয়া রাজা প্রণাম করিলেন। বন্দন আশীর্ব্বাদ করিলেন—

“রাজনভ্যদয়োহস্তু”—

হে রাজন্ ! জয় হউক।

রাজা জিজ্ঞাসা করিলেন,—“বন্দনকবে হস্তে কিমাস্তে তব ?”

বন্দনকবে ! আপনার হস্তে কি ?

বন্দন।

“শ্লোকঃ।”

একটি কবিতা।

রাজা।

“কস্য ?”

কাহার রচিত ?

বন্দন।

“কবেরমুখ্য কৃতিনঃ।”

এই আগন্তুক নিপুণ কবির রচিত।

রাজা । “তৎপঠ্যতাং”

উহা পাঠ করুন ।

এই সময়ে কালিদাস আর নিশ্চিন্ত রহিলেন না ; বস্তুত তাঁহার “প্রভাত বর্ণন” পাঠ করিতে উদ্যোগ করিতেছেন দেখিয়া, তিনি তাহাতে বাধা দিলেন এবং তৎক্ষণাৎ অগ্রসর হইয়া রাজার নিদেশের উত্তরে বলিলেন—

পঠ্যতে । *

কিন্তুসামরবিন্দ সুন্দরদৃশাং দ্রাক্ চামরান্দোলনে
রুদ্রেন্দুজবল্লী-কঙ্কণ-বানৎকারঃ ক্ষণং বার্য্যতাং ॥”

“পড়া বাইবে । কিন্তু এই সকল কুবলয়নেত্রী সুন্দরীগণ ঘন ঘন চামরান্দোলন করাতে, তাহাদের হস্ত-সঞ্চালন-জনিত কঙ্কণ-বানৎকারে কিছুই শুনা বাইবে না—ক্ষণকাল উহা বারণ করুন ॥”

অদ্য আমাদিগের লেখনীও এই স্থানেই বিশ্রাম করুন ।

সাহিত্য সেবক আশ্বিন ১৩০৩

* সমুগ্র শ্লোকার্হ এই—“রাজমুখ্যায়োহস্ত বন্দনকবে হস্তে কিনাস্তে তব
শ্লোকঃ কস্য কবেরমুখ্যকৃতিনস্তং পঠ্যতাং পঠ্যতে ।”

কালিদাসের কাহিনী ।

(৪) কৰ্ণাট রাজ প্রশস্তি ।

কালিদাস বলিতে লাগিলেন—

শ্রীমন্নাথ তবাননে ভগবতী বাণী নরীনৃত্যতে
তদৃক্ষ্য। কমলা সমাগতবতী লোলাপি বন্ধা গুণৈঃ ।
কীর্ত্তিশ্চন্দ্র করীন্দ্র কুন্দ কুমুদ ক্ষীরোদনীরোপমা
ত্রাসাদম্মুনিধিং বিলজ্য ভবতো নাট্যপি বিশ্রাম্যতি ॥

হে রাজন্, সপত্নী সরস্বতী তোমার বদনবিবরে সতত নৃত্য
করিতেছেন, তাহা দেখিয়াও কমলা চঞ্চলা হইলেও স্বদীয় গুণরাশি
দ্বারা আবদ্ধা হইয়া তোমাতেই বিরজমানা রহিয়াছেন। চন্দ্র,
ঐরাবত, কুন্দ, কুমুদ এবং ক্ষীরোদনীরের সহিত যাহার উপমা
সম্ভবে, ঐদৃশী ভবৎ-কীর্ত্তি * (কমলার বন্ধনাবস্থা দর্শনে যেন)
ত্রাসিতা হইয়া সাগর পার হইয়াও বিশ্রামলাভ করিতে
পারিতেছে না ।

যশোমুক্তাভিস্তে গুণিবর গুণোষৈঃ কমলভূ-
রতি প্রেম্না হারং গ্রথিতুমতুলং যত্নমকরোৎ ।

* “বশসি ধবলভা বর্ণাতে হাস-কার্ত্ত্যোঃ”—সাহিত্য-দর্পণ।—কীর্ত্তিতে, ‘ধবলতা’
আরোপনকরা একটি কবি-সময়-প্রসিদ্ধি ।

গুণান্তং মোক্তং বা গুণবিবরমালোক্য ন চিরা-

দ্রবা ক্ষিপ্তান্তেন ক্ষিতিলক তারা বিয়তি তাঃ ॥

হে গুণিবর, কমলযোনি ব্রহ্মা হৃদীয় বশোরূপ মুক্তাসমূহ
লইয়া তোমার গুণাবলী দ্বারা অতি আদর করিয়া একটি হার
গাঁথিতে যত্ন করিয়াছিলেন । কিন্তু বহু চেষ্টাতেও গুণের অন্ত
কিংবা মুক্তায় ছিদ্র না পাইয়া বিরক্ত হইয়া তিনি ঐ মুক্তারশি
ছড়াইয়া ফেলিয়া দেন ; হে নরপাল, ঐগুলি সম্প্রতি নক্ষত্র
রূপে আকাশে অবস্থিতি করিতেছে ।

শ্রীমন্নাথ ভবদ্যশোবিটপিনঃ খেতারকাঃ কোরকা-

স্তেষামেকতমঃ পুরা বিকশিতো যঃ পূর্ণিমাচন্দ্রমাঃ ॥

তেনেদং মকরন্দসুন্দরসুখাস্তনৈর্জগন্মাণ্ডিতং

শেষেষেবু বিকশরেবু ভবিতা কীদৃঙ্ ন জানীমহে ॥

হে নরনাথ, আকাশের তারকারাজি তোমার বশোরূপের
কোরক । উহাদের একটি পুরাকালে প্রস্ফুটিত হইয়া পূর্ণিমার
চন্দ্র হইয়াছে । তাহা হইতে ক্ষরিত মকরন্দ সদৃশ সুখাধারা দ্বারা
জগৎ আপ্যায়িত হইয়াছে । না জানি অবশিষ্ট সকলগুলি
(তারকাকোরক) বিকসিত হইলে, কিরূপ শোভাই হইবে !

হৃদাহবাহবেগক্ষতধরণিতলে বৈরিবামাশ্রপক্ষে

ক্ষিপ্তোন্মত্তেভকুস্তম্বল দলন বশান্মৌক্তিকস্তত্র বীজন্ ।

তজ্জাতা কীর্তিবল্লীগগনবনচরীমূলমস্তাঃ কনীন্দ্রঃ

শুভ্রাণ্যভ্রাণি পত্রাণ্যুড়ুগণকলিকাশ্চন্দ্রমাঃ ফুল্পপুষ্পম্ ॥

তোমার বাহুবলে পৃথিবী ক্ষতবিক্ষত হইয়া (যেন) চূষিত

হইয়াছে ; তাহাতে শত্রুনারীগণের অশ্রুধারা পতিত হইয়া কদম
হইয়াছে ; ঊহাতে মদমত্ত মাতঙ্গের বিদারিত কুম্ভস্থল হইতে
মুক্তা বীজরূপে পতিত হইয়া তোমার কীর্তিলতার উৎপত্তি
হইয়াছে । সেই কীর্তিলতা আকাশরূপ কাননে অত্মপি
বিরাজিত ; কণিরাজ অনন্ত ইহার মূল, শুভ্র মেঘগণ ইহার পত্র,
নক্ষত্রসমূহ ইহার কলিকা এবং চন্দ্রমা ইহার বিকশিত কুম্ভ ।

ধীর ক্ষীরসমুদ্ভাসান্দ্রলহরীলাবণ্যালক্ষ্মীমুষ্-

স্বংকীর্ত্তেস্তলনাং কলঙ্কমলিনো ধত্তে কথং চন্দ্রমাঃ ।

স্বাদেবং হৃদরাতিসৌধশিখরে প্রোদ্ধুতশম্পাকুর-

গ্রাসব্যগ্রমনাঃ পতেদ্যদি পুনস্তস্মাক্ষায়ী যুগঃ ॥

হে ধীর, ক্ষীর সমুদ্রের নিবিড় লহরী লীলার যে সৌন্দর্য্য,
ততুল্য শোভাশীলা তোমার কীর্ত্তির সঙ্গে কলঙ্কমলিন চন্দ্রের
কিরূপে উপমা সম্ভবে ? তবে উহা সম্ভব হইতে পারে, যদি
তোমার নির্জিত শত্রুগণের সৌধশিখরে জাত শম্পাকুর ভক্ষণার্থ
ব্যাকুল হইয়া চন্দ্রের ক্রোড়স্থ যুগ বিযুক্ত হইয়া পড়ে ।

সংগ্রামাঙ্গনমাগতেন ভবতা চাপে সমাসাদিত্তে

দেবাকর্ণয় যেন যেন সহসা বদ্যৎসমাসাদিতম্ ।

কোদণ্ডেন শরঃ শরেন হি শিরস্তেনাপি ভূমণ্ডলং

তেন ত্বং ভবতাপি কীর্ত্তিরতুলা কীর্ত্ত্যাচ লোকত্রয়ম্ ॥

হে দেব, রণাঙ্গনে অবতীর্ণ হইয়া তোমার ধনুঃ ধারণ
করিবামাত্রই সহসা কোন্ কোন্ বস্তু কি কি প্রাপ্ত হইল, তাহা
শুন—ধনুঃ বাণ [প্রাপ্ত হইল (অর্থাৎ ধনুতে বাণ যোজিত

হইল)] ; বাণ শত্রুর শির (পাইল) ; সেই শির পৃথিবী ;
পৃথিবী তোমাকে ; তুমি অতুল কীর্তি ; এবং সেই কীর্তি ত্রিভুবন
প্রাপ্ত হইল ।

পাঠক, এই সকল শ্লোক পড়িয়া কি রঘু-মেঘ-কুমার-
রচয়িতার কবিতা বলিয়া বোধ হয় ? বহু রে কিংবদন্তি !
তোমার কি অনির্বচনীয় মহিমা ! তুমি চতুঃপাঠীর সরল-বুদ্ধি
ভট্টাচার্য্যবর্গ ও অন্তেষ্টবাসিগণকে কি কুহকেই ফেলিয়াছিস্
যে তাঁহারা এই সকল অর্কবাটীন কবিকল্পের লেখনী-কণ্ঠ-যনজাত
“হিঙ্গীর-পিঙ্গী”কে ভারতীর বরপুত্রের স্বন্ধে চাপাইতে কুণ্ঠিত
হয়েন না !

বাহা হউক, রাজা এতক্ষণ কালিদাসের অভিগুহ হইয়া
উপবিষ্ট ছিলেন, এই সকল শ্লোক শ্রবণানন্তর বিপর্য্যাক্ষ দিকে
মুখ করিয়া ফিরিয়া বসিলেন । এই সকল কবিতার পুরস্কার
স্বরূপ রাজা সম্মুখস্থ রাজ্যবিভাগ কবিকে মনে মনে দান করাতেই
রাজার এই পার্শ্ব পরিবর্তনের কারণ ; কিন্তু কালিদাস বুঝিলেন
অন্যরূপ । তাই পুনশ্চ বলিতে লাগিলেন—

আগাঃ প্রভুপকারকাতরতয়া বৈমুখ্যমাকর্ষয়
হে কর্ণটি বসুন্ধরাধিপ সুখাসিন্তানি স্তুতানি মে ।

বর্ণশ্লেষে কতি ভূধরাসুদনদীভূভাগবৃন্দাটবী

বাত্যামারুত চন্দ্র চন্দনগগাশ্লেষাঃ কিমাপ্তং ময়া ॥

হে কর্ণটিরাজ, প্রভুপকারে কাতরতা নিবন্ধন পৃষ্ঠ ভঙ্গ দিও
না, আমার সুখাময়ী শ্লোকাবলী শ্রবণ কর । পর্বত, মেঘ, নদী,
প্রদেশ, বন, বাড়, বারু, চন্দ্র, চন্দন প্রভৃতি কত কি বর্ণনা
করিয়াছি, উহাদের হইতে আমি কবে কি প্রাপ্ত হইয়াছি ?

অর্থাৎ, কিছু পাইবার আশায় কালিদাস ভারতীপ্রয়োগ করিতে আসেন নাই; আর, এই পৃষ্ঠ প্রদর্শনেও কালিদাসের কিছু আসে যায় না :—

পুরো বা পশ্চাদ্ধা ক্ৰতিদপি বসামঃ ক্রিতিপতে

তদা কা নো হানির্বচনরচনৈঃ ক্রীতজগতাং।

বনে বা হস্ত্যে বা কুচকলসহারে মৃগদৃশাং

মণেশ্বল্যং মূল্যং সহজসুভগস্য দ্যুতিমতঃ ॥

বাক্যরচনা দ্বারা জগৎক্রয়কারী আমাদের পুরোভাগে অবস্থানেই বা গৌরব কি, এবং পশ্চাদ্ভাগে অবস্থান ঘটিলেই বা হানি কি ? অকৃত্রিম উজ্জ্বল মণি বনেই পড়িয়া থাকুক, প্রাসাদেই রক্ষিত হউক, অথবা সুন্দরীর কুচোপশোভী হার মধ্যেই গ্রথিত থাকুক, উহার মূল্য তুল্যরূপই থাকিবে। *

অবশ্য, ক্ষণকাল পরেই রাজা ও কবিতে আপোষ হইল।
বেচারা বস্ত্রন কাণ্ড দেখিয়া বোধ হয় অবাক হইয়া গেল !

রাজার কিন্তু ‘সুধাসিন্ধুসূক্ত’রসপ্রিপাসা মিটিল না। তিনি শৈব ছিলেন, কবিকে স্বকীয় ইন্দ্ৰদেব রুদ্রের বর্ণনা করিতে বলিলেন। শুনিবার দোষে ‘রুদ্র’ স্থলে কবি বুঝিলেন ‘সমুদ্র’ ; তাই বলিলেন—

কিংবাচ্যো মহিমা মহাজলনির্ধেৰ্য্যোন্দ্রবজ্রাহতি-

ব্রহ্মো ভূভৃদমভ্রদম্বুনিচয়ে কুলীরপোতাকৃতিঃ।

* সাটোপ ভাব টুকু বাদ দিলে এই দুইটি শ্লোক কালিদাসের লেখনীর উপযুক্ত বলিয়া বিবেচিত হইতে পারে।

মৈনাকোহতিগভীরনীর্বিলসৎপাঠীনপৃষ্ঠোল্লস-

চ্ছেবালাঙ্কুরকোটিকোটরকুটীকুট্যন্তরে সংস্থিতঃ ॥

ইন্দ্র কর্তৃক বজ্রাহত হইবার ভয়ে মৈনাক পর্বত ককট শাবকের ন্যায় নিগগ হইয়া বাহার গভীর নীরে বিচরণকারী কোনও পাঠীন মৎস্যের (বোয়াল মাছ, ইতি ভাষা) পৃষ্ঠলগ্ন শৈবালাঙ্কুরের কোটি কোটি কোটরের এক কোণে আশ্রয় গ্রহণ করিয়া ছিল, সেই মহাসমুদ্রের মহিমা আর কি বলিব ?

রাজা একটু হাসিলেন।—শ্লোকের উৎকটত্ব নিমিষ্ট নহে, কেন না ঐদৃশ গল্পাধিনায়ক রাজন্যবর্গের যেন একটু স্বাভাবিক রসবধিরতা ছিল, এইজন্য এতাদৃশী “কর্ণক্ৰোড়কড়ম্বিনী” শ্লোকাবলী ভিন্ন অপর মৃদুতর রচনা তাঁহাদের শ্রবণ বিবরাভ্যন্তরে বোধ হয় পৌঁছিত না ; রাজা রুদ্রবর্ণনা করিতে বলিয়াছিলেন, ইহাই কি রুদ্রবর্ণনা ? কবি অপ্রতিভ হইবার লোক নহেন, তাই বলিলেন, হাঁ মহারাজ, ইহাই রুদ্রবর্ণনা ; এখনও ত বর্ণনা শেষ হয় নাই,—

ঐদৃক্ সপ্তসমুদ্রগুদ্রিতা মহীভূভৃষ্টিরভ্রক্ষ্যৈ-

স্তাবন্তিঃ পরিবেষ্টিতা পৃথুপৃথুদ্বীপৈঃ সমস্তাদিয়ং ।

যস্য স্ফারফণামণেৰ্নিমিলিতা তিৰ্য্যাক্ কলঙ্কাকৃতিঃ

শোবোহপ্যেকমগাদ্যদজদপদং তস্মৈ * * * ॥

ঐদৃশ সাতটা সমুদ্র এবং ঐ সংখ্যক বিমানস্পর্শী পর্বত দ্বার মণ্ডিত প্রকাণ্ড প্রকাণ্ড দ্বীপ সমূহ দ্বারা চতুর্দিকে বেষ্টিত এই পৃথিবী, উহা বাহার শিরঃস্থিত স্লচ্ছ মণিতে সংলগ্ন হওয়াতে মণির কলঙ্কের ন্যায় প্রতিভাত হয়, সেই নাগরাজ শেষও বাহার কেবল

রূপে একতম অঙ্গের ভূষণ মাত্র, তাঁহাকে——, এইমাত্র বলিয়া “বেটা বল ত রে” বলিয়া কবি শ্লোকের সমাপ্তি করিলেন। নিকটে ভৃত্যরূপী বরকটি দণ্ডায়মান ছিলেন, তিনি বলিলেন “নমঃ শস্তবে”। * কালিদাস নাকি শিবের নাম উচ্চারণ করিতে পারিতেন না, তাই এই বিড়ম্বনা !

কিন্তু, রে কুহকিনি কিংবদন্তি, ধৃষ্ট তোর সাহস ! “বেটা বল ত রে” এই নিতান্ত আধুনিক প্রাকৃত বাঙ্গালা বুলিটাও কি কালিদাসের মুখনিঃসৃত বলিয়া বাজারে বিকাইতে চাহিয়াছিল ? তোর কি এটাও খেয়াল হইল না যে ‘উজ্জয়িনীর’ উজ্জ্বল রত্ন, ‘বিক্রমাদিত্যের’ সভাসদ, কালিদাস বর্তমান বাঙ্গালা ভাষার জন্মের বহুপূর্বের এবং বঙ্গদেশের বহুপশ্চিমে আবির্ভূত হইয়াছিলেন ? † তোর অমূলকত্বের ইহা অপেক্ষা আর কি প্রকৃষ্ট প্রমাণ আছে ?

এখানেই কালিদাসের এই কর্ণটিবিজয় কাহিনী শেষ হইত। কিন্তু রাজা ছাড়িবার পাত্র নহেন। পূর্বের বলা হইয়াছে, “কৃতকং মগ্ধে ভয়ং যোষিতাং” ইত্যন্ত শ্লোকটি “কর্ণটিরাজপ্রিয়া,” কি স্বয়ং কর্ণটিরাজ, কাহারই মনোনীত হয় নাই। তাই কালিদাসকে

* হস্তরাং শ্লোকের শেষ পদটি হইল—

“শেবোহপোকনগাদবদদগদং তস্মৈ নমঃ শস্তবে ॥”

† কিন্তু “কালিদাস” এই নামটি বঙ্গজ এবং আধুনিক বলিয়াই ঐতীত হয় ; কিংবদন্তীর বোধ হয় উহাতেই এই সাহস। অনেক স্থলে কালিদাসকে দিয়া বাঙ্গালা গ্রন্থেরও উক্ত বঙ্গভাষায়ই দেওয়ান হইয়াছে।

বিক্রপ করিবার নিমিত্তই যেন রাজা “কৃতকং মন্থে ভয়ং যোষিতাং” এই কথাটি দুই একবার উচ্চারণ করিতে লাগিলেন। ভাব বুঝিয়া, কবি ঐ কথাটিকেই অবলম্বন করিয়া ‘তৎক্ষণাৎ শ্লোক রচনা করিলেন—

উগ্রগ্রাহমদম্বতো জলমতিক্রামত্যানালম্বনে

ব্যোম্নি ভ্রাম্যতি দুর্ভয়ক্ষিতিভুজাং মূর্দ্ধানমারোহতি ।

ব্যাপ্তং যাতি বিষাকুলৈরহিকুলৈঃ পাতালমেকাকিনী

কীর্তিস্তে মদনাভিরাগ “কৃতকং মন্থে ভয়ং যোষিতাং” ॥

“হে মদনসুন্দর, তোমার কীর্তি কোন অবলম্বন বিনাই একা-
কিনী ভীষণ হাঙ্গরসমাকীর্ণ সমুদ্রবারি অতিক্রম করিতেছে;
আকাশোপরিস্থ স্বর্গলোকে বিচরণ করিতেছে; দুর্ভয় নৃপতি
গণকে নির্ভীত করিয়া তাহাদের মস্তকোপরি আরোহণ করিতেছে;
এবং বিষধরসর্পসমূহাকীর্ণ পাতাল প্রদেশেও গমন করিতেছে।
ইহাতে বোধ হয় স্ত্রীলোকের ভয় কৃত্রিম মাত্র।

এই রূপে কবির কৃতিত্ব, প্রত্যুৎপন্নমতিত্ব প্রভৃতির পরিচয়
পাইয়া রাজার আর কিছু বক্তব্য রহিল না—বিজয়সূচক জয়পত্র
লিখিয়া দিয়া তাহার যথোচিত ‘মর্যাদা’ বিধান করিলেন। বলা
বাহুল্য, জয়পত্রসহকৃত কবি বিক্রমাদিত্যসভায় প্রত্যাবৃত্ত
হইলে বিক্রমাদিত্যও হৃষ্টচিত্তে কবিকে যথেষ্ট পুরস্কার প্রদান
করিলেন।

[সাহিত্যসেবক অগ্রহায়ণ ১৩০৩।

কালিদাসের কাহিনী ।

(৫) নানা সমস্তাপূরণ ।

কর্ণাটরাজের গায় ধারানগরাধিপতি ভোজরাজেরও অশেষ বিদ্বৎ-সম্মতিপরিশোভিত রাজসভা ছিল । * এই সভার পণ্ডিতগণের একটু বিশেষত্ব এই ছিল যে, ইঁহারা সকলেই শ্রুতিধর ছিলেন এই সভাতে আসিয়া কেহ কোন কবিতা বলিলে সভাস্থ পণ্ডিতগণ তৎক্ষণাৎ উহা আবৃত্তি করিতেন এবং শ্রুতপূর্ব বলিয়া ব্যাখ্যা করিতেন । সুতরাং ভোজরাজসভায় কেহ “নূতন” কবিতা বলিতে পারিতেন না । ভোজরাজও ঘোষণা করিয়া দিলেন, “যিনি নূতন শ্লোক শুনাইতে পারিবেন, তাঁহাকে লক্ষমুদ্রা পুরস্কার প্রদান করা যাইবে ।”

ইদানীন্তন ‘পণ্ডিত’গণের গায় কালিদাস নিতান্ত “সরল” ছিলেন না ; তিনি উক্ত ঘোষণাশ্রবণে প্রকৃত রহস্য বুঝিতে পারিয়া কূটবুদ্ধিবলে এক উপায় উদ্ভাবন করিলেন । তিনি সহসা একদিন ভোজসভায় উপস্থিত হইয়া বলিলেন :—

* ইতিপূর্বে কালিদাস কর্তৃক কর্ণাট সভা বিজয়ের যে কাহিনী বর্ণিত হইয়াছে, উহার আর একটি সংস্করণ আছে, সেইটি ভোজরাজের সভা বিজয় । ‘পুনরুজ্জ্বলিত’ ঘোষণায় এই কাহিনী পরিভ্রান্ত হইল । কর্ণাট রাজ বর্ণনার শ্লোকগুলির গায় ভোজ-রাজ স্তুতিও বাগ্‌ড়ম্বরপরিপূর্ণ স্বল্পভাববিশিষ্ট কতিপয় শ্লোকসমষ্টি মাত্র । অত্যাশ্চর্য ঘটনা উভয়ই অবিকল এক ।

“স্বস্তি শ্রীভোজরাজত্রিভুবনবিজয়ী ধার্মিকঃ সত্যবাদী
পিত্রা তে মে গৃহীতা নবনবতিযুতা রত্নকোটি মদীয়া ।

তাং স্বং মে দেহি তূর্ণং সকলবুধজন্মৈজ্ঞায়িতং সত্যমেতৎ
নোবা জানন্তি কেচিন্নবকৃতমিতি চেদেহি লক্ষং ততো মে ॥”

ত্রিভুবনবিজয়ী ধর্মিষ্ঠ সত্যপরায়ণ শ্রীমান্ ভোজরাজের জয়
হউক । মহারাজের পিতৃদেব আগা হইতে এককোটি নিরনব্বই
লক্ষ রত্ন খার করিয়াছিলেন, উহা স্বরায় আগাকে প্রত্যর্পণ
করুন । ইহা যে সত্য, এই সকল পণ্ডিতেরাই নিদিত আছেন;
যদি উঁহারা না জানেন, তবে ইহা আমার নূতন রচিত শ্লোক
বলিয়া আগাকে লক্ষ মুদ্রা প্রদান করিতে আজ্ঞা হয় ।

বলা বাহুল্য, ভোজরাজ এবং তৎসভাস্থ পণ্ডিতগণ ইহাতে
বিলক্ষণ শিক্ষালাভ করিলেন । তদবধি ভোজরাজের সহিত
কালিদাসের পরম সৌহার্দ স্থাপিত হইল । *

বীরশ্রীমণ্ডিত শূরগণ যেমন পরদেশবিজয় এবং শত্রু হইতে
স্বদেশরক্ষা এই দ্বিবিধ উপায়ে স্বকীয় বীর্য্যবল প্রদর্শিত করেন,
বিচারমগ্ন পণ্ডিতগণও তদ্রূপ অপর সভাবিজয় এবং বিজিগীষু
পণ্ডিতের পাণ্ডিত্য খর্ব্ব করিয়া স্বকীয় সভার গৌরব রক্ষা দ্বারা

* “ভোজপ্রবন্ধ” নামক গ্রন্থে ধারানগরধিপ ভোজরাজের সভায় কালিদাসের অনেক
কৌতুকাহিনী বর্ণিত আছে । সংস্কৃতজ পাঠক উক্ত গ্রন্থ পাঠ দ্বারা কৌতুহল চরিতার্থ করিতে
পারেন ; “অধুনাতন প্রত্নতত্ত্ববিৎ পণ্ডিতগণ এই কালিদাসকে উজ্জয়িনীর সভানদ ভরিতীর
ববপুত্র হইতে পৃথক্ করিয়া “ভোজ-কালিদাস” আখ্যা প্রদান করিয়াছেন । কিন্তু ভোজ-
প্রবন্ধের কালিদাস স্বয়ং আপনাকে বিক্রমাদিত্যের কালিদাস বলিয়াই পরিচয়প্রদান
করিয়াছেন ।

নিজের কৃতিত্ব খ্যাপন করিয়া থাকেন। সুতরাং এদিকে যেমন
কর্ণাট ভোজ প্রভৃতি রাজসভা বিজয় করিয়া কালিদাস স্বকীয়
কীর্তিনিশান উন্মোচিত করিয়াছিলেন, সেইরূপ বিক্রমাদিত্য-
সভাবিজিগীষু অপর দিগ্বিজয়ী পণ্ডিতবর্গের দৰ্প চূর্ণ করিয়া উহা
অক্ষুণ্ণভাবে সমুচ্ছিত রাখিতেও সমর্থ হইয়াছিলেন।

একদা এইরূপ কোন দিগ্বিজয়ী পণ্ডিত বিক্রমাদিত্যের সভায়
আসিয়া আপন পাণ্ডিত্য বল ঘোষণা করিয়া দিলেন। নৃপতি
কর্তৃক সমাদৃত হইয়া পণ্ডিত স্নানাহিকার্থ সরোবরে গমন করিলে
কালিদাস নারীবেশে কলসীক্ষে তথায় উপস্থিত হইলেন এবং ঐ
পণ্ডিতের প্রতি ঘন ঘন কটাক্ষ নিক্ষেপ করিতে লাগিলেন।
তদদর্শনে দিগ্বিজয়ী কহিলেন—

“কিং মাং নু পশ্যসি ঘটেন কটিস্থিতেন
বস্ত্রেণ চারুপরিমীলিতলোচনেন।
অন্যং বিলোকয় জনং তব কৰ্ম্মযোগ্যং
নাহং ঘটাক্তিকটিং প্রমদাং স্পৃশামি ॥”

সুন্দরি! কক্ষে কলসী লইয়া ঈষদুকুলিত নয়ন দ্বারা
আমাকে কেন নিরীক্ষণ করিতেছ? তোমার উপযুক্ত অন্য
কাহারও নিকট গমন কর; ঘড়া বহিতে বহিতে যাহার
কোমরে দাগ পড়িয়া গিয়াছে এমন রমণীকে আমি স্পর্শও
করি না। *

* ইতিপূর্বে একস্থলে বলা হইয়াছে “কালিদাস স্বত্রীক পুরুষ ছিলেন”—এতৎকাহিনী-
বর্ণিত ঘটনা উহার একটি অবাস্তব প্রমাণ।

পণ্ডিতের এই অবজ্ঞাসূচক সাটোপ বাক্য শুনিয়া রমণীরূপী
কালিদাস সপ্রতিভ ভাবে উত্তর দিলেন—

“সত্যং ত্রবীষি মকরধ্বজবাণপীড় !

নাহং হৃদধর্মনসা পরিচিন্তয়ামি ।

দাসোহদ্য নো বিষটিতস্তবতুল্যরূপী

স বা ভবেন্নহি ভবেদিতি মে বিতর্কঃ ॥”

হে কামাকুলিতচিত্ত পণ্ডিত, সত্যই বলিয়াছ ! বস্তুতঃ
আমার অন্তঃকরণে তোমার বিষয়ে ভাবনা উপজাত হয় নাই।
আমাদের চাকর, ঠিক তোমারই ঞায় আকৃতি, আজ কোথা
পলাইয়া গিয়াছে,—তোমাকে দেখিয়া “এই বা সেই” এই
চিন্তাই করিতেছিলাম ।

কলসবাহিনীর মুখে এইরূপ বাস্তবপূর্ণ রসিকতার আশ্বাস
পাইয়া দ্বিধিজয়ী চমৎকৃত হইলেন, এবং রমণীর পরিচয় জিজ্ঞাসা
করিলে সে কালিদাসের পরিচারিকা বলিয়া নিজের পরিচয়
প্রদান করিল । পণ্ডিত মনে ভাবিলেন, বাহার পরিচারিকাই
ঈদৃশ পাণ্ডিত্যসম্পন্ন। সেই কালিদাস না জানি কত বড় পণ্ডিত ।
এই ভাবিয়া পুনশ্চ রাজসভায় না গিয়া দ্বিধিজয়ী হতাশচিত্তে
স্বস্থানে প্রস্থান করিলেন । এ যেন ঈসপ-কথিত “ব্যাঘ্রের দ্বারে
বৃহৎ পাকস্থলী দর্শনে ভয়ে বলীবর্দের পলায়ন” !

অত্যাধা কোন দ্বিধিজয়ী * বিক্রমাদিত্য সভায় আসিয়া
“নর্কস্য কাণ্ডাগতিঃ” এই সমস্যা দিয়া উহা পূরণ করিতে বলেন ।

* কেহ বলেন, ‘রাফস’। পূর্বে ব্রাহ্মণের নাম ‘রাফস’ দেখা যায়—বঁথা, মুদ্রারাক্ষসের
অধিনায়ক নন্দবংশের কুলমন্ত্রী ।

কালিদাস তখন উপস্থিত ছিলেন না ; অপর পণ্ডিতগণ উহার সন্তুভর দিতে অসমর্থ হওয়ায় দ্বিধিজয়ী তিন দিনের সময় দিয়া বলিলেন, এই তিন দিনের মধ্যে সমস্যা পূরিত না হইলে রাজ-সভার পরাজয় স্বীকার করিতে হইবে। ইতিমধ্যে কালিদাস আসিলেন এবং এই ব্যাপার অবগত হইয়া তৎক্ষণাৎ এক ভিক্ষুবেশে ঐ প্রশ্নকর্তার নিকট গিয়া উপস্থিত হইলেন। উক্ত পণ্ডিত ভিক্ষা প্রদানার্থ অগ্ৰাঘ্র দ্রব্য দিতে উদ্যুক্ত হইলে ভিক্ষুক, মাংস না হইলে চলে না, এই অভিপ্রায় প্রকাশ করিল। ভিক্ষুকের এই স্পর্দ্ধা অবলোকনে চমৎকৃত হইয়া দ্বিধিজয়ী বলিলেন—

“ভিক্ষে মাংসনিবেষণং প্রকুরুষে ?”

হে ভিক্ষুক, তুমি মাংসভক্ষণ কর ?

ভিক্ষুরূপী কালিদাস বলিলেন :—

“কিং তত্র মদ্যং বিনা ?”

তাহাতে আবার মদ্য না হইলে কি চলে ?

দি। “মদ্যঞ্চাপি তব প্রিয়ং ?”

মদও তোমার প্রিয় পদার্থ ?

কা। “প্রিয়মহো বারাদ্ভনাভিঃ সহ।”

বিলক্ষণ প্রিয়, তবে বারাদ্ভনার সঙ্গে হইলেই ভাল।

দি। “বেশ্যাপ্যর্থকৃচিঃ কুতস্তব ধনং ?”

বেশ্যার প্রয়োজন হইলে ত টাকা চাই, তুমি টাকা কোথায় পাইবে ?

কা। “দ্যুতেন চৌর্য্যেণ বা”

জুয়া খেলিয়া কিংবা চুরি করিয়া।

দি । “চৌর্য্যদ্যুতপরিগ্রহোহস্তি ভবতঃ ?”

৷ তোমার জুয়া খেলার ও চুরি করার বোঁকটুকুও আছে ?

কা । “নষ্টস্ত কান্মা গতিঃ ॥” *

নষ্টের অর্থ কি গতি আছে ?

ঈদৃশ অভাবনীয় উপায়ে সমস্তা পরিপূরিত হইতে দেখিয়া দিগ্বিজয়ী পরম পরিতোষ লাভ করিলেন এবং পূরণকারী ছদ্মবেশী কালিদাসকে ধন্যবাদ করিতে করিতে প্রশ্রয় করিলেন ।

এই সকল কার্য্যে কালিদাস ছদ্মবেশ ধারণ করিতেই যেন একটু আমোদ পাইতেন । সুচতুর বোঁকা বেগম সঙ্গোপনে একবারে শত্রুর শিবির অধিকার করিয়া মহাবলপরাক্রান্ত বিপক্ষেরও অনায়াসে পরাজয় সাধন করেন, কালিদাসও তদ্রূপ আপনাকে গোপন রাখিয়া প্রতিপক্ষের অভাবনীয় উপায়ে তাহাকে চমৎকৃত ও বিপর্য্যস্ত করিয়া ফেলিতেন । কবিরের এই সম্মুখ-যুদ্ধে বৈমুখ্য বিষয়েও কিংবদন্তী একটি কাহিনী প্রচারিত করিয়াছে ।

একদা দেবী সরস্বতী স্বীয় বরপুত্রের কৃতিত্ব পরীক্ষার্থ বালিকা বেশ ধারণ করিয়া একটি ছিন্নপত্রে এক শ্লোকের

* নষ্টস্ত শ্লোকটি এই—

“ভিক্ষা নাংসনিসেবণং প্রকুর্য্যে কিংতত্র নদ্যাং বিনা

নদ্যাকাপি তবপ্রিয়ং প্রিয়মহো বারাস্ফনাভিঃ সহ ।

বেস্তাপার্থক্যচিঃ কুতস্তব ধনং দ্যুতেন চৌর্য্যেণ বা

চৌর্য্যদ্যুতপরিগ্রহোহস্তি ভবতো নষ্টস্ত কান্মা গতিঃ ॥”

প্রথমার্দ্ধ ভাগ লিখিয়া বিক্রমাদিত্যের সভায় উপস্থিত হইলেন এবং সমবেত পণ্ডিতমণ্ডলীকে সম্বোধন করিয়া বলিলেন :—

আমার স্বর্গীয় জনক একটি শ্লোক রচনা করিয়া আমাকে শুনাইয়াছিলেন, আমি এই পত্রে উহা লিপিবদ্ধ করিয়া রাখিয়াছিলাম। কিন্তু দৈবদুর্বিপাকে উহার শেবার্দ্ধটুকু এই পত্রের অর্দ্ধাংশের সঙ্গে বিলুপ্ত হইয়া গিয়াছে—আপনাদের কেহ যদি দয়া করিয়া উহা বলিয়া দিতে পারেন, চিরবান্ধিত হইব। শ্লোকটি এই—

“বাতু বাতু কিমনেন তিষ্ঠত।

মুখঃ মুখঃ সখি সাদরং বচঃ।”

কোন মানিনী প্রিয়তমকে উপেক্ষা করিয়া বলিতেছেন—সখি! উহাকে এখানে থাকিবার জন্য এত মিষ্ট বাক্য বলিতেছ কেন? বাইতে দাও।

রত্নগণের মধ্যে একজন শ্লোকটি এইরূপ পূরণ করিলেন—

“পামরীবদনলোলুপো যুবা

নোহি বেত্তি কুলজাধরামৃতং॥”

বেশ্যার বদনমধুতে যার আসক্তি সে কি কখন কুলবধূর অধরামৃত পানের স্বাদ বুঝে?

উহা শুনিয়া বালিকা বলিলেন, “আমার যতদূর স্মরণ হয়, পিতার শ্লোকটি এইরূপ ছিল না।” তখন অপর পণ্ডিত বলিলেন—

“কোকিলাকলরবো বনে বনে

নূনমস্ত্র নিগড়ো ভবিষ্যতি ॥”

কাননে কাননে উদ্দীপক কোকিলার কুলস্বর ধ্বনিত হইতাহে,
উহাই ইহার নিগড় স্বরূপ (অত্রাবস্থিতির কারণ) হইবে ।

উহাতেও বালিকার তৃপ্তি হইল না দেখিয়া স্বয়ং মহারথী
কালিদাস উত্তর করিলেন—

“নূনমেষ মদপাস্ননির্জিতো

যত্নতঃ কতি পদানি গচ্ছতি ?”

আমার কঁটাকবাণে বিদ্ধ হইয়া এ আর কয় পা চলিতে
সমর্থ হইবে ?

ইহাতেও প্রশ্নকারিণী সন্তুষ্ট হইলেন না দেখিয়া কালিদাস
বিষম ক্রোধের বশবর্তী হইয়া বালিকার গণ্ডে চপেটাঘাত
করিলেন। বাগ্‌দেবী তখন প্রকট মূর্ত্তি ধারণ করিয়া বলিলেন,
“বৎস, পণ্ডিতের ঈদৃশ ক্রোধবশীভূত হওয়া নিতান্ত অবিধেয়।
তুমি আমারই কুপায় অদ্বিতীয় ক্ষমতাশালা বিরান ও কবিকুল-
চূড়ামণি হইয়াছ বটে, কিন্তু আমার অভিশাপে সম্মুখবিচারে
তোমার পাণ্ডিত্যের স্ফূর্ত্তি পাইবে না, স্মৃতরাং জয়লাভও
ঘটিবে না।” *

* সম্মুখবিচারে কালিদাসের পরাভূতির দৃষ্টান্তের পরাকাষ্ঠা স্বরূপ নেছুরী ও কুস্তকারের
হস্তে কবিরের দর্শনের কাহিনী জনশ্রুতিতে প্রচারিত আছে। বাহা হউক, অবশ্যে
কালিদাসের অশেষ স্তুতি বিনতিতে প্রসন্ন হইয়া বাগ্‌দেবী, কেবল একদিন সম্মুখ বিচারে
জয়লাভ হইবে, এরূপ ঘর দেন; ঐ একদিন নাকি কালিদাস বৃহস্পতি অধিষ্ঠিত ইন্দ্রের
সভা, জয় করেন।

ফলতঃ স্বকীয় সিদ্ধান্তে প্রতিপক্ষকে আপত্তি প্রদর্শন করিতে দেখিয়া যে পণ্ডিত ক্রোধে অধীর হন, বিচারক্ষেত্রে তিনি জয়লাভ করিতে সমর্থ হন না ।

এতাদৃশ সমস্তা পূরণে কালিদাসের অসাধারণ ক্ষমতা ছিল । কোন কবি এক রাজমহিষীর সহিত অবৈধ প্রণয়ে আসক্ত হন । রাজা জানিতে পারিয়া শাস্তি স্বরূপ কবিকে শূলারোপিত করেন । ঐ কবি স্বীয় শোণিত দ্বারা শূলের পার্শ্বে স্বকীয় দশাপরিণতিসূচক একটি শ্লোক লিখিতে আরম্ভ করেন, কিন্তু—

“কেবা ন সন্তি ভুবি তামরসাবতংসা

হংসাবলীবলয়িনো জলসন্নিবেশাঃ ।”

এই ভূমণ্ডলে প্রফুল্ল পঙ্কজপরিশোভিত হংসমালাপরিবেষ্টিত কতই জলাশয় বর্তমান আছে ;—

এই অর্দ্ধাংশ লিখিবামাত্রই তাঁহার প্রাণবায়ু বহির্গত হইয়া যায় । রাজা এই শ্লোকার্দ্ধ দেখিয়া উহার অপরাধ কীদৃশ হইবে এই কোতূহলপরবশ হইয়া নানাদিগ্দেশস্থ পণ্ডিতগণকে উহা পূরণ করিতে দেন । কিন্তু কেহই উক্ত কবির মনোগত ভাবানুরূপে কিংবা রাজার তৃপ্তিকররূপে উহা পরিপূরিত করিতে সমর্থ হইলেন না । অবশেষে কালিদাসসমীপে ঐ শ্লোকার্দ্ধ 'নীত' হইলে তিনি এইরূপে পূরণ করিয়া দিলেন—

‘কিং চাতকঃ ফলমবেক্ষ্য সবজ্রপাতাং

পৌরন্দরীং কলয়তে নববারিধারাম্ ।”

তবে তুষিত চাতক কি ফল প্রত্যাশা করিয়া ইন্দ্রপ্রবর্তিত
বহুপাত সমন্বিত নবমেঘ বর্ষণের প্রতি তাকাইয়া থাকে ?

রাজা এই শ্লোকপূর্তিতে নিরতিশয় প্রীত হইয়া কবিবরের
যথেষ্ট প্রশংসা ও পুরস্কার বিধান করিলেন ।

আর একদিন কালিদাসের কোন বন্ধু তাঁহাকে পরীক্ষা করিবার
জন্ম, “যজ্ঞোপবীতং পরমং পবিত্রং” এই প্রথম পাদ, এবং
“অণোরণীয়ান্ মহতো মহীয়ান্” এই শেষ পাদ নির্দেশিত করিয়া,
আদিরসে একটি শ্লোক রচনা করিতে অনুরোধ করিলেন ।
কালিদাস তৎক্ষণাৎ উত্তর করিলেন—

যজ্ঞোপবীতং পরমং পবিত্রং

স্পৃষ্ট্বা সখে দিব্যমহং করোগমি ।

যোগে বিয়োগে দিবসোহজ্ঞনায়া

অণোরণীয়ান্ মহতো মহীয়ান্ ॥

হে সখে ! আমি এই পরম পবিত্র যজ্ঞসূত্র স্পর্শ করিয়া
শপথ পূর্বক বলিতেছি, প্রিয়তমার সঙ্গমে দিবস যেন অণু
অপেক্ষাও ক্ষুদ্রতর বোধ হয়, আর তাহার বিয়োগে মহান
অপেক্ষাও দীর্ঘতর জ্ঞান হয় ।

এইরূপ সমস্যা পূরণের অনেক কাহিনী প্রচারিত আছে ।
বার্হল্য ভয়ে এবারে এইস্থানেই শেষ করা গেল ।

[সাহিত্যসেবক কাল্পন ১৩০৩ ।

কালিদাসের কাহিনী ।

(৬) উপসংহার ।

একদা এক রাক্ষস বিক্রমাদিত্যের সভায় আসিয়া বলিল, “তন্নর্যং” । যদি ত্রিরাত্র মধ্যে এই সমস্তার পূর্তি না হয় তবে রাজ্য শুদ্ধ লোক সংহার করিয়া ফেলিব । ব্যাপার গুরুতর বুঝিয়া রত্নগণ, মায় কালিদাস, রাজ্য পরিত্যাগ করিয়া পলায়নপর হইলেন । পথে কালিদাস দেখিলেন এক বৃদ্ধ ব্রাহ্মণ নগ্নপদে প্রতপ্ত বালুকারাশির উপর দিয়া অতি ক্লেশে পথ চলিতেছেন ; স্বভাবসুখুমার কবিশ্রদয়ে দয়া উপজাত হইল,—কবি স্বীয় জীর্ণ পাছুকাযুগল ব্রাহ্মণকে দান করিয়া স্বয়ং নগ্নপদে গমন করিতে লাগিলেন । অল্প দূর গিয়াই তিনি একটি অস্বাভিক সুসজ্জ অশ্ব প্রাপ্ত হইলেন এবং তদারোহণে উত্তপ্ত বালুকাময় প্রান্তর উদ্ভীর্ণ হইলেন । এতদ্ ঘটনায় কবির মনে যে ভাবরাশি আবির্ভূত হইল, উহাতেই রাক্ষসের সমস্তা পূরিত হইল । কালিদাস রাজসভায় প্রত্যাগমন করিয়া বলিলেন—

“দ্বিজায় পাছুকা দত্তা শতবর্ষীয়জর্জরা ।

তৎফলাদশলাভো মে তন্নর্যং বন দীয়তে ॥”

বহু পুরাতন এক ঘোড়া জুতা ব্রাহ্মণকে দিয়াছিলাম, তাহার ফলে একটা ঘোড়া পাইলাম । ফলতঃ যাহা দান না করা যায়, তাহাই নিষ্ফল ।

সে যাত্রা এইরূপে রাক্ষসের হস্ত হইতে বিক্রমাদিত্যের রাজ্য
রক্ষা পাইল ।

আর একবার এক সমস্তা হইল “ততঃ কিং, ততঃ কিং,
ততঃ কিং, ততঃ কিং ?” কালিদাস পূরণ করিলেন—

“গিরেস্তুল্যবিভং ন দানং ততঃ কিং ?

কুশাগ্রীয় বুদ্ধিন্ পাঠস্ততঃ কিং ?

বপুঃ কৰ্ম্মশব্দং ন তীর্থস্ততঃ কিং ?

ন ভৰ্ভুঃ প্রিয়ঙ্গুবিতঞ্চেত্ততঃ কিং ?”

পৰ্বতপ্রমাণ ধন থাকিলেও দান না হইলে লাভ কি ? তীক্ষ্ণ
বুদ্ধিসম্পন্ন হইলেও যদি পড়াশুনা না থাকে তবে উহাতে ফল
কি ? শরীরে শক্তিসামর্থ্য থাকা সত্ত্বেও তীর্থাদি পর্য্যটন না
করিলে কি লভ্য হইল ? যদি স্বামী ভাল না বাসেন তবে বাঁচিয়া
থাকায় কি ফল ?

ভারতীর বরপুত্রের সৈদৃশী ক্ষমতা ছিল যে অপরের বাহ্য
জানা অসম্ভব তাহাও প্রজ্ঞাচক্ষুবলে তিনি দেখিতে পাইতেন।
এই ক্ষমতা একবার তাঁহার সমূহ বিপত্তিরও হেতুভূত হইয়াছিল।
কোন শিল্পী রাজা বিক্রমাদিত্যের মহিষী ভানুমতীর প্রতিকৃতি
নিৰ্ম্মাণ করিয়া নবরত্নাধিষ্ঠিত রাজসভায় আনয়ন করে। সকলেই
উহার সবিশেষ প্রশংসা করেন, কিন্তু কালিদাস উহাতে বেন
কিঞ্চিৎ বৈসদৃশ্য বর্তমান রহিয়াছে এরূপ ভাব প্রকাশ করেন।
ইহাতে শিল্পী ক্রোধভরে স্বীয় তুলিকা নিক্ষেপ করিতে এক বিন্দু
মলী ঐ নগ্ন প্রতিকৃতির উরুদেশে পতিত হইল, তখন কালিদাস

“এইবার ঠিক হইয়াছে” এইরূপ মন্তব্য প্রকাশ করেন। সকলেই কালিদাসকে ইহার কারণ জিজ্ঞাসা করাতে কবি বলিলেন, “রাজমহিষীর উরুদেশে একটি তিল আছে, শিল্পী অঙ্গভাষাতঃ উহা চিত্রিত করিতে পারে নাই, এখন তন্মিক্ষিপ্ত তুলিকানিসৃত মসী বিন্দুতে উহা সংসাধিত হইয়াছে।”

কালিদাসের কথা শুনিয়া রাজা বিক্রমাদিত্য তাঁহাকে মহিষীর গুপ্ত প্রণয়ী বিবেচনা করিলেন, এবং তৎক্ষণাৎ তাঁহাকে দ্বীয় রাজ্য হইতে নির্বাসিত করিলেন। কবি নিরুপায় ভাবিয়া স্ত্রীবেশ ধারণ করিয়া গোপনে উজ্জয়িনীতেই কোন এক ব্রাহ্মণের গৃহে অবস্থান করিতে লাগিলেন।

কিয়দিন পরে রাজপুত্র মৃগয়া উপলক্ষে গভীর অরণ্যে প্রবেশ পূর্বক প্রত্যাবর্তনের পথ না পাইয়া এক বৃক্ষে আরোহণ করিয়া রজনী যাপনে কৃত সংকল্প হইলেন। ঐ বৃক্ষে জাম্ববানের এক বংশধর অবস্থান করিতেছিল। স্বাপদব্রন্ত রাজপুত্র উহার আশ্রিত হইয়া উহার সহিত মিত্রতা স্থাপন পূর্বক অবস্থান করিতে লাগিলেন। বিশ্রদ্ধহৃদয় ভল্লুক ক্রিয়ৎক্ষণ পরে মিত্র রাজপুত্রের ক্রোড়দেশে মস্তক রাখিয়া নিদ্রা গেলে ইঠাৎ এক ব্যাত্র আসিয়া রাজপুত্রকে আক্রমণ করিবার উপক্রম করিতে লাগিল। আত্ম-প্রাণরক্ষার্থ রাজপুত্র তখন ভল্লুককে ব্যাত্রমুখে নিক্ষেপ করিবার অভিপ্রায়ে ঠেলিয়া ফেলিতে চেষ্টা করিলেন, কিন্তু ভল্লুক কোন যত্নে বৃক্ষাবলম্বন করিয়া রহিয়া গেল। রাত্রি প্রভাত হইলে ভল্লুক সেই মিত্রদ্রোহী রাজপুত্রকে চপেটাঘাত করিয়া “সসেমিরা”

এইমাত্র বলিয়া প্রশ্ন করিল। পরে রাজপুত্র উজ্জয়িনীয়ে প্রত্যাবৃত্ত হইলেন বটে, কিন্তু উন্মাদগ্রস্ত হইয়া কেবল “সসেমিরা” এই বাক্য জপ করিতে লাগিলেন।

বহু চিকিৎসাদি করিয়াও রাজপুত্রের আরোগ্য হইল না। বিক্রমাদিত্য ঘোষণা করিয়া, দিলেন, যে রাজপুত্রকে সুস্থ করিতে পারিবে তাহাকে প্রভূত পুরস্কার দিবেন। পুরস্কার লোভে অনেক চিকিৎসক আসিয়া অকৃতকার্য হইল। যখন কিছুতেই কিছু হইল না, তখন রাজা স্বীয় তনয়ের আরোগ্য বিষয়ে হতাশ হইয়া পড়িলেন। ছদ্মবেশী কালিদাস তখন আপন আশ্রয়দাতা ব্রাহ্মণকে সঙ্গে লইয়া রাজবাটীতে আসিলেন, এবং রাজপুত্রকে দেখিতে চাহিলেন। রাজপুত্র আসিলে তাহার “সসেমিরা” উক্তি শুনিয়া স্ত্রীবেশী কালিদাস কহিতে লাগিলেন—

“সদ্যাবপ্রতিপন্নানাং বধনে কা বিদগ্ধতা।

অঙ্কমারোহ্য সুপ্তানাং হত্বা কিংনাম পৌরুষম্ ॥”

প্রণয়বদ্ধ ব্যক্তিকে বধনা করাতে কি বাহাদুরী হইল! জ্যোড়শয়িত নিদ্রাগত ব্যক্তির বধসাধন করিতে যাওয়া কি পৌরুষের কার্য?

“সেতুবন্ধে সমুদ্রে চ গঙ্গাসাগরসঙ্গমে।

ব্রহ্মহা মুচ্যতে পাপৈর্মিত্রদ্রোহী ন মুচ্যতে ॥”

যাহারা ব্রহ্ম বধ করিয়াছে তাহারাও সেতুবন্ধে, সমুদ্রজনে বা গঙ্গাসাগরসঙ্গমে গমন পূর্বক পাপমুক্ত হয়, কিন্তু মিত্রদ্রোহী কদাপি মুক্তি নাই।

“মিত্রদ্রোহী কৃতব্রশ্চ যে চ বিশ্বাসঘাতকাঃ।

তে নৈরা নরকং যান্তি যাবচ্চন্দ্রদিবাকরৌ ॥”

মিত্রদ্রোহী, কৃতব্র, এবং যাহারা বিশ্বাসঘাতক, ঐ সকল ব্যক্তি যতদিন পৃথিবীতে চন্দ্র সূর্য থাকিবে, ততদিন নরক ভোগ করিবে।

“রাজর্ষে রাজপুত্রশ্চ যদি কল্যাণমিচ্ছসি।

দেহি দানং দ্বিজাতিভ্যো দেবতারাধনং কুরু ॥”

হে রাজন্! যদি রাজপুত্রের কুশল কামনা করেন, তবে ব্রাহ্মণদিগকে ধনদান এবং ভক্তিভরে দেবতার্চন করুন।

“সসেমিরা”র সমস্তা এইরূপে * পূরিত হইলে রাজপুত্র আরোগ্য লাভ করিলেন এবং অরণ্যের বৃন্তান্ত আনুপূর্বিক বর্ণন করিলেন। তৎশ্রবণে বিক্রমাদিত্য বিস্মিত হইয়া ছদ্মবেশী কালিদাসকে বলিলেন

“গৃহে বসসি স্ত্রোশোণি অটব্যাং নৈব গচ্ছসি।

কথং নৃশার্দূলক্ষ্যাং বৃন্তান্তমবগচ্ছসি ॥”

হে সুন্দরি, তুমি বনে কখনও যাও না, গৃহে বসিয়া কিরূপে এই মনুষ্য, ভল্লুক ও ব্যাঘ্র ষড়িত বৃন্তান্ত অবগত হইলে?

স্ত্রীবেশী কবি বলিলেন—

“দেবগুরুপ্রসাদেন জিহ্বাগ্রে মে সরস্বতী।

তেনাহং নৃপ জানামি ভানুমত্যাঙ্গুলং যথা ॥”

হে ভূপ, দেবতা ও গুরুদেবের কৃপায় আমার জিহ্বাগ্রে

* উক্ত শ্লোকচতুষ্টয়ের আদ্য অক্ষর লইলে ‘স সে মি রা’ হইবে। এই পদটি বরকট নামক কবিত হইয়া থাকে।

সরস্বতী স্বয়ং বিরাজমানা ; আগি এই কারণেই এই সকল গুণ
বৃত্তান্ত অবগত আছি, এই জন্যই ভানুমতীর তিলের কথা
জানি ।

তখন বিক্রমাদিত্যের চৈতন্য হইল এবং ছদ্মবেশী রমণীকে
কালিদাস জানিয়া পুনশ্চ তাঁহাকে সাদরে গ্রহণ করিলেন ।

একদা কালিদাস স্বীয় পুত্রকে পড়াইতেছিলেন—“স্বদেশে
পূজ্যতে রাজা বিদ্বান্ সর্বত্র পূজ্যতে ।” দৈবাৎ ঐ পথ দিয়া রাজা
বিক্রমাদিত্য যাইতেছিলেন ; রাজা কেবল স্বদেশে এবং বিদ্বান্
সর্বত্র পূজ্য, এই কথা তাঁহার অসহ্য হইল । তখন রাজাও কবি
পরামর্শ করিলেন, উভয়েই আকৃতি গোপন করিয়া বিদেশে পর্যটন
করিবেন, দেখা যাইবে কাহার কত সম্মান । কিছু দিন ভ্রমণ
করিলে পর রাজার অর্থ ফুরাইয়া গেল ; অবশেষে স্বীয় হস্তের
অঙ্গুরীয় বিক্রয় পূর্বক উদর পোষণ করিবেন, এই অভিপ্রায়ে
মণিকারের দোকানে গেলে ঐ ব্যক্তি উহাতে বিক্রমাদিত্যের নাম
অঙ্কিত দেখিয়া ছদ্মবেশী রাজাকে চোর মনে করিয়া বন্ধনপূর্বক
তদেশীয় নরপতির সমীপে আনয়ন করিল । এদিকে কালিদাস
ঐ দেশেরই নৃপতির সভায় আসিয়া বিদ্যাবলে রাজার সমুদ্রিষ্ট সাধ
করিয়া সুখে স্বচ্ছন্দে কাল কাটাইতেছিলেন । চোর বেশে বিক্র
মাদিত্য যখন রাজসভায় আসিলেন, তখন কালিদাস চিমিতে
পারিয়া বলিয়া উঠিলেন, “স্বদেশে পূজ্যতে রাজা বিদ্বান্ সর্বত্র
পূজ্যতে” তখন সমস্তই প্রকাশ পাইল, জগতে বিদ্বান্ গোরা
অক্ষুণ্ণ রহিল ।

কালিদাস তিথি বিশেষে মৌনাবলম্বন করিয়া ছদ্মবেশে থাকিতেন। প্রতদবস্থায় একদা রাজপুরুষেরা তাঁহাকে সামান্য লোক বিবেচনায় রাজার শিবিকা বহনে নিযুক্ত করিয়া দিল। অনভ্যস্ত কার্য্যে নিযুক্ত হইয়া ক্ষণমধ্যেই কবিরের শ্রান্তি জন্মিল; ইহাতে রাজা তাঁহাকে লক্ষ্য করিয়া বলিলেন—

“ক্ষণং বিশ্রাম্যতাং জাল্য স্কন্ধস্তে যদি বাধতি ॥”

রে মুঢ়, যদি তোর কাঁধে বেদনা ধরিয়া থাকে তবে ক্ষণকাল বিশ্রাম কর। “বাধতি” এই পরস্মৈপদী অশুদ্ধ প্রয়োগ শুনিয়া কালিদাসের মৌনব্রত ভঙ্গ হইয়া গেল; তিনি বলিয়া ফেলিলেন,—

“ন বাধতে তথা স্কন্ধো যথা বাধতি বাধতে ॥”

আমার কাঁধে তেমন ব্যথা বোধ হইতেছে না, যেমন আপনার মুখে “বাধতি” প্রয়োগ শুনিয়া বোধ হইল।

ইংলণ্ডীয় কবি গোল্ডস্মিথের ন্যায় কবি কালিদাসও দান-কার্য্যে অপরিণামদর্শী ছিলেন। একদা সর্বস্ব দান করিয়া, এমন কি পরিধেয় বস্ত্রখানি পর্য্যন্ত বিলাইয়া দিয়া, কবির আবক্ষ জলে গিয়া দাঁড়াইয়া রহিলেন। রাজা বিক্রমাদিত্য জানিতে পারিয়া বলিলেন—

“অসম্যগ্ ব্যয়শীলস্য গতিরেতাদৃশী ভবেৎ ॥”

যাহারা ব্যয় করিতে অগ্র পশ্চাৎ বিবেচনা করেনা, তাহাদের এইরূপ দুর্দ্দশাই ঘটে!

কালিদাস উত্তর করিলেন—

“তথাপি প্রাতরুথায় নাম তস্মৈব গীয়তে ॥”

তথাপি লোক নিদ্রা হইতে উঠিয়া ঐ ব্যক্তিরই নাম কীর্ত্তি করে, কৃপণের নাম কেহ লয় না ।

কালিদাস অলোকসামান্য কবিত্বশক্তিসম্পন্ন হইলেও, কিংবদন্তীর মতানুসারে, তিনি নার্কি তত “ভাবুক” ছিলেন না । তাই রাজা বিক্রমাদিত্য কবিতারসমাধুর্য্য বুঝাইয়া দিবার জন্ত একজন “ভাবুক” রাখিয়াছিলেন । কালিদাস কিন্তু এ বিষয়ে বড় রাজি ছিলেন না । তাই রাজা একদিন ভাবুকের আবশ্যকতা দেখাইবার নিমিত্ত কবি ও ভাবুক সমভিব্যাহারে সান্ধ্য সমীরণ সর্বনার্থ বহির্গমন করিলেন এবং কবিকে মৃদুলবাতসঞ্চালিত একটি মুকুলিত আম্রবৃক্ষ দেখাইয়া উহা বর্ণনা করিতে বলিলেন । কবি তৎক্ষণাৎ বলিলেন—

ইয়ং সন্ধ্যা দূরাদহমুপগতো হন্ত মলয়াৎ

ত্বমেকা ত্বদেগহে বিনয়বতি নেয়্যামি রজনীম্ ।

সমীরেণেত্যুক্তা নবকুশুমিতা চূতলতিকা

ধুনানা মূর্দ্ধানং নহি নহি নহীত্যেব কুরুতে ॥

“সন্ধ্যা হইয়াছে, আমি বহুদূর মলয়পর্বত হইতে আসিয়াছি, তুমি একাকিনী আছ ; হে বিলাসিনি, অল্প রজনী তোমারই গৃহে যাপন করিতে ইচ্ছা করি ।” পবন এই কথাগুলি বলিলে অচিরপুষ্পিতা চূতলতা যেন মস্তক বিকম্পিত করিয়া ‘না’ ‘না’ ‘না’ এইরূপ করিল ।

কবি তদীয় শ্লোক যথারীতি ব্যাখ্যা করিলে রাজা প্রশ্ন করি-

লেন, ‘নহি’ এই শব্দটি তিনবার উক্ত হইল কেন ? কবি ছন্দঃ
ও অলঙ্কার প্রভৃতি সম্পর্কীয় কারণ দর্শাইলে পর রাজা অসম্মত
চিত্তে ভাবুককে উহার তাৎপর্য ব্যাখ্যা করিতে বলিলেন। তখন
ভাবুক বলিলেন, “চূতলতাকে “নবকুমুমিতা” বলা হইয়াছে।
“স্ত্রীরজঃ পুষ্পমার্দবং।” ইহাতে, তিনবার ‘নহি’ বলাতে, “ত্রিরাত্র
আমার সঙ্গে থাকা হইবে না” চূতলতা ইহাই সূচনা করিতেছে।
তখন ঐ ভাবুকেরই জয়জয়কার পাড়িয়া গেল।

কালিদাস সমক্ষে এইরূপ নানা কাহিনী কিংবদন্তীমুখে
প্রচারিত আছে, সমস্ত সংগ্রহ পূর্বক প্রকাশিত করিতে গেলে
প্রবন্ধ অতি বিস্তৃত হইয়া পড়ে। তথাপি কালিদাসের বেশ্যাসক্তি
বিষয়ক দুইটি গল্প বলিয়া প্রবন্ধের উপসংহার করা বাইতেছে।
প্রবাদ আছে, কালিদাস ও রাজা বিক্রমাদিত্য একই বারবনিতাতে
আসক্ত ছিলেন। ইহাতে উভয়ে পরস্পর কিছু ঈর্ষান্বিতও ছিলেন।
একদিন বিক্রমাদিত্য বারবনিতাকে শিখাইয়া দিলেন, “কালিদাস
আসিলে তাহার মাথা মুড়াইয়া দিবে।” বারবনিতা তাহাই
করিল, কিন্তু কালিদাসও উহাকে শিখাইয়া দিলেন, “তুমি রাজা
আসিলে তাঁহাকে ঘোড়া সাজাইয়া তাঁহার উপর আরোহণ করিবে
এবং তাঁহার দ্বারা ঘোড়ার হেঁসারব করাইবে।” ঐ স্ত্রীলোক
কালিদাসেরও অনুরোধ পালন করিল। অনন্তর পরদিন রাজ-
সভায় সমবেত পণ্ডিতমণ্ডলী মধ্যে সমাসীন হইয়া রাজা
বিক্রমাদিত্য কালিদাসকে প্রশ্ন করিলেন—

“কালিদাস কবিশ্রেষ্ঠ মুণ্ডনং কুত্র তে কৃতং।”

কবিশ্রেষ্ঠ কালিদাস ! কোথা আপনার মুণ্ডন করা হইল !
কালিদাস তৎক্ষণাৎ উত্তর করিলেন—

“যস্মিন্ ভবান্ হয়োভূহা চিঁই শব্দমথাকরোৎ”

যেখানে মহারাজ ঘোড়া হইয়া হ্রেষা রব করিয়াছিলেন।
বিক্রমাদিত্য পরাস্ত হইলেন ।

আর একদিন কালিদাস বারবনিতার ভবনে গিয়াছেন, এমন
সময়ে রাজা বিক্রমাদিত্যও হঠাৎ সেখানে উপস্থিত হইলেন।
কালিদাস অমনি পার্শ্বস্থ গৃহে লুকায়িত হইয়া রহিলেন। নানা
হাস্ত-পরিহাসের পর রাজা ঐ বনিতার স্তনযুগলে হস্তার্পণ করিয়া
বলিলেন—

“তব তদ্বি স্তনাবেতো নিয়তো চক্রবর্তিনো ।”

হে সুন্দরি ! তোমার স্তনযুগল নিশ্চয়ই চক্রবর্তী রাজার আয়।
বিক্রমাদিত্য এই শ্লোকার্দ্ধ বলিয়া অপরাধ বলিতে না
বলিতেই কালিদাস উত্তর করিয়া বসিলেন—

“আসমুদ্রকরগ্রাহী ভবান্ যত্র করপ্রদঃ ॥”

যেহেতু সাগরাস্ত পৃথিবীর সর্বত্র করগ্রহণকারী মহারাজা-
ধিরাজ স্বয়ং উর্হাতে কর (অর্থাৎ হস্ত বা রাজস্ব) প্রদান
করিয়া থাকেন ।

ইহাতে, রাজা লজ্জিত হইয়া তৎক্ষণাৎ বারবনিতার গৃহ
হইতে চলিয়া যান। রাজা রুষ্ট হইয়া চলিয়া গিয়াছেন, আর
আসিবেন না, এবং কালিদাসই ইহার মূল, এই ভাবিয়া ঐ

পাপিষ্ঠা কালিদাসের বধ সাধন করিল। সরস্বতীর অভিষাপ
সফল হইল। *

[সাহিত্য সেবক জ্যৈষ্ঠ ১৩০৩]



* ভোজ প্রবন্ধের কথা ইতিপূর্বে উল্লেখ করা গিয়াছে। উহাতেও কালিদাসকে
লম্পট বলিয়া বর্ণনা করা হইয়াছে। কিন্তু ঐ গ্রন্থ পাঠ করিলে বুঝা যায় কালিদাস
বিক্রমাদিত্যের বিরোভাবের পর ভোজসভায় আগমন করেন। তাহা হইলে কালিদাসের
ঐ বহু কাহিনী নিশ্চয়ই অলীক। অপিচ, অষ্টসিদ্ধিগুরু রাজা বিক্রমাদিত্য দ্বিতেন্দ্রের
বার্ষিক ও বিলাসশুভ্র ছিলেন; ইহাতে তদীয় বেষ্ঠাপরায়ণতার গল্পও অলীক বলিয়াই
বোধ হয়।

সহৃদয় সংস্কৃত সাহিত্য সেবক মাত্রেই বোধ হয় মহাকবি বাণভট্ট কৃত কাদম্বরীর সমগ্র না হউক কোনও না কোনও অংশ অধ্যয়ন করিয়াছেন। কিন্তু, কাদম্বরী রসভরে মত্ততানিবন্ধন, বোধ হয় অনেকেই কোন্ উপদানে এই কাদম্বরী প্রস্তুত হইয়াছে তাহার অনুসন্ধানের অবসরও প্রাপ্ত হন নাই।

বড় বড় কাব্যকারগণ গ্রন্থ প্রণয়নে কুস্তকার বৃত্তি অবলম্বন করিয়া থাকেন। কুস্তকার প্রতিমা নির্মাণ করে, তাহার উপাদান মাটি, খড়, বর্ণ তুলিকা কিছুই তাহার নিজের প্রস্তুত নহে; কবিগণ কাব্যে যে সমস্ত শব্দ প্রয়োগ করেন, তাহার একটিও নিজের নির্মিত নহে। কুস্তকার দুর্গামূর্তি নির্মাণ করে ধ্যানাদি পুরাণোক্ত বর্ণনা অবলম্বন করিয়া; কালিদাস কুমারসম্ভব প্রণয়ন করিলেন শিবপুরাণ সমাশ্রয় করিয়া। কুস্তকার যেরূপ বাজার হইতে বর্ণ ও অলঙ্কারাদি সংগ্রহ করিয়া প্রতিমার সৌন্দর্য সম্বর্দ্ধন করে, সেইরূপ কবিও শব্দ ও কাব্য বাজার হইতে রস ও অলঙ্কার আহরণ করিয়া কাব্যের শোভা সম্পাদন করেন। সুদক্ষ কৃষ্ণনগরের কুস্তকার যেরূপ মধ্যে মধ্যে প্রাকৃতিক জীর জন্ত প্রভৃতির অবিকল মূর্তি প্রস্তুত করিয়া লোকের চিত্ত হরণ করিয়া থাকে, স্থনিপুণ কবিগণও তেমনি প্রকৃতির অক্ষয় ভাণ্ডার হইতে

মধ্যে মধ্যে উপাদান সংগ্রহ করিয়া সহৃদয় জনগণের হৃদয়াকর্ষণ করিয়া থাকেন। কিন্তু কুস্তকারের বাহাহরী উপাদানের যথা-স্থানে সন্নিবেশ করা, কবিরও চমৎকারিত্ব ঠিক ঐ-স্থলেই।

কলতঃ অন্যস্থান "ইহিতে উপাদান আহরণে যে কবির কি শিল্প-করের মহত্বের কিছু ভ্রাস ইহাবে এমন ভাব হৃদয়ে পরিপোষণ করা অসহৃদয়তার কার্য্য। কবি বলেন, "সহস্রশৃংগমুৎসর্ক-মাদন্তে হি রসং রবিঃ"; আমরাও তাঁহারই সম্পর্কে বলিব, "সহস্র-শৃংগ মুৎসর্কুং আদন্তে হি রসং কবিঃ।"

বাহা হউক, বাণভট্ট তাঁহার কাদম্বরীকথা কথাসরিৎসাগর ইহিতে সংগ্রহ করিয়াছেন। কথাসরিৎসাগর আবার বৃহৎকথা নামক গ্রন্থের সংক্ষিপ্তসার। বৃহৎকথার কথামাত্র অবশিষ্ট আছে ; গ্রন্থ খানি এখন আর দেখা যায় না। সংস্কৃত সাহিত্যে ঐরূপ কত বৃহৎকথার যে লোপ হইয়াছে তাহার কে ইয়ত্তা করিবে ? নানা কথোপকথাবলীর সমষ্টীভূত কথাসরিৎসাগর বাস্তবিক অর্থনামা, এবং কাদম্বরী, রত্নাবলী, নাগানন্দ ইত্যাদি অনেক রত্ন এই সাগর ইহিতে আহৃত হইয়াছে। প্রকাণ্ড কথাসরিৎসাগর যে গ্রন্থের সংক্ষিপ্ত সার সেই বৃহৎকথা যে কত বৃহৎ ছিল, তাহা সহৃদয়ের অনুমেয় মাত্র।

কথাসরিৎসাগর আরব্যোপন্যাসের আয় নানাগল্পসম্বিত। বাদশাহপত্নী শাহারজাদী স্বামী ও ভগিনীর চিত্ত বিনোদনার্থ নানা গল্পের অবতারণা করেন, তাহাতেই আরব্যোপন্যাসের গল্প-বিস্তার। কথাসরিৎসাগরেও বৎসরাজ, তৎপত্নী, কি তৎপুত্র,

নরবাহন দন্তের মনোরঞ্জনার্থ মন্ত্রী অমাত্য পারিষদ প্রভৃতি প্রমুখাৎ নানা গল্পের অবতারণা হইয়াছে ।

একদা বৎস রাজের পুত্র নরবাহন দত্ত, কোনও এক দিব্যাস্ত্রনার রূপলাবণ্যে মোহিত ও তদীয় পাণিপীড়নে লোমুগ হইয়া নিতান্ত ব্যগ্রতা প্রদর্শন ও বিরহানুভব করিতে করিতে অবশেষে হতাশ হইয়া পড়েন । বুদ্ধিমান্ মন্ত্রী গোমুখ তদীয় উৎকট আগ্রহাতিশয্য নিবন্ধন হতাশাবস্থা নিরীক্ষণ করিয়া, সাস্ত্রনার নিমিত্ত উপদেশচ্ছলে, অদ্ভুত শুক ও চণ্ডালদারিকার প্রস্তাবের অবতারণা করেন, এবং “এ জগতে মানবের ভবিষ্যৎ মিলনাদি অতিদীর্ঘ বিচ্ছেদের পরেও ঘটিতে পারে” এই বলিয়া উহার উপসংহার করেন । সেই প্রস্তাবই প্রকৃত প্রস্তাবে কাদম্বরীর উপাদান ।

উক্ত গল্পটি যদিও কাদম্বরীর প্রস্তাবের আয়তন দীর্ঘ নহে, তথাপি উহার আয়তন এত ক্ষুদ্র নহে যে এতৎ পত্রের দ্বাদশ পৃষ্ঠেও উহার সংকুলন হইবে । অথচ ইহার একটি ছত্রমাত্র বাদ দিলেই হয়ত গল্পের অবয়বের হানি হইবেক, ইহা এতদূর সংক্ষিপ্ত ! কথাসরিৎসাগরের উনষষ্টিতম অধ্যায়ে গল্পটি লিখিত আছে । বাঁহারা কাব্যামোদী তাঁহারা উক্ত স্থানটি পাঠ করুন, বুঝিবেন কবি কীদৃশ সামান্য উপকরণ সম্বল করিয়া কিরূপ মনোহর বস্তু জগতের বিনোদনার্থ নির্মাণ করিয়াছেন ।

কাদম্বরী সমগ্র বাণভট্টের রচিত নহে, ইহা সকলেই অবগত আছেন । কাদম্বরীর পূর্ববর্দ্ধ অর্থাৎ যে টুকু বাণ স্বয়ং রচনা

করিয়া গিয়াছেন, তাহার রক্তমাংসস্বরূপ অসংখ্য রূপকোপমোৎ-
 প্রেক্ষাপরিসংখ্যাসমন্বিত অশেষ সুদীর্ঘসমাসাত্যপদরাজিবিরান-
 দিত শূদ্রকপুরী, বিদ্যাটবী, জাবালির আশ্রম, অচ্ছেদ
 সরোবর, তপস্বিনী মহাশেতার আশ্রম প্রভৃতির স্তম্ভুর অথচ
 প্রতিবর্ণনাগুলি পরিত্যাগ করিলে যে অস্থিগুপ্ত নিরীক্ষিত
 হইবে, তাহা অবিকল কথাসরিৎসাগর হইতে উদ্ধৃত। তবে যে
 কিছু পার্থক্য, তাহা কেবল কথাসু নায়ক উপনায়ক প্রভৃতির
 নামকরণে এবং ঘটনাবলীর স্থান নির্ধারণে। কিন্তু, কথা সরিৎ-
 সাগরস্থ প্রস্তাবের জ্যোতিষ্প্রভ, সোমপ্রভ, হর্ষবতী, কাঞ্চনাভ,
 মকরন্দিকা ইত্যাদি নামের সঙ্গে যথাক্রমে কাদম্বরীকথোন্মীষিত
 তারাশীড়, চন্দ্রাশীড়, বিলাসবতী, হেমকূট, কাদম্বরী প্রভৃতি
 নামের অর্থ ও ধ্বনিগত বিলক্ষণ সৌসাদৃশ্য পরিলক্ষিত হয়।
 আবার কাদম্বরী কথাতে, চন্দ্রাশীড়ের পরিচারক ও পরিচারিকা
 মেঘনাদ ও পত্রলেখার সামান্য চরিত্র ভিন্ন, নূতন চরিত্র আর
 কিছুই সমাবেশিত হয় নাই বলিলেও চলে। ফলতঃ বাণভট্ট
 নূতন ঘটনা বা চরিত্র আবিষ্কারে বড় পারদর্শী ছিলেন না, ইহা
 কাদম্বরী (এবং হর্ষরাজের প্রকৃত জীবনীর ঘটনাবলম্বনে লিখিত
 হর্ষচরিত্র) দৃষ্টে স্পষ্টই অনুমান করা যায়। কিন্তু তিনি যে
 প্রকার রচনামালা দ্বারা সংস্কৃত ভাষাকে অলঙ্কৃত করিয়াছেন, যে
 রূপ মুনোহারি বর্ণনাদি দ্বারা কাব্য ভাণ্ডারের শ্রীবৃদ্ধি করিয়াছেন,
 উক্তনাসের মুখে চন্দ্রাশীড়ের প্রতি উপদেশ, চন্দ্রাশীড়ের মুখে
 ব্রহ্মচার্যাবলম্বিনী মহাশেতার পাতিব্রত্যের প্রশংসা, প্রভৃতি স্থলে

যে সকল জ্ঞানগর্ভ রচনাবলী রাখিয়া গিয়াছেন, তাহা সাহিত্য সংসারে সচরাচর সুদুল্লভ ।

বাণভট্ট কাদম্বরীর প্রায় তিন চতুর্থাংশ রচনা করিয়া পরলোকগত হইলে তদীয় উপযুক্ত পুত্র ভূষণ ভট্ট গল্পের শেষ কামনার অপরাংশ স্বয়ং রচনা করেন। তাঁহার রচনা কিরূপ, পিতার রচনা-পেঙ্কা উৎকৃষ্ট কি অপকৃষ্ট, ইত্যাকার বিষয় অল্প আমাদের আলোচনা নহে; কিন্তু তাঁহার স্বরচিত কাদম্বরীর শেষাংশ এবং সরিৎসাগরস্থ গল্পের অবশিষ্টাংশ তুলনা করিলে স্পষ্টই দেখা যায় যে তিনি কথা-সরিৎসাগরের সহিত সমস্ত সম্পর্ক পরিত্যাগ করিয়াছিলেন ।

তিনি কথাসরিৎসাগরের বিষয়ে সম্পূর্ণ অনভিজ্ঞ ছিলেন ইহা কল্পনা করাও বাতুলত্ব মাত্র । তাঁহার উক্ত গ্রন্থ অবলম্বন না করার যথেষ্ট কারণ ছিল । তন্মধ্যে প্রধান কারণ এই যে, যে পর্য্যন্ত অবলম্বনে বাণভট্ট পূর্ববর্দ্ধি লিখিয়া যান সৌভাগ্য বশতঃ সে পর্য্যন্ত কথাসরিৎসাগরের প্রস্তাবটি বেশ একটু সুসঙ্গত ও প্রীতিপ্রদ । কিন্তু ইহারই পর হইতে প্রস্তাবটি যেন হঠাৎ ও অসঙ্গতরূপে উপসংহত হইয়াছে । সুতরাং পিতার লিখিত অংশের সুসঙ্গত-পসংহার করিতে হইলে, বাণপুত্রের এতাদৃশ অসঙ্গতাংশ পরিহার ও সঙ্গত প্রস্তাবের নূতন কল্পনা করা ভিন্ন অন্য উপায় ছিল না । দৃষ্টান্ত স্থলে ধরুন, কথাসরিৎসাগরস্থ গল্পের প্রারম্ভে কাদম্বরী-কথারূপে লিখিত আছে যে জ্যোতিষ্প্রভ (তারাপীড়)-মহিষী গর্ভাবস্থায় স্বপ্নে দেখেন তাঁহার মুখে চন্দ্রমা প্রবিষ্ট হইতেছেন, এবং তজ্জগাই নবজাত কুমারের নাম সোমপ্রভ (চন্দ্রাপীড়)

রাখা হয়। কথাসরিৎসাগরের গল্পের কোনও অংশে এই অলৌকিক ঘটনার আর কোনও উল্লেখ বা হেতুপ্রদর্শন কিছুই নাই। বাণপুত্র সেই ঘটনাটির উপর নির্ভর করিয়া, চন্দ্রও পুণ্ডরীকের পরস্পর অভিষাপ এবং তন্মূলক নানা বিচিত্র ঘটনার সমাবেশ করিয়াছেন, বাহার কিছুমাত্র উল্লেখও কথা সরিৎসাগরে নাই। বস্তুতঃ বাণপুত্র শেষাংশে কথা সরিৎসাগরের অবলম্বন না করিয়া যে ভালই করিয়াছেন, তাহা, যিনিই উভয় প্রস্তাব পাঠ করিবেন, তিনিই অনায়াসে বুঝিতে পারিবেন। পুত্র মাত্র পিতার গল্পটির দিকে দৃষ্টি রাখিয়া, নিজের কল্পনার আশ্রয়ে, যতদূর সঙ্গতি সহকারে পারেন, গল্পটির উপসংহারে মনোনিবেশ করিয়াছিলেন।

প্রবন্ধ অতিদীর্ঘ হইয়া পড়িল। সহৃদয় পাঠকবৃন্দ দেখিলেন, বাণভট্টের কাদম্বরীকথার, ঐ কথাসরিৎসাগরস্থ গল্পটিই প্রধান উপাদান। কিন্তু যে উপাদান প্রভাবে কাদম্বরী সংস্কৃতজ্ঞ ব্যক্তি-বৃন্দেরই আদরণীয়া ও মনোমুগ্ধকরী, এবং কথাসরিৎসাগর হইতে হৃদয়গুণে অধিকতর প্রসিদ্ধা, তাহা কেবল কবির স্বকীয় প্রতিভা। সেই প্রতিভা বলে বাণভট্ট যতদিন সংস্কৃত ভাষা জগতে বর্তমান থাকিবে ততদিন অমর হইয়া গড় কবিকুলের চূড়ামণি রূপে অবস্থান করিবেন। * [সারস্বতপত্র ১২ই বৈশাখ ১২৯৯]

* পাশ্চাত্য মতানুযায়ী প্রত্নতত্ত্ববিদবিষয়সমাজের এই মত যে কথাসরিৎসাগর কাদম্বরীর অনেক পরে সংকলিত হইরাছে। তবে যে কথাসরিৎসাগরস্থ গল্পটি ও কাদম্বরী

পূর্ণানন্দ গিরি ও কাষাখ্যা মহাপীঠ।



ইদানীং আসাম বেঙ্গল রেলওয়ে এবং গোয়ালন্দ ডাক-জাহাজ প্রভৃতির কল্যাণে আসাম প্রদেশে যাতায়াত অতিশয় সহজসাধ্য হইয়া উঠিয়াছে। মধ্যে যখন মাত্র মাল জাহাজ ব্রহ্মপুত্র উজাইয়া আসিত, তখনও আসাম আসা পূর্বাপেক্ষা কিছুটা সুগম হইয়া পড়িয়াছিল। কিন্তু ইহার পূর্বের যখন জলপথে নৌকা এবং স্থলপথে পর্বতভেদী রাস্তা মাত্র গতা-য়াতের উপায় ছিল তখন আসামে ভিন্নস্থানের লোক আসিতে চাহিত না। যাহারা আসিত তাহারা নিতান্ত দায়ে পড়িয়াই আসিত; দেশে অনুপায় না হইলে কেহ এখানে আসিত না। একবার আসিলে পথক্লেশ স্মরণ করিয়া এবং স্বদেশের অসচ্ছলতা ইত্যাদি ভাবিয়া সহজে বড় কেহ ফিরিয়া যাইতে

কথার এত ঘনিষ্ঠ সৌসাদৃশ্য, তাহার কারণ এই যে বৃহৎকথা অবশ্য কাদম্বরীর পুত্রই প্রণীত হইয়াছিল, এবং সেই বৃহৎকথারই সংক্ষিপ্ত সার কথাসরিৎসাগর। যাহা হউক, “আত্মা বৈ জায়তে পুত্রঃ” এই শ্রুতানুসারে, সূরিৎসাগর, বৃহতের সংক্ষিপ্তসার হেতুতে পুত্র। পিতার অবর্তমানে, পিতৃধনে পুত্রেরই অধিকার, এই শ্রুতানুসারে, বৃহৎকথা চিরবিদ্যুৎ হওয়াতে কাদম্বরীকথোপাদানস্বমূলকবিশোধনের অধিকারী কথাসরিৎসাগর, কি না, এবং “ভূতে পশুস্তি বর্করঃ” এতৎ প্রবচনানুসারে, যে বৃহৎকথা বিনষ্ট হইয়া ভূতরূপে প্রাপ্ত হইয়াছে, তাহার কথা বারংবার উল্লেখ করতঃ তৎপ্রতি দৃষ্টিপাত করা বর্কররূপ মাত্ৰ কি না, তাহা সুধীগণের বিভাব্য। বোধ হয় তন্নিমিত্তই প্রবন্ধকার বৃহৎকথার কথা না বর্ণিত, বারংবার কথাসরিৎসাগরের কথাই বলিয়াছেন। ইতি কল্পচিং কাদম্বরী প্রসঙ্গ সমাপ্ত।

গ্রাহিত না এইখানেই বিবাহাদি করিয়া সংসারযাত্রা নির্বাহ করিত। এই নিমিত্তই বোধ হয় প্রবাদ হইয়াছিল, “আসামে আসিলে ভেড়া বন্দিয়া যায়।”

যখন অবস্থা এই ছিল, তখন ভাল লোক আসামে আসিয়া দ্বিরিয়া গিয়া যে আসামের প্রকৃত বিবরণ প্রকাশ করিবে তাহার সম্ভাবনাও কম ছিল। সুতরাং আসামের ইতিহাস কেহ বড় জানিত না। না জানাটা বড় একটা যে ক্ষতির বিষয় ইহাও কেহ মনে করিত না। ফল কথা আসাম ও ইহার ইতিবৃত্ত বিষয়ে বঙ্গদেশে একটা ঔদাস্ত-অবহেলার ভাবই পরিলক্ষিত হইত।

তখন মা কামাখ্যাই আসামকে বহির্জগতের সঙ্গে কিছুটা ঘড়াইয়া রাখিয়াছিলেন। বাঙ্গালীজাতি চিরকালই তীর্থপর্যটনের নিমিত্ত বিখ্যাত। গয়া, কাশী, হরিদ্বার কুন্দাবন বা শ্রীক্ষেত্র যেখানেই যাও না কেন, যাত্রিকের ভূরিভাগ বাঙ্গালী দেখিতে পাইবে। কামাখ্যা দর্শনের নিমিত্ত সুতরাং বাঙ্গালাদেশীয় নর-নারী বহু ক্লেশ স্বীকার করিয়াও কামরূপে আসিত। কিন্তু যাহারা ধর্ম্মার্থে আসিত, তাহাদের মধ্যে কদাচিৎ প্রাচীন তত্ত্বের অনুসন্ধানলোলুপ লোক দেখা যাইত। কামাখ্যার মন্দির কে যখন নিৰ্ম্মাণ করাইয়া দেন, কামাখ্যার সেবাপূজার বিধিব্যবস্থা কে করিয়া দিয়াছেন, ইহারও কেহ খবর লইত কিনা সন্দেহ, কামাখ্যা হাপীঠের আবিষ্কার কিরূপে হইল, তাহা ত দূরের কথা।

বঙ্গদেশের জনগণमध्ये বোধ হয় সাধকপ্রবর মহাত্মা পূর্ণানন্দ গিরিই সর্ব্ব প্রথম কামাখ্যা তীর্থ দর্শন করিতে আসেন ;

অথবা বোধ হয় তিনিই সর্ব প্রথম বঙ্গীয় জনসমাজে এই মহাপীঠের মাহাত্ম্য প্রচার করেন। তাই সাধারণ লোকের মধ্যে একটা ধারণা জন্মিয়া গিয়াছিল যে পূর্ণানন্দ গিরিই এই মহাপীঠের আবিষ্কর্তা এবং সেই ধারণা আজিও কোন কোন স্থানে অব্যাহত রহিয়াছে।

মহাত্মা পূর্ণানন্দ বঙ্গদেশের গৌরবাস্পদ। তিনি কামাখ্যা পীঠের আবিষ্কারক এই ধারণাই যে তাঁহাকে গৌরবের আসনে বসাইয়াছে তাহা নহে। তিনি শক্তিসাধনায় সিদ্ধি-লাভ করিয়া স্বয়ং ধন্য হইয়াছেন এবং তাঁহার উদ্ধর্তন ও অধস্তন পুরুষদিগকে উদ্ধার করিয়া গিয়াছেন। “পূর্ণানন্দ বংশীয়” বলিয়া আজিও তদীয় বংশধরগণ স্বীয় সমাজে আপামর সাধারণের নিকট অশেষ সম্মান লাভ করিতেছেন। এতদ্ব্যতীত তিনি বহু ধর্মগ্রন্থ প্রণয়ন করিয়া তুঙ্গপিপাসু ব্যক্তিগণের অশেষ উপকার সাধন করিয়া গিয়াছেন। তজ্জন্ম তাঁহার নাম শাক্ত হিন্দুসমাজে আবহমান কাল কৃতজ্ঞতা ও সম্মান সহকারে স্মৃত হইবে। ফলকথা, তিনি কামাখ্যা পীঠের আবিষ্কারক নহেন, ইহা প্রচারিত হইলে তাঁহার গৌরব-মাহাত্ম্যের বিশেষ ক্ষতি হইবার কোনও আশঙ্কা নাই।

বহুদিন হইল “আরতি” পত্রিকায় * “পূর্ণানন্দ পরমহংস” শীর্ষক একটি প্রবন্ধ প্রকাশিত হইয়াছিল। ইহার লেখক মহাশয় সাধারণ ধারণার বশবর্তী হইয়া তাঁহাকে কামাখ্যা পীঠের উদ্ধারকারী বলিয়া নির্দেশ করিয়াছেন। এই বিষয়ে উক্ত

* আরতি, ভাদ্র ও আশ্বিন, ১৩০৯।

প্রবন্ধে কোনও প্রমাণ প্রয়োগ দৃষ্ট হয় নাই। যাহা হউক এই ধারণার মূলে যে যথার্থ্য নাই, ইহা, এবং মহাপীঠের আবিষ্কার দৃষ্টান্তে আসাম প্রদেশের ইতিহাসে কি কি কথা বর্ণিত আছে ইহা, এবং পীঠ-সম্বন্ধীয় অবশ্য জ্ঞাতব্য অপর দুই একটি বিষয় বলিবার নিমিত্তই এই প্রবন্ধের অবতারণা।

কোচবিহার রাজ্যের অধিপতিগণ শিববংশীয় বলিয়া প্রসিদ্ধ। কথিত আছে যে কোচ-রমণীর গর্ভে মহাদেবের ঔরসে বিশু ও শিশু নামে দুইটি বালক জন্মে। ইহারা বয়ঃপ্রাপ্ত হইয়া বাহু-ঘল-জন্মস্থানের আধিপত্য লাভ করিয়া “বিশুসিংহ” ও “শিবসিংহ” এই নাম ধারণ পূর্বক ক্রমশঃ রাজ্যের বিস্তার করিতে করিতে সমগ্র কামরূপ প্রদেশের অধীশ্বর হইয়া উঠিয়া-ছিল। সেই সময়ে কামরূপ করতোয়া নদ্য পর্য্যন্ত বিস্তৃত ছিল; ক্রমক্রমে পূর্ববাংশ হইতে পশ্চিমাংশ বিচ্ছিন্ন হওয়ায় বিশুসিংহের অধঃগণের রাজত্ব কোচবিহারে সীমাবদ্ধ হইয়া যায় এবং কামরূপ ও বর্ত্তমান সংকুচিতাকার প্রাপ্ত হইয়াছে।

মহাদেবের ঔরসজাত কোচবিহার রাজবংশের আদিপুরুষ এই বিশুসিংহ মহারাজই কামাখ্যা মহাপীঠ আবিষ্কার করেন। এই বিষয় রায় গুণাভিরাম বরুয়া বাহাদুর কৃত “আসাম বুয়জি” (ইতিহাস) গ্রন্থে † আসামী ভাষায় যাহা লিখিত হইয়াছে, ইহার অবিকল বাঙ্গালা অনুবাদ নিম্নে প্রদত্ত হইল।

“বিশুসিংহ রাজা হইয়া প্রবল প্রতাপে রাজ্য পালন করিতে

লাগিলেন। কমতাপুর নগর লওয়াতে এবং অন্যান্য মেছ ও কোচজাতীয় ক্ষুদ্র ক্ষুদ্র রাজাদিগকে পরাস্ত করাতে তাঁহার অনেক শত্রু হইল। সেইগুলিকে ক্রমশঃ দমন করিয়া রাজা ও তাঁহার ভ্রাতা উভয়েই উজাইয়া গোঁহাটির দিকে আসিলেন। এক দিন দুই ভাই নীলাচল পর্বতে গেলেন। সম্প্রতি যেমন এই পর্বত বহুজনাকীর্ণ স্থান হইয়াছে, তখন তেমনটি ছিল না। অতি সামান্য মেছ বা কোচকুলের কয়েক জন মানুষ মাত্র সেখানে ছিল। বিশ্বসিংহ ও শিবসিংহ দুই ভ্রাতা সঙ্গের লোকজন হারাইয়া সেই মেছ বসতিতে গিয়া কোনও পুরুষ মানুষের সাক্ষাৎ পাইলেন না। কেবল একজন বৃদ্ধার দেখা পাইলেন। ঐ স্ত্রীলোকটি একটা বট গাছের ছায়ায় বিশ্রাম করিতেছিল। সেই স্থলে একটা মাটির টিবি ছিল। অতিশয় পিপাসাতে রাজা ঐ বৃদ্ধার কাছে হইতে শুশ্রূষা পাইলেন। গাছের নীচের মাটির টিবি সম্বন্ধে জিজ্ঞাসা করাতে, বৃদ্ধা উহা তাহাদের দেবতা বলিয়া কহিল। রাজা সঙ্গীয় লোকজন সত্বর পাইবার জন্য সেই স্থলে প্রার্থনা করার অল্প পরেই উহারা আসিয়া সকলেই উপস্থিত হইল। এই প্রকারে সেই দেবতার মাহাত্ম্য জানিয়া রাজা সমস্ত বৃত্তান্ত জিজ্ঞাসা করাতে, উহাতে পূজা করিতে হইলে শূকর ও কুক্কট কাটিয়া রলি দিতে হয় এবং উপচাররূপে স্ত্রীলোকের পরিষ্কৃত বস্ত্রাঙ্গকার দিতে হয় শুনিয়া, উহা শক্তি-পীঠ বা শক্তির স্থান জানে তিনি এই সংকল্প করিলেন যে যদি তাঁহার দেশ স্থিতির হয় এবং রাজ্য নিষ্কণ্টক হয় তাহা হইলে সোণার মন্দির

নিৰ্ম্মাণ করাইয়া দিবেন। রাজা আপন দেশে ফিরিয়া আসার পর ক্রমশঃ দেশ স্থিতির হইল। তিনি সমস্ত পণ্ডিতকে আহ্বান করিয়া আনিয়া সেই দেবতা স্থানের বিষয় অনুসন্ধান করাতে ঐ কামাখ্যার পীঠস্থান বলিয়া জানিলেন। পূৰ্ব্ব প্রতিজ্ঞা পালন করিবার নিমিত্ত, রাজা সেই গাছটি কাটাতে তাহার নিম্নে কামাখ্যার পীঠ বাহির হইল। এইরূপে যোগিনীতন্ত্র এবং অগ্ন্যগ্ন্য পূরণ দেখিয়া রাজা তত্রস্থিত প্রায় সকল পীঠই বাহির করিলেন। কামাখ্যা মন্দিরের তলের ভাগটাও মাটির নীচ হইতে বাহির হইল। রাজা সেই তলের খণ্ডের উপরেই মন্দির করিয়া দিলেন এবং সোণার মন্দিরের পরিবর্তে প্রতি ইঞ্চিকথণ্ডে একরতি করিয়া সোণা দিলেন।”

এই বৃত্তান্তটি কে তাহা বুরঞ্জিতে উক্ত হয় নাই। বুধ বা জগন্নাথ, সদাশিবের ঔরসজাত পুণ্যশ্লোক মহারাজ বিশ্বসিংহই তদীয় মহাপীঠের আবিষ্কারক হইবার যোগ্যপাত্র মনে করিয়া, করুণা করিয়া স্বয়ং এই জরতীবেশে আপন পীঠের প্রকটনের উপায় নির্দেশ করিয়া দিলেন।

বুরঞ্জিতে সমস্ত পণ্ডিত আহ্বানের বিষয় উল্লেখ আছে। এই পণ্ডিতমণ্ডলীতে কি পূর্ণানন্দ ছিলেন? ইহাও অসম্ভব। মহারাজ বিশ্বসিংহ ১৪৫০ শকাব্দে অর্থাৎ ১৫২৮ খৃষ্টাব্দে স্বর্গগামী হন। ইহা বুরঞ্জিলেখক গুণাভিরাম বাহাদুরের মত। কেহ কেহ এই ঘটনা ১৫৩৪ খৃষ্টাব্দে হয় বলিয়াও নির্দেশ করিয়াছেন।* তর্কের

* এই বিষয়ের বিচার-বিতর্ক Mr. Gait's Koch Kings of Kamarupa

খাতিরে বিশ্বসিংহের মৃত্যুর তারিখ ১৫৩৪ খৃষ্টাব্দই ধরিয়া
 নির্লাম। তাঁহার রাজত্বকাল ২৫ বৎসর বলিয়া কথিত আছে।
 তাহা হইলে ১৫৩৪ খৃঃ মৃত্যুর তারিখ ধরিলে সিংহাসনাধিরোহণ
 কাল ১৫০৯ খৃঃ হয়। বুরঞ্জির উদ্ধৃতাংশ পাঠ করিলে দেখা
 যাইবে যে রাজার নীলাচল গমন ব্যাপার হইতে পণ্ডিতআহ্বান
 করিয়া পীঠস্থান নিরূপণ পর্য্যন্ত ঘটনাগুলি তাঁহার রাজত্বের
 প্রথমার্শেই হইবার সম্ভাবনা। যাহা হউক ঐ পণ্ডিতআহ্বান
 কার্য তদীয় রাজত্বকালের মাঝামাঝি সময়ে হইয়াছিল ধরিলে
 ও তাঁহার তারিখ ১৫২০ খৃষ্টাব্দ নির্দেশ করিলে বোধ করি
 কোনও রূপ অসঙ্গতি হইবে না।

তখন পূর্ণানন্দ কি করিতেছিলেন, দেখা যাউক। আরতির
 উল্লেখিত প্রবন্ধে দেখিতেছি যে শকাব্দ ১৪৪৮ সালের চৈত্র
 মাসে অর্থাৎ ১৫২৭ খৃষ্টাব্দে পূর্ণানন্দ জগদানন্দ শর্ম্মা রূপে
 বিষ্ণুপুরাণের এক প্রতিলিপি সমাপ্ত করিয়াছিলেন। সুতরাং
 তাহার তখন পাঠ্যাবস্থা মাত্র। তবে পূর্ণানন্দ কোন সালে
 কামাখ্যা আসিয়া ছিলেন, তাহার একটা আনুমানিক সময়
 নির্দ্ধারণ করা যাউক। পূর্ণানন্দ যখন বিষ্ণুপুরাণ নকল করেন
 (১৫২৭) তাহার কিছুকাল পরে কালীবিজ্ঞা বিষয়ে সাধনা আরম্ভ
 করেন ; তৎপর তাহাতে সিদ্ধিলাভ করিয়া স্বীয় গুরু ব্রহ্মানন্দের
 উত্তরস্বীকর্তা করেন। ব্রহ্মানন্দ সাধনাবস্থায় শবসহ অন্তর্হিত

নামক প্রবন্ধে দৃষ্ট হইবে। Vide Journal of the Asiatic Society of
 Bengal, Vol. LXII, Part I, No. 4, 1893.

হইয়া মণিপুৰে গিয়া এক চণ্ডাল রমণীর পাণিগ্রহণ করিয়া স্বচ্ছন্দে সংসারযাত্রা নির্বাহ করেন। পূর্ণানন্দ সুদীৰ্ঘকাল দেশে দেশে ভ্রমণ পূর্বক অনুসন্ধানের পর তাহাকে মণিপুৰে তদবস্থায় প্রাপ্ত হন। তৎপরে তাঁহাকে প্রতিবোধিত করিয়া গুরুশিষ্যে মিলিয়া কামাখ্যা পীঠে আসিয়া ইহার উদ্ধার সাধন করেন। উপরি উল্লেখিত প্রবন্ধে পূর্ণানন্দের উক্তরূপ কাহিনী দেওয়া হইয়াছে কিন্তু কোন্ সালে কি করিয়াছেন এইরূপ কোনও সময় নির্দেশ করা হয় নাই। সিদ্ধাবস্থায় পূর্ণানন্দ যে সকল গ্রন্থ লিখেন তাহাদের ধারাবাহিক উল্লেখ কালে প্রবন্ধ লেখক মহাশয় “শান্তক্রমে”র নাম সর্ববাঞ্চে উল্লেখ করিয়াছেন। উহার প্রণয়নের তারিখ ১৪৯৩ (কালাক্ষ বেদেন্দু) শকাব্দা বা ১৫৭১ খৃষ্টাব্দ। উহা অবশ্যই পূর্ণানন্দ গুরুর অন্বেষণ ব্যাপারাদি সমাপন পূর্বক নিশ্চিন্ত ভাবে বসিয়া রচনা করিয়াছিলেন, অর্থাৎ কামাখ্যা হইতে প্রত্যাবর্তনের কিছুকাল পরেই এই গ্রন্থ রচিত হয়, ইহা মনে করা অসঙ্গত নয়। সুতরাং এই প্রথম গ্রন্থ রচনার ৫ বৎসর পূর্বে পূর্ণানন্দ ও ব্রজানন্দ কামাখ্যা পীঠে আসিয়াছিলেন বলিলে অগ্ৰায় হয় না। তাহা হইলে উহা ১৫৬৬ খৃষ্টাব্দের ঘটনা, অর্থাৎ যখন তিনি জগদানন্দরূপে বিষ্ণুপুরাণ নকল করেন, তাহার প্রায় ৪০ বৎসর পরের ঘটনা হইয়া দাঁড়ায়। এই ৪০ বৎসর সময় এতগুলি কঠিন ও কালসাপেক্ষ কার্যে ব্যয়িত হইয়াছিল মনে করা বোধ করি অগ্ৰায় হইবে না। বাহা হউক, ১৫৬৬ খৃষ্টাব্দে যদি পূর্ণানন্দ ও ব্রজানন্দ কামাখ্যা ধামে

আসিয়া থাকেন তবে তাঁহার কি দেখিয়া গিয়াছিলেন ? রাজা বিশ্বসিংহ যে মন্দির নির্মাণ করিয়া গিয়াছিলেন, তাহা ১৫৫৩ খৃষ্টাব্দে প্রসিদ্ধ কালাপাহাড় কর্তৃক বিধ্বস্ত হয়। তখন বিশ্বসিংহের পুত্র মহারাজ নরনারায়ণ কামরূপ প্রদেশের সিংহাসনাধিষ্ঠিত ছিলেন। তিনি ভগ্নমন্দিরের পুনঃ সংস্কার করিয়াছিলেন। ১৫৫৫ খৃষ্টাব্দে সংস্কার কার্য আরম্ভ হইয়া ১৫৫৬ খৃষ্টাব্দে (১৪৮৭ শকাব্দে) এই মন্দিরের প্রতিষ্ঠা হয়। অত্য়াপি নরনারায়ণের কীর্তিখ্যাপক একটা প্রস্তর-ফলক কামাখ্যা মন্দিরের দ্বারদেশে বিদ্যমান রহিয়াছে। মন্দিরভ্যন্তরে মহারাজের ও তদীয় ভ্রাতা সেনাপতি শুরধ্বজের মূর্তিযুগলও তাঁহাদের কীর্তিকাহিনীর সাক্ষ্যদান করিতেছে। ব্রহ্মানন্দ ও পূর্ণানন্দ, এই নূতন মন্দির প্রতিষ্ঠিত হইয়াছে, ইহাও বোধ হয় দেখিয়া গিয়াছিলেন।

তবে, এই আবিষ্কারের কথাটা রচিত হইল কেন ? ইহার উত্তর এই প্রবন্ধের প্রথমাংশেই অনুমানতঃ প্রদত্ত হইয়াছে—কামাখ্যা মহাপীঠে সাধন ভজন পূর্বক ইহার প্রামাণ্য সম্বন্ধে বঙ্গীয় সমাজে ঘোষণা সগুরু পূর্ণানন্দ কর্তৃকই হইয়াছিল; তজ্জন্যই বোধ হয় এই প্রবাদ। ইহার একটি নজিরও আছে। এখন সকলেই জানেন কলম্বুস্ সর্বপ্রথম আমেরিকা খণ্ডের আবিষ্কার করেন। কিন্তু তথাপি আমেরিগো বেস্পুসি নামক অপর এক ব্যক্তির নামেই সেই মহাদেশের নামকরণ হইয়া গেল, অর্থাৎ এই ব্যক্তি কলম্বুসের সাত বৎসর পরে আমেরিকার দিকে যাত্রা করিয়াছিলেন। তাঁহার নাম ইইবার করিণ এই ছিল

काशीशान्तिनिर

যে
সব
গি
ক
দে
অ
প
অ
নি
ত
অ
ম
ক
ক
ঠ
ত
অ
ক
ক

যে তিনি তথা হইতে কিরিয়া আসিয়া নবাবিকৃত ভূখণ্ড সম্বন্ধে সর্বপ্রথম প্রবন্ধ রচনা করিয়া ইহার বিষয় সর্বসাধারণের গোচরীভূত করিয়াছিলেন ।

কোচবিহারাধিপতিগণের পূর্বপুরুষদের সঙ্গে প্রথমাবস্থায় কামাখ্যার সম্বন্ধ অতি ঘনিষ্ঠ হইলেও ইদানীন্তন তাঁহাদের সঙ্গে দেবীর বড় একটা সম্পর্ক দেখা যায় না । এমন কি মহাপাঠে আসিয়া সেই বংশের কেহ দর্শনস্পর্শন কি পূজাদিও করিতে পারেন না । এই সম্বন্ধে যেরূপ প্রবাদ আছে, গুণাভিরামকৃত আসামবুরঞ্জি * হইতে অনুবাদক্রমে তাহা উল্লেখিত হইল ।

“কামাখ্যার পূজা চালাইবার জন্য এই রাজা (নরনারায়ণ) নিজ দেশ কোচবিহার হইতে ব্রাহ্মণ আনিয়া স্থাপিত করেন । তাঁহাদের মধ্যে কেন্দুকলাই নামে পূজারি ব্রাহ্মণের কথা সকলেই জানেন । নীলাচলের পূর্বদ্বারমুখে কেন্দুকলাই ঠাকুরের মস্তকহীন মূর্তি আজিও বর্তমান আছে । এখনও নীলাচলে যে কয় ঘর ব্রাহ্মণ আছেন, তাঁহাদের অনেকেই এই ঠাকুরের বংশধর । এমন একটি কথা প্রচারিত হইয়া আছে যে কেন্দুকলাই ঠাকুর যখন সন্ধ্যাকালে দেবীর পূজা করিয়া ঘণ্টা বাজাইতেন তখন দেবী আসিয়া নৃত্য করিতেন । নরনারায়ণ রাজা এই কথা জানিয়া দেবীকে চেতনাবতী দেখিবার নিমিত্ত ইচ্ছা প্রকাশ করিয়া ঠাকুরকে বলিলে, ঠাকুর রাজাকে এই উপদেশ দিলেন যে সন্ধ্যা আরতির সময় যখন তাঁহার ঘণ্টার শব্দ শুনা যাইবে তখন

* ৬২—৬৩ পৃষ্ঠা (৪র্থ সংস্করণ)

রাজা নাটমন্দিরের গবাক্ষদ্বারের ছিদ্রদিয়া তাকাইলে দেবীর দর্শন লাভ করিতে পারিবেন । একদিন কথিত সময়ে সেই ঘণ্টাবাদ্য হওয়ায় রাজা ঐ ছিদ্রদিয়া মন্দিরের ভিতর দৃষ্টিপাত করাতে রাজার চক্ষুতে দেবীর চক্ষু পড়িল । দেবী তাহাতে লজ্জা পাইয়া ক্রুদ্ধ হইয়া কেন্দুকলাই ঠাকুরের মস্তক ছিঁড়িয়া ফেলিলেন এবং রাজাকে এই অভিশাপ দিলেন যে তিনি কিম্বা তাঁহার বংশের কোন লোক দেবী দর্শন করা দূরে থাকুক, নীলাচলপর্বতের দিকে তাকাইতেও পারিবে না, চাহিলে মস্তক ছিন্ন হইয়া যাইবে । তখন হইতে দেবী পূজার সময় প্রকটিত হওয়া ছাড়িলেন এবং শিববংশী কোচবিহার, বিজনী, দরঙ্গ বেলতলা প্রভৃতির রাজারা কি তাঁহাদের পরিবারস্থ কোনও ব্যক্তি নীলাচলের দিকে পার্য্যমাণ দৃষ্টিপাত করেন না ।” *

এই অবস্থায় কোচবিহারাধীশ্বর ভূপ বাহাদুরগণ যে কামাখ্যা মাতার সেবাপূজা বিষয়ে ঔদাসীণ্য প্রদর্শন করিবেন

* রায় গুণাভিরান রক্সা বাহাদুর ব্রাহ্ম ছিলেন । তিনি গল্পটি লিখিয়া তাহার তাৎপর্য্য ব্যাখ্যা যে ভাবে করিয়াছেন, উহা পাঠকের কৌতুকাবহ হইবে বলিয়া তাহারও অনুবাদ দেওয়া হইল :—

“ইহা ফেনোটেই প্রত্যয়ের অযোগ্য ইহা কে না বলিবে ? রাজাকে দেবী দেখাইতে না পারিয়া কেন্দুকলাই ঠাকুর লজ্জা পাইয়া অকস্মাৎ পড়িয়া গেলেন ; এবং অপসার রোগগ্রস্ত হইয়া পড়িয়া থাকাতে রাজা ঠাকুরকে দেখিতে গেলে ঠাকুর অনেকদূরে চৈতন্য লাভ করিয়া, দেবীদর্শনের এই ফল বলিয়া রাজাকে দেবীদর্শন করিতে নিষেধ করিলেন । সেই হইতে রাজা ও রাজার পরিবারস্থ লোকে ঐক্যপ বিপদ আর্দ্র্য করিয়া নীলাচলের দিকে দৃষ্টিপাত করেন না, ছত্রদ্বারা আড়াল করিয়া যান ।” কি চমৎকার ব্যাখ্যা ।।

ইহা বলা বাহুল্য মাত্র । বিশেষতঃ কালক্রমে কামাখ্যাধাম
 তাঁহাদের রাজ্যের সীমার বহির্ভূত হইয়া পড়িল । আসামের
 অধিপতি আহোম জাতীয় ইন্দ্রবংশীয় স্বর্গদেবগণ কর্তৃক এই স্থান
 অধিকৃত হইল । ইহাদের মধ্যে স্বর্গদেব গদাধরসিংহ, রুদ্রসিংহ
 ও শিবসিংহের সময়ে রাজপরিবারে শাক্তধর্মের প্রতি সবিশেষ
 অনুরাগ দেখা গিয়াছিল । কথিত আছে গদাধরসিংহ রাজা
 হইবার পূর্বে তাৎকালিক আহোমরাজ কর্তৃক বিনষ্ট হইবার
 ভয়ে যখন ছদ্মবেশে অরণ্যে পর্বতে ভ্রমণ করিতেছিলেন তখন
 একদা রাজসৈন্যদ্বারা অনুদ্ভূত হইয়া আর্তস্বরে “মা আমায় রক্ষা
 কর” বলিয়া আহ্বান করাতে সন্নিবর্তিত একটা প্রকাণ্ড শিলা
 ঠাৎ ফাটিয়া যায়, এবং তিনি উহার ভিতর প্রবেশ করিয়া সে
 যাত্রা প্রাণ রক্ষা করেন । আরও প্রবাদ আছে যে একদিন
 আহোম রাজার চরগণ কর্তৃক পরিবেষ্টিত হইয়া গদাধর সিংহ
 যখন ধৃতপ্রায় হন, তখন পার্শ্বস্থ বৃক্ষ হইতে সহসা একটি
 শ্যামাঙ্গী স্ত্রীমূর্তি আবির্ভূত হইয়া ঐ বৃক্ষের একটা শাখা
 নোয়াইয়া ধরেন এবং গদাধরকে তদবলম্বনে বৃক্ষের উপর তুলিয়া
 স্বীয় বস্ত্রাভ্যন্তরে লুকায়িত রাখিয়া তাঁহার প্রাণ রক্ষা করিয়া
 ছিলেন । এই অবস্থায় গদাধরসিংহ সিংহাসনাধিষ্ঠিত হইয়া শাক্ত
 ধর্মের প্রতি যে বিশেষ ভাবে অনুরাগী হইবেন, তাহা বলাই
 বাহুল্য । তিনিই আহোম রাজগণের মধ্যে সর্বপ্রথম দেবালয়
 নির্মাণে এবং দেবত্র ব্রহ্মত্র প্রদানে মুক্তহস্ত হন । উমানন্দের
 মন্দির ইহারই কর্তৃক নির্মিত হইয়াছিল ।

এই স্বর্গদেবের স্বর্গারোহণের পর তাঁহার পুত্র রুদ্রসিংহ সিংহাসনে আরোহণ করেন । ইহার ঋয় সর্বগুণ সম্পন্ন রাজা আহোম বংশে অল্পই দেখা গিয়াছে । * রুদ্রসিংহ শক্তিমান দীক্ষা গ্রহণ করিবার নিমিত্ত নদীয়া-শান্তিপুর হইতে কৃষ্ণরাম সার্বভৌম নামক একজন সাধক মহাপুরুষকে স্বরাজ্যে আনয়ন করেন । কথিত আছে জলে নামিয়া স্নান আশ্রিক করিবার সময়ে এক শিল্পীমাতৃ কাঁটা ফুটাইয়া তাঁহার ক্রিয়ার ব্যাঘাত করাতে ব্রাহ্মণের মন্যপ্রভাবে জলাশয়স্থ সমস্ত শিল্পী মরিয়া ভাসিয়া উঠে ; তদবধি উহাকে লোকে “শিল্পীমারা ভট্টাচার্য্য” বলিত । যাহা হউক দৈবগতিকে রুদ্রসিংহের কৃষ্ণরাম হইতে দীক্ষা-গ্রহণ ঘটয়া উঠে নাই, তিনি তৎপূর্বেই স্বর্গগামী হইয়াছিলেন । রুদ্রসিংহও অনেক দেবালয় নিৰ্ম্মাণ এবং দেবত্র ব্রহ্মত্র প্রদান করিয়া গিয়াছেন ।

তৎপুত্র শিবসিংহ সিংহাসনস্থ হইয়াই কৃষ্ণরাম হইতে দীক্ষা-গ্রহণ করেন । এই স্বর্গদেব ধৰ্ম্মানুষ্ঠানে অত্যন্ত নিষ্ঠাবান ছিলেন ; এমনও প্রবাদ আছে যে তিনি ইন্দ্ৰদেবতার সাক্ষাৎকার

* ইহার পিতা গদাধর সিংহ যেমন দেবীর অনুগৃহীত ছিলেন, ইহার জননী জয়মতী তেমন দেবীস্বরূপা ছিলেন । যখন স্বামী গদাধর ছদ্মবেশে নানাস্থানে ভ্রমণ করিতেছিলেন, তখন আহোমরাজ জয়মতীর নিকট হইতে গদাধর কোথায় আছেন এই সংবাদ জানিবার নিমিত্ত, তাঁহাকে অমানুষিক যন্ত্রণা দিয়াছিলেন । সাক্ষী জয়মতী স্বামীর খবর জানিয়াও তাহা প্রকাশ করেন নাই, মাসার্দ্ধকাল ব্যাপী ভীষণ অত্যাচার অগ্নানবদনে সহ্য করিতে করিতে অবশেষে মৃত্যুমুখে পতিত হন । রুদ্রসিংহ পুনঃলোকা মাতৃদেবীর স্মৃতিচিহ্ন স্বরূপ শিষ্যাগরে “জয়সাগর” নামে এক প্রকাণ্ড দীর্ঘিকা খনন করাইয়াছিলেন ।

লাভ করিয়াছিলেন। যাহা হউক তিনি গুরুদেব কৃষ্ণরাম
পার্বভোমকে প্রভূত ব্রহ্মত্রবৃত্তি দিয়া নীলাচলে স্থাপিত করেন।
কৃষ্ণরামের পর্বতে অধিষ্ঠান হেতু তিনি এবং তদীয় বংশধরগণ
“পর্বতীয়া গোসাই” নামে খ্যাতি লাভ করেন। কামাখ্যাতে
এবং কামরূপস্থ অগ্ণ্য দেবালয়ে অল্প পর্য্যন্ত যেরূপ পূজাবিধি
প্রচলিত আছে, এই কৃষ্ণরাম কর্তৃকই তাহা প্রবর্তিত হইয়াছে।
পিতৃপিতামহের পদাঙ্ক অনুসরণ করিয়া এবং স্বকীয় স্বাভাবিক
কর্মপ্রবৃত্তিপ্রণোদিত হইয়া স্বর্গদেব শিবসিংহ কামরূপ প্রদেশের
বহুস্থানে দেবালয় নিৰ্ম্মাণ এবং দেবত্র ব্রহ্মত্র বৃত্তি স্থাপন পূর্বক
প্রভূত পুণ্য সঞ্চয় করিয়া ও চিরস্মরণীয় কীর্ত্তি রাখিয়া গিয়াছেন।
এই পর্য্যন্ত আসামে যত তান্ত্রশাসন পাওয়া গিয়াছে তাহার
অধিকাংশেই এই ধার্মিক মহারাজের নাম উৎকীর্ণ রহিয়াছে।

ইহারা ব্যতীতও অগ্ণ্য আহোমরাজ কামরূপস্থিত দেবতা
এবং ব্রাহ্মণের সংরক্ষণ ও পরিপোষণ নিমিত্ত অল্প-বিস্তর বিত্ত-
বিষয় সম্প্রদান করিয়া গিয়াছেন, বাল্ল্যভয়ে তাঁহাদের উল্লেখ করা
হইল না। ফল কথা কামাখ্যা মহাপীঠ কোচবিহারাদি পতিগণের
দ্বারা প্রথমতঃ আবিষ্কৃত এবং সেবিত হইলেও, অবশেষে ইহারা
ঐদাসীন্দ্ৰ প্রদর্শন করিলে আহোমবংশীয় রাজগণই ক্রমশঃ এই
পীঠের সেবা-পূজার ভার গ্রহণ করেন এবং বর্তমানে কামাখ্যা মহা-
পীঠে, অথবা দেবতাক্ষেত্র কামরূপের নানাস্থানে সংস্থিত অগ্ণ্য
দেবালয়ে সেবাপূজার যে বন্দোবস্ত বা বিধিবিধান দেখা যায়,
গাও এই আহোমবংশীয় স্বর্গদেবগণ কর্তৃকই প্রবর্তিত হইয়াছে।
আরতি, বৈশাখ ১৩১৪

ফকির শাহ জলাল ।


(১) সময় নিরূপণ

কি হিন্দু কি মোসলমান কি অপর ধর্মাবলম্বী যে কোনও ব্যক্তিই শ্রীহট্টে নূতনকল্পে আসুন না কেন, তাঁহাকে একবার শাহ জলালের দরগায় যাইতে হয় । মোসলমান যান, সুপ্রসিদ্ধ ফকির শাহ জলালের পবিত্র সমাধিক্ষেত্রে জিয়ারত করিয়া পুণ্য অর্জন করিবার নিমিত্ত । হিন্দু যান, শ্রীহট্টের প্রাচীনতম ও প্রসিদ্ধতম মসজিদ * নিরীক্ষণ করিবার নিমিত্ত ; বিশেষতঃ যে কোনও ধর্মেরই আরাধ্য দেবতার অথবা সিদ্ধ মহাপুরুষের প্রতি শ্রদ্ধাশীল হওয়া হিন্দুর রীতি ; মহাত্মা শাহ জলালের প্রতি সম্মান প্রদর্শনের নিমিত্তও স্মরণ্য অনেকে গিয়া থাকেন । ইংরেজ প্রভৃতি অন্য ধর্মাবলম্বী ব্যক্তিগণও প্রাচীন কীর্তির নিদর্শন স্বরূপ এই মসজিদ দেখিবার জন্ত এবং দরগা ও তৎপার্শ্ববর্তী স্থানের সুরম্য প্রাকৃতিক দৃশ্য সন্দর্শন করিবার জন্ত গিয়া থাকেন । যখন ইংরেজ শাসনের প্রথম প্রবর্তন, তখন যাহারা এই জিলার শাসনকর্তা নিযুক্ত হইয়া আসিতেন তাঁহা-
দিগকে এই দরগায় গিয়া অভিষিক্ত হইতে হইত । ১৭৭৬

* "The principal mosque in the district is that known as Shah Jalal's Darga in the Sylhet town." Hunter's Statistical Accounts of Assam vol. ii., page 283.



মাহজনা'লের ধরগা



সালে মিঃ লিগুসে নামক একজন সাহেব ত্রীহুটে রেসিডেন্ট (কালেক্টর) হইয়া আইসেন; তিনি স্বীয় অভিষেক ব্যাপার এইরূপ বর্ণনা করিয়াছেন :—

I was now told that it was customary for the new resident to pay his respects to the tutelar saint Shah Jalal. Pilgrims of the Islam faith flock to this shrine from every part of India and I afterwards found that the fanatics attending the tomb were not a little dangerous. It was not my business to combat religious prejudices and I therefore went in state as others had done before me. I left my shoes on the thresh-hold and deposited on the tomb 5 gold mohars as an offering. Being thus purified I returned to my dwelling place and received the homage of my subjects.

কথিত আছে যে সমাধিক্ষেত্রে যাইবার পূর্ব সাহেবেরা দরগার পুষ্করিণীতে নিয়ম মত স্নান করিয়া যাইতেন।

শাহ জলালের দরগার চিত্রময় প্রতিকল্প পাঠকবর্গের গোচরীভূত করা হইল।* কিন্তু সেইস্থানে না গেলে উহার

* মুসলিমদের উত্তর দিকে যে বৃক্ষরাজি দেখা যায় ইহারই অন্তরালে মহান্বা শাহ জলালের ইষ্টকময় কবর বর্তমান। চারিটি স্তম্ভে সংবদ্ধ এক চল্লীতপ মাত্র দ্বারা এই কবর আচ্ছাদিত। উন্মুক্ত আকাশের আধরক এখানে আর কিছুই নাই।

চতুঃপার্শ্বস্থ প্রাকৃতিক দৃশ্যের সৌন্দর্য্য ও গান্ধীর্ঘ্য কখনই অনুভূত হইতে পারে না। শ্রীহট্টভূমি প্রকৃতিদেবীর লীলানিকেতন বলিয়া চিরপ্রসিদ্ধ তন্মধ্যে যে স্থানে এই দরগা অবস্থিত সেই স্থানের প্রাকৃতিক শোভা অতুলনীয় স্মৃতরাং অবর্ণনীয়। নিতান্ত চিন্তাভারে প্রপীড়িত কিন্না দুঃখযন্ত্রণায় অবসন্ন হৃদয় লইয়াও যদি ঐ পরম রমণীয় স্থানে গমন করা যায়, তবে স্থানমাহাত্ম্যেই যেন ক্ষণকালের নিমিত্ত হৃদয় হইতে সমস্ত ভার অপসৃত হইয়া যায় এবং তৎপরিবর্তে শান্তিরস আসিয়া মনঃপ্রাণ অধিকার করে।

ফকির শাহ জলাল দ্বারা শ্রীহট্টভূমি গৌরবান্বিত হইয়াছে। মোসলমানগণ মহাপুরুষদিগের সমাধিক্ষেত্রে আসিয়া উপাসনা করিয়া থাকেন। ধর্ম্ম প্রবর্তক হজরত মোহাম্মদের মদিনাস্থিত পবিত্র সমাধিস্থল অবশ্যই সর্ব্বোপরি বরণীয়। তৎপর বাগ্‌দাদ নগরীস্থ বড় পীর শাহ আব্দুল কাদের জিলানীর সমাধি ভূমি, আজমীরের খাজেমৈন উদ্দীন চিষ্টির কবর স্থান এবং শ্রীহট্টস্থ ফকির শাহ জলাল মজঃরদের † সমাধিক্ষেত্র পবিত্র বলিয়া গণ্য হইয়াছে। স্মৃতরাং সমগ্র মোসলমান সমাজের নিকট শ্রীহট্ট তীর্থস্থানরূপে পরিগণিত হইয়াছে। ‡

† তাৎকালিক মোসলমান জগতে অনেক শাহ জলাল ছিলেন তন্মধ্যে এই মহাত্মাই সর্ব্বোপেক্ষা অধিক প্রসিদ্ধ ছিলেন। অন্ত্যান্ত শাহ জলাল হইতে বিশিষ্ট করিবার জন্ত ইহাকে “মজঃরদ” অর্থাৎ চিরকুমার উপাধি দেওয়া হয়। এই মহাপুরুষ জীবনে কখনও নারীমুখ সন্দর্শন করেন নাই।

‡ দিল্লীর শেষ সম্রাট মোহাম্মদ শাহের পুত্র ফিরোজ শাহ ফকির শাহ জলালের সমাধিস্থান দর্শনার্থ ১৮৫০ খ্রিষ্টাব্দে শ্রীহটে আগমন করিয়াছিলেন।

ঈদৃশ মহাত্মার পবিত্র কাহিনী জানিতে কাহার না অভিলাষ হয়? এ বিষয়ে এই পর্য্যন্ত কিরূপ আলোচনা হইয়াছে সর্বত্র তাহাই বলা যাইতেছে। সুপ্রসিদ্ধ প্রত্নতত্ত্ববিদ ডাক্তার রাজেন্দ্রলাল মিত্র ইহার সম্বন্ধে লিখিয়াছেন * :—

“The prince (Raja Gaur Gobinda *alias* Gobinda Sinha) was overthrown by Shah Jalal *alias* Jalaluddin Khany, who following the footsteps of his predecessor Maluk Yazbeg led his army to the eastern parts of Bengal, invaded Sylhet in 1257 A. D., and brought some of the petty independent Rajas under his control. His success however was short-lived, for he was suddenly called back to defend Gaur from the invasion of Irsilan Khan and soon after killed in battle.”

ডাক্তার রাজেন্দ্রলাল মিত্রের প্রতি সর্বসাধারণের প্রগাঢ় কৃতজ্ঞতা আছে জানি। কিন্তু উপরি উদ্ধৃত মন্তব্য পাঠ

* Proceedings of the Asiatic Society of Bengal for August,

1880.

[অজ্ঞ প্রায় ৩০ বৎসর হইল দক্ষিণ গ্রীহটে ভাটেরা নামক স্থানে দুইখানি ভাস্কর্য্য দেখা যায়। উহা বঙ্গদেশীয় এশিয়াটিক সোসাইটিতে প্রেরিত হইলে ডাক্তার রাজেন্দ্রলাল মিত্র উহার পাঠ উদ্ধার করেন। একটি শাসনে “গোবিন্দ” এই নাম দেখিয়া ডাঃ

করিলে তদীয় গবেষণার গভীরতা বিষয়ে সন্দেহ আসে
এবং তাঁহার প্রতি ভক্তি বিশ্বাসের হ্রাসতা জন্মে । তিনি শুনিয়া-
ছিলেন শাহ জলাল শ্রীহট্টের রাজা গোড় গোবিন্দকে পরাভূত
করেন । এখন এই শাহ জলাল কে, তাহা বাহির করিতে
হইবে । একটা রাজাকে যখন পরাস্ত করিয়াছেন তখন তিনি
অবশ্যই একজন বীরপুরুষ হইবেন । বঙ্গীয় ইতিহাসের পত্রো-
দঘাটন করিয়া “জালাল উদ্দিন খানি” নামক এক দিগ্বিজয়ীর
বৃত্তান্ত দেখা গেল । যখন শাহ জলালেও “জলাল” আছে এবং
জালাল উদ্দীনেও “জলাল” আছে তখন দুই এক না হইয়া যায়
না । অতএব স্থির হইল ১২৫৭ খৃষ্টাব্দে শাহ জলাল ওরফে
জালাল উদ্দীন খানি শ্রীহট্ট আক্রমণ করিয়া কতিপয় ক্ষুদ্র স্বাধীন
ভূমিপতিককে পরাভূত করেন কিন্তু হঠাৎ ইরসিলান খাঁর আক্রমণ
হইতে গোড় ভূমি রক্ষা করিতে গিয়া সেখানেই যুদ্ধে নিহত হন ।

ডাক্তার মিত্র যদি অনুগ্রহ করিয়া তাত্ত্বিকশাসন প্রেরয়িতা
শ্রীহট্টের তদানীন্তন ডেপুটি কমিশনার শ্রীযুক্ত লটমেন জনসন
সাহেবকেই শাহ জলাল সম্বন্ধে জ্ঞাতব্য বিষয় বিজ্ঞাপনের জন্ত
লিখিতেন তবে জানিতে পারিতেন যে, শাহ জলাল শান্ত দাস্ত
ফকির ছিলেন, নরশোণিতপিপাসু কোনও দুর্দান্ত বীরপুরুষ
ছিলেন না এবং তাঁহার সমাধিক্ষেত্র শ্রীহট্ট সহরেই বিরাজমান ;
অতএব গোড় ভূমিতে গিয়া যুদ্ধে নিহত হইবার কথা তৎসম্বন্ধে

মিত্র উহাকেই শ্রীহট্টের রাজা গোড় গোবিন্দ বলিয়া মনে করেন এবং তদুপলক্ষে এতদুদ্ভূত
সম্ভব্য লিপিবদ্ধ করেন ।]

অসম্ভাবিত। তিনি তদীয় ভ্রাতৃ ধারণার বশবর্তী হইয়া শাহ জলানের যে তারিখ (১২৫৭ খৃঃ) নির্দেশ করিয়াছেন তাহা, মূতরাং অশ্রদ্ধেয়।*

ডাক্তার W. W. Hunter সঙ্কলিত Statistical Accounts of Assam Vol. ii গ্রন্থে, History and Statistics of the Dacca Division—Sylhet section, ২৯১ পৃষ্ঠা হইতে নিম্নলিখিত পংক্তি নিচয় উদ্ধৃত হইয়াছে :—

“Sylhet appears to have been conquered by a small band of Mohammadans in the reign, of the Bengal king Shamsuddin (1384 A. D.). The supernatural powers of the last Hindu king Gaur Govinda proved ineffectual against the

* ভাটেরার তাম্রশাসনের উপর টিপ্পনী করিতে গিয়া ডাঃ রাজেন্দ্রলাল মিত্র যে মতল এই ভুল টুকুই করিয়াছেন তাহা নহে। তাম্রশাসনে গোবিন্দকেশব এই নামধারী রাজার উল্লেখ দেখিয়া উহাকেই খ্রীষ্টের রাজা গোড় গোবিন্দ ওরফে গোবিন্দ সিংহ মনে করিয়াছেন। গোড় গোবিন্দ (বা গোর গোবিন্দ বা গুরুগোবিন্দ বা গরুড় গোবিন্দ) যে কে ছিলেন তাহা নির্ণয় করা হুকঠিন। মধ্য ভারতের ভোজ বা বিক্রমপুরের স্থায় একাধিক রাজার এই নাম ছিল কি না তাহাও এক সমস্তার বিষয়। বাহা এই বিষয়ে সম্পূর্ণ ভিত্তি বাগবিতণ্ডা অনাবশ্যক। ডাঃ মিত্র তাম্রশাসনে প্রদত্ত ভূমি পরিমাণে ‘হল’ শব্দের ব্যবহার দেখিয়া ইহা কি তাহা নিশ্চয় করিবার নিমিত্ত হুবহু তথ্য পরিপূর্ণ পংক্তি নিচয় লিপিবদ্ধ করিয়া কোনও মীমাংসার পৌছিতে পারেন নাই। খ্রীষ্টের যে কোনও নথ্যপাদ হালিককে দ্বিজ্ঞাসা করিলেও হালের পরিমাণ কত বলিয়া দিতে পারিত।

[এক হাল—৬৮৫৬ বর্গহস্ত] :

still more extraordinary powers of the Fakir Shah Jalal who was the real leader of the invaders although he subsequently made over the active management of the secular affairs to the nominal leader Sikandar Ghazi."

সংক্ষেপে এই স্থানে বাহা লিখিত হইয়াছে তাহা শাহ জলালের ইতিহাসের সঙ্গে মিলে। তবে তারিখ (১৩৮৪ খঃ) বাহা লিখিত হইয়াছে, তদ্বিষয় পশ্চাৎ আলোচিত হইবে।

মহাত্মা শাহ জলালের দরগার তত্ত্বাবধান নিমিত্ত বহুকাল হইতেই খাদিম নিযুক্ত আছেন।* তাঁহাদের মধ্যে কেহ কেহ শাহ জলালের বিবরণ লিখিয়া গিয়াছেন। নসির উদ্দিন হায়দার নামক জনৈক মোনসেফ ক্রীহটে আসিয়া সাধু শাহ জলালের পরম ভক্ত হন এবং পূর্ববর্তন বিবরণীর সহায়তায় "সুহেলি এমন"† নাম দিয়া পারস্য ভাষায় এই মহা পুরুষের জীবন বৃত্তান্ত লিখিয়া যান। এই গ্রন্থের অনুবাদ স্বরূপ "তোয়ারিখে জলালি" নামধেয় একখানি মোসলমানী কেতাব আছে। কিন্তু উভয় গ্রন্থই শিক্ষিত

* খাদিমগণের মধ্যে যিনি প্রধান তাঁহার উপাধি সরকুম। তিনি গবর্ণমেন্ট হইতে মাসিক ২৩৬ বৃত্তি পাইয়া থাকেন। বর্তমান সরকুম মোলবী আবুল হাফেজ সাহেব একজন সুশিক্ষিত ব্যক্তি। তাঁহার নিকট হইতে বর্তমান প্রবন্ধ বিষয়ে অনেক সহায়তা পাওয়া গিয়াছে।

† শাহ জলালের জন্মভূমি আরবের (Yemen) এমন প্রদেশ; সুহেলি এমন অর্থঃ এমনদের নক্ষত্র।

পদ্মাকার মিশ্র

দ্বিতীয় কামালাকার মিশ্র

সাধারণের নিকট অপরিচিত নতুবা ডাঃ রাজেন্দ্রলাল মিত্রের
এইরূপ প্রকাণ্ড ভ্রম ঘটিত না এবং ফেটিষ্টিকেল একাউন্টেও
শাহ জলাল বিষয়ে এইরূপ অতি সংক্ষিপ্ত উল্লেখ মাত্র থাকিত
না। তাই সুহেলি এমন অবলম্বনে ফকির শাহ জলাল সম্বন্ধীয়
যৎকিঞ্চিৎ বিবরণ লিখিবার নিমিত্ত সম্প্রতি এই ক্ষুদ্র প্রয়াস।

কিন্তু সুহেলি এমনে শাহ জলালের শ্রীহট্ট আগমনের তারিখ
হিজরীর ৫৬১ সন বলিয়া নির্দেশিত হইয়াছে। ৫৬১ হিজরীতে
খৃষ্টাব্দ ১১৬৫ হয়। এই তারিখ বিখ্যাত স্থানেশ্বরের যুদ্ধের
প্রায় ৩০ বৎসর পূর্ববর্তী হইয়া পড়ে। তখনও দিল্লী মোসলমান
সাম্রাজ্যের রাজধানী হয় নাই এবং সুদূর বঙ্গে মোসলমানের নামও
শ্রুত হয় নাই। এতদবস্থায় ঐ তারিখ নিতান্তই অশুদ্ধ।
সুহেলি এমনে এমন ভ্রম প্রমাদ আরও যে না আছে সে কথা
বলিতে পারি না। তবে শাহ জলালের শ্রীহট্টে আগমনের তারিখ
কিরূপে নির্ণীত হইবে?

সুহেলি এমনের মতে যখন শাহ জলাল স্বীয় জন্মভূমি হইতে
দিল্লীতে আইসেন তখন দিল্লীর সিংহাসনে আলাউদ্দীন অবস্থিত
ছিলেন এবং দিল্লীতে ফকির নেজাম উদ্দীন নামে এক আউলিয়া
বাস করিতেন। আলাউদ্দীনের রাজত্বকাল ১২৯৬ খৃষ্টাব্দ
হইতে ১৩১৬ খৃষ্টাব্দ পর্য্যন্ত। নেজাম উদ্দীনের শিষ্য প্রসিদ্ধ
পারস্যকবি আমীর খসরু তাঁহার গুরুর উপদেশমালা সঞ্চলন
কালে লিখিয়াছেন যে নেজাম উদ্দীন ৭২৫ হিজরীতে অর্থাৎ
১৩২৫ খৃষ্টাব্দে পরলোক গমন করেন। ইহা দ্বারা শাহ জলালের

ভারতবর্ষে তথা শ্রীহটে আগমন সময় খৃষ্টীয় চতুর্দশ শতাব্দীর প্রথম কি দ্বিতীয় দশাব্দী (Decade) হইবে বলিয়া নির্দেশিত করা যাইতে পারে ।

শ্রীযুক্ত কৈলাসচন্দ্র সিংহ সঙ্কলিত রাজমালায় আছে ১৩৫৪ খৃষ্টাব্দে সুপ্রসিদ্ধ মুর ভ্রমণকারী ইবনে বতুতা পীর শাহ জলালকে শ্রীহটে দর্শন করেন । ইহাতে বোধ হয় মহাত্মা শাহ জলাল বহুকাল, অন্যান্য ৪০ বৎসর, শ্রীহটে অবস্থিতি করিয়াছিলেন । সুহেলি এমনে আছে যে শাহ জলাল ৬২ বৎসর বয়সে, শ্রীহটে আসিবার ৩০০ বৎসর পরে, ৫৯১ হিজরীতে, জেকাদার চাঁদের ২০শে তারিখ, দেহত্যাগ করেন । বড়ই দুর্ভাগ্য ও পরিতাপের বিষয় যে সুহেলি এমনের লিখিত এই সন-তারিখ বয়ঃক্রম, অবস্থান কাল সমস্তই অস্বীকার করিতে হইল । যদি শাহ জলাল আলাউদ্দীনের মৃত্যুর বৎসরেও (১৩১৬ খৃঃ অব্দে) শ্রীহটে পৌঁছিয়া থাকেন তথাপি ৩০ বৎসরে ১৩৪৬ খৃষ্টাব্দ মাত্র হয় । ১৩৫১ খৃষ্টাব্দে পরিত্রাজক ইবনে বতুতার সঙ্গে শ্রীহটে সাক্ষাৎকার স্মরণে অসম্ভব ব্যাপার অথচ ঐ পর্য্যটক অনৃত বিষয়ের অবতারণা করিয়াছেন একথা বলাও গর্হিত । অতএব কাল নির্ণয় বিষয়ে সুহেলি এমনের কথা সর্বতোভাবেই বর্জনীয় ।

মহামতি হাণ্টার সাহেবের উদ্ধৃত ১৩৮৪ খৃষ্টাব্দের বিরুদ্ধে ইবনে বতুতাই প্রকৃত প্রমাণ । হাণ্টার সাহেবের উদ্ধৃতাংশে বিজয়ী নরপতি শামসুদ্দীনের যে উল্লেখ আছে তাহার কারণ বোধ হয় এই যে শাহ জলালের বিবরণের সঙ্গে জনৈক শামস-

উদ্দীনের নাম শ্রুত হওয়া যায়। কিন্তু মোসলমান রাজত্বের প্রথমাংশে বঙ্গের সিংহাসনে শামসউদ্দীন নামক একাধিক ব্যক্তি অধিষ্ঠিত ছিলেন। ১৩৪৩-১৩৫৮ খৃস্টাব্দে যিনি বাঙ্গালার অধিপতি ছিলেন তাঁহার নাম সুলতান শামসউদ্দীন ইলিয়াস খাজে ছিল। ১৩৬৩-৮৫ খৃস্টাব্দে যিনি বঙ্গের শাসনদণ্ড পরিচালন করিয়াছিলেন তিনিও শামসউদ্দীন নামে অভিহিত ছিলেন। অপিচ শাহ জলালের কবরের গম্বুজ ভিতরে যাইবার পথে তোরণ দ্বারের উপরিভাগে যে এক শিলাখণ্ড আছে তাহাতে উৎকীর্ণ লিপিমালার অপর এক বঙ্গাধিপ সোলতান শামসউদ্দীন ইউসুফ শাহের নাম আছে; * উঁহার রাজত্ব কাল ১৪৭৪-১৪৮১ খৃস্টাব্দ। হাট্টার সাহেব দ্বারা বিবরণীতে দ্বিতীয় শামসউদ্দীনকেই ফকির শাহ জলালের সমসাময়িক বলা হইয়াছে এবং ১৩৮৪ খৃঃ এই তারিখও ঐ ধারণা বশতঃই নির্ণীত হইয়াছে। কিন্তু প্রথমোক্ত শামস উদ্দীন (ইলিয়াসখাজে) শাহ জলালের শ্রীহর্টে আগমনের

* In Darga of Shah Jalal at Sylhet an ancient basalt stone bearing an inscription of the Bengal Sultan Shamsuddin Yusuf Shah (1474—1481 A. D.) is at present used as a lintel over the small door leading to the enclosure where the saint lies buried. As both the beginning and the end of the inscription are hidden under the masonry of the wall it has been impossible to read the whole inscription. The inscription is of some interest as it proves that Sylhet was a part of the independent Muhammadan Kingdom of Bengal in the last quarter of the 15th century. (Extracts from letter No. 83 dated the 27th July 1903 from Dr. T. Bloch, Archaeological Surveyor, Bengal Circle, to the Secretary to the Chief Commissioner of Assam.)

না হউক অবস্থানের সমসাময়িক ছিলেন বলিয়া ধরিয়া লইলেই
 কোন গোল ঘটে না—ইবনে বতুতার সঙ্গেও মিল হয়। শেয়োক্ত
 শামসউদ্দীন (ইউসুফ শাহ) ফকির শাহ জলালের প্রতি ভক্তি-
 মান ছিলেন বটে কিন্তু তাঁহার সমকালীন ছিলেন বলিয়া কোনও
 প্রমাণ পাওয়া যায় না ।

ফল কথা শাহ জলাল খ্রীষ্টীয় চতুর্দশ শতাব্দীর প্রথমাংশে
 শ্রীহট্টে আগমন করেন এবং এখানে উক্ত শতাব্দীর অন্ততঃ ষষ্ঠ
 দশাব্দী পর্য্যন্ত অবস্থান করিয়াছিলেন ।

দ্বিতীয় প্রস্তাবে এই মহাত্মার অলৌকিক জীবনকাহিনী
 আলোচিত হইবে।

[প্রদীপ—কার্তিক ১৩১১ ।

ফকির শাহজালাল ।

(২) জীবনকাহিনী ।

[জন্মস্থান]—পুণ্যভূমি আরবের হেজাজ পবিত্রতম স্থান ।
ঐ স্থানে গিয়া মক্কা মদিনা প্রভৃতি মহাপুরুষ মোহাম্মদের নীলা
ভূমি সন্দর্শনপূর্বক হজরত উদযাপন করিয়া ‘হাজি’ নামে পরিচিত
হইতে ধর্মপ্রাণ মোসলমান মাত্রেই প্রবল আকাজ্ঞা । সেই
হেজাজক্ষেত্রের সংলগ্ন ভূভাগই এমন এবং উহাই ফকির শাহ
জালালের জন্মভূমি ।

[জন্মসময়]—পূর্ব প্রবন্ধে যাহা লিখিত হইয়াছে তাহাতে
এই মাত্র বলা যাইতে পারে যে সম্ভবতঃ খ্রীষ্টীয় ত্রয়োদশ শতাব্দীর
শেষভাগে শাহজালাল জন্ম পরিগ্রহ করেন ।

[পিতামাতা]—হজরত মোহাম্মদ যে বংশে জন্মিয়াছিলেন
সেই কুরেযি বংশীয় এব্রাহিমের পুত্র মাহমুদ শাহ জালালের জনক
ছিলেন । জননী সৈয়দ বংশীয়া ও সাতিশয় ধর্মপরায়ণা ছিলেন ।
শাহ জালালের ৩ মাস বয়ঃক্রম কালে মাতা স্বর্গগামিনী হন, পিতা
মাহমুদও কাফেরের সঙ্গে ধর্মযুদ্ধ করিতে গিয়া অচিরে প্রাণ
বিসর্জন করেন ।

[ধর্ম গুরু]—এই অনাথ শিশুর প্রতিপালন ভার তদীয়
মাতুল * সৈয়দ আহমদ কবীর নামক মহাত্মা গ্রহণ করিলেন ।

* একখানি হস্তলিখিত পুস্তকের মত অনুসরণ পূর্বক এদীপের প্রবন্ধে
“মাতুলপতি” লিখা হইয়াছিল ।

তিনিই আবার শাহজালালের বয়ঃপ্রাপ্তির পর তাঁহার ধর্মজীবনের গুরুতর ভার গ্রহণকরিয়া তদীয় দীক্ষাগুরুর পদে সমাসীন হইয়া-
ছিলেন । গুরু পরম্পরায় শাহজালাল মোসলমান ধর্ম প্রবর্তক
হজরত মোহাম্মদ হইতে অষ্টাদশ স্থানীয় ছিলেন । *

* মোহাম্মদ

আলী

হানন বসরী

হবীব আজমী

শেখ দাবুদ তায়ী

শেখ নারুফ্ কয়খী

শেখ সন্নিসপ্তী

নমসাদ দিনুরী

শেখ মোহাম্মদ

শেখ আহমদ দিনুরী

সেখ ওজিউদ্দীন

আবু নসর জিয়াউদ্দীন

মোকদ্দম বাহাউদ্দীন

আবুল ফজল সদর উদ্দীন

রুকুন উদ্দীন আবুফতাহ্

সৈয়দ জালাল উদ্দীন বোখারী

সৈয়দ আহমদ কবীর

শাহ জালাল নজরুদ

[মৃগকাহিনী]—পবিত্র মক্কাধাম সৈয়দ আহমদ কবীরের বসি স্থান বা সাধনা স্থান ছিল। শিষ্য ও ভাগিনেয় শাহ জলালও তৎসঙ্গেই অবস্থান করিয়া বয়ঃপ্রাপ্তির সঙ্গে সঙ্গে সাধনমার্গে অগ্রসর হইতেছিলেন। একদা এক হরিণ সহসা সৈয়দের কুটারদ্বারে আসিয়া তদীয় পদপ্রান্তে পতিত হইয়া আপন ভাষায় তাহার দুঃখ কাহিনী কহিতে লাগিল; ত্রিষাণ্ণ ভাষাবিৎ মহাত্মা তাহা হৃদয়ঙ্গম করিলেন। যুগের অভিযোগ এই যে সে তৃণপর্ণাহারী নিরপরাধ জীব,—এক দুর্দান্ত ব্যাঘ্র আসিয়া তাহার সুখ, শান্তির ব্যাঘাত ঘটাইয়াছে, তাহার যত্নণায় বনে অবস্থান করা অসম্ভব হইয়া পড়িয়াছে। দয়াবান্ সাধুরা বনচর পশু পক্ষীর প্রতিও করুণা পরবশ। তাই পীর আহমদ শিষ্য শাহ জলালকে আদেশ করিলেন, “বৎস, সেই অত্যাচারী শার্দূলকে যথোচিত শাস্তি প্রদানপূর্বক বন হইতে তাড়াইয়া দিবে, এবং যাহাতে এই নিরীহ হরিণ স্বচ্ছন্দে আপন আবাসে তিষ্ঠিতে পারে তাহার বিধান করিয়া আসিবে।” গুরুর আদেশে শাহজলাল এই দুষ্কর কার্যসাধনে বদ্ধপরিকর হইলেন। কিন্তু সাধু মহাত্মগণ যেমন স্বয়ং জীবহিংসাপরাঙ্কুশ, সেইরূপ ব্যাঘ্র জল্লুকাদি হিংস্র জন্তুগণও তাঁহাদিগকে কদাপি আক্রমণ করে না। শাহজলাল বনে গিয়া ব্যাঘ্রকে রিক্ত হস্তেই ধরিয়া ফেলিলেন। বর্ষজ্ঞ গুরু আহমদ কবীর আপন আশ্রমে থাকিয়া প্রত্যক্ষবৎ সমস্ত গোচর করিতেছিলেন, তখন তাঁহার মনে হইল বাঘটাকে এই হাতে চড় মারিতে মারিতে বন হইতে তাড়াইয়া দিলেই ভাল

হয়। গুরুর হৃদয়ের এই ভাব তৎক্ষণাৎ শিষ্যের অন্তরে প্রতিফলিত হইল, তিনি দুই হস্তে চপটাঘাত পূর্বক ব্যাত্তিকে দূর করিয়া দিয়া গুরুসমীপে প্রত্যাবৃত্ত হইলেন।*

[সিদ্ধিলাভ]—এই কার্য্যে গুরু তাঁহার প্রিয় শিষ্যের সিদ্ধির পরিমাণ বুঝিতে পারিলেন। তিনি সন্তোষ প্রকাশ পূর্বক শাহজলালকে বলিলেন “বৎস, তোমার অত্মকার কার্য্যক্ষমতা দেখিয়া বিশ্বাস হইল যে তোমার ও আমার আধ্যাত্মিক অবস্থা একই প্রকার হইয়া গিয়াছে। আর এই স্থানে তোমার থাকিয়া প্রয়োজন নাই, হিন্দুস্থানের দিকে প্রস্থান কর।” তৎপর স্বীয় সাধনার স্থান হইতে এক মুষ্টি মৃত্তিকা আনিয়া শাহজলালের হস্তে দিয়া বলিলেন, “তোমার হাতে যে মৃত্তিকা দিলাম, তাহা অতি যত্নে রাখিবে—যেন ইহার বর্ণ গন্ধ বা স্বাদ বিকৃত না হয়। ঐদৃশ মৃত্তিকা যে স্থানে পাইবে, সেইখানেই সতত অবস্থান করিবে। এই মৃত্তিকামুষ্টি যে স্থানে পরিত্যাগ করিবে, সেই স্থানের মাহাত্ম্যের আর তুলনা থাকিবে না।”†

* এই সামান্য (বা অসামান্য) ঘটনা ফকির শাহ জলালের ভবিষ্যজীবনের সর্বপ্রধান ঘটনার পূর্বাভাস মাত্র। হৃদ্যন্ত ব্যায় কবল হইতে শরণাপন্ন হরিণকে যিনি রক্ষা করিয়াছিলেন, তিনিই পরিশেষে ঐহটাদিগ গোড়গোবিন্দ কর্তৃক নিরীহ মোসলমানের উপর অত্যাচারের প্রতিশোধ লইয়াছিলেন। বিনা অস্ত্রে তিনি যেমন হিংস্র ব্যাত্তিকে তাড়াইয়া ছিলেন, তেমনি যুদ্ধোপকরণ ব্যতীতই প্রবল পরাক্রান্ত গোড়গোবিন্দকে তিনি রাজ্য হইতে দূর করিয়া দিতে সমর্থ হইয়াছিলেন। উভয় স্থলেই দৃষ্ট হইবে যে মহাক্ষা শাহজলাল কাহারও প্রাণ হনন করেন নাই।

† শাহ জলালের জীবনী (মহেদি এমেন) লেখক নসির উদ্দীন হায়দর ঢাকা নিবাসী হইলেন। পরিশেষে ঐহটের এই মাহাত্ম্যে বিশ্বাস করিয়া এই সহরেই অবস্থান করেন।

[চাষনি পীর]—শাহজলাল পাথের স্বরূপ গুরুর নিকট হইতে এই মৃত্তিকা-প্রসাদ লইয়া ভারতবর্ষ অভিযুগে যাত্রা করিলেন । সঙ্গে প্রথমতঃ বার জন চেলা যুটিলেন, তন্মধ্যে এক জন সেই মৃত্তিকার তহবিলদার হইলেন । তাঁহার উপর এই ভার থাকিল যে তিনি পথিমধ্যে যত জনপদ দেখিতে পাইবেন সমস্তেরই মৃত্তিকা পরীক্ষা করিয়া (চাখিয়া) দেখিবেন ; যদি কুত্রাপি বর্ণ, গন্ধ ও স্বাদে এই মাটির সমকক্ষ মাটি জিলে তবে তাঁহাকে তৎক্ষণাৎ তাহা শাহজলালের নিকট জানাইতে হইবে । এই ব্যক্তির নাম হইল চাষনি পীর ।

[জন্মস্থান সন্দর্শন]—পরিব্রাজকত্বতে দীক্ষিত হইয়া প্রথমতঃই শাহজলাল জন্মস্থান দেখিবার জন্ম যাত্রা করিলেন । আপন গৃহে উপস্থিত হইবামাত্র চতুর্দিকে তাঁহার তপঃসিদ্ধির কাহিনী প্রচারিত হইতে লাগিল, এমন কি এমন প্রদেশের বাদশাহের কর্ণেও তদীয় স্মৃতি পৌঁছিতে সমর্থক বিলম্ব হইল না ।

[পরীক্ষা]—বাদশাহ চতুর রাজনীতিক ছিলেন । ককির শাহজলালের বৃত্তান্ত শ্রবণে তিনি তদীয় পাত্র মিত্রকে কহিলেন, “দেখ, বহুদিন হইতে আমার এই অভিলাষ যে কোন সিদ্ধ দরবেশ পাইলে তাঁহার মুরিদ (শিষ্য) হইয়া ভক্তিতরে তদীয় সেবা শুশ্রূষা করিব । তবে প্রথমতঃ তাঁহাকে পরীক্ষা করিয়া দেখিব তিনি ঠিক সাধু কি না নচেৎ তাঁহার প্রতি আমার অনুরাগ হইবে না ।” সুতরাং শাহজলালকে পরীক্ষা করিবার নিমিত্ত

বাদশাহ এক কোশল করিলেন। শরবতের পাত্রে বিষ মিশাইয়া জ্বলন্ত ভূত দ্বারা উহা শাহজলালের নিকট প্রেরণ করিলেন। বাদশাহের আদেশে ভূত সাধুর নিকট শরবৎ রাখিয়া উহা পান করিতে বলিল। ফকিরের অন্তঃকরণ দর্পণের ন্যায় ছিল, উহাতে অশ্রুর ভাল মন্দ সমস্ত ভাব স্পষ্ট প্রতিফলিত হইত। তিনি বাদশাহের কূট নীতি বুঝিতে পারিয়া বলিলেন, “ভাল মন্দ সমস্তই নিজের অদৃষ্ট ফলকে লিখিত; যে যাহা মনে করে সে সেইরূপই ফল পাইবে। ফকিরের জন্ম ইহা অমৃত, কিন্তু দাতার পক্ষে এই শরবৎ প্রাণান্তকারী হলাহল।” এই বলিয়া তিনি শরবৎ পান করিলেন; এদিকে বাদশাহ হঠাৎ গতাস্থ হইলেন। এই আকস্মিক মৃত্যু ঘটনায় তাঁহার কপট কোশল কাহিনী প্রকটিত হইয়া পড়িল।

[এমনোর প্রহ্লাদ]—বাদশাহের পুত্র শেখ আলী এই সমাচার অবগত হইয়া পিতার ঔর্দ্ধদেহিক কার্য সমাপন পূর্বক শাহজলালের নিকট উপস্থিত হইলেন এবং তাঁহার নিকট অবস্থান করিয়া সতত সেবা শুশ্রূষা করিবার নিমিত্ত অভিপ্রায় প্রকাশ করিলেন। শাহজলাল ইহাতে অসম্মতি প্রকাশ করিলেন এবং রাজকুমারকে দেশে থাকিয়া দয়াবান্ ও ন্যায়পরায়ণ হইয়া রাজ্যশাসন করিতে অনুজ্ঞা করিলেন।

[রাজপুত্রের বৈরাগ্য]—শাহজলাল জন্মভূমি হইতে চির-বিদায় গ্রহণপূর্বক হিন্দুস্থান অভিমুখে প্রস্থান করিলেন। এদিকে রাজপুত্রের দেশে থাকা অসাধ্য হইয়া উঠিল; রাজ্যধন

প্রভৃতি কিছুতেই তাঁহার আসক্তি রহিল না ; নিজের সুখস্বচ্ছন্দতার প্রতিও তিনি দৃষ্টি করিলেন না । সাধু শাহজলালের পবিত্র, সঙ্গমুখ তাঁহার প্রবল বাসনার বিষয়ীভূত হইল । তিনি অমাত্য স্বজনের চক্ষু এড়াইয়া শাহজলালের অন্বেষণে উন্মত্তের স্থায় ধাবমান হইলেন এবং চতুর্দশ দিবসের পথ অতিক্রম করিয়া তাঁহার পার্শ্ববর্তী হইলেন । প্রবল অনুরাগের নিদর্শন পাইয়া শাহজলাল রাজকুমারকে আপনার প্রিয় সহচর ভাবে গ্রহণ করিলেন ।

[ভারতবর্ষে আগমন]—শাহজলাল দলবলসহ দিল্লী নগরীতে আসিলেন । সেইখানে তখন নেজাম উদ্দীন নামক একজন স্মৃতি প্রসিদ্ধ পীর থাকিতেন । তাঁহার নিকট তদীয় এক শিষ্য আসিয়া শাহজলালের বিষয়ে কহিল, “আরব হইতে এক দরবেশ আসিয়াছেন, তাঁহার চরিত্র অতি অদ্ভুত । এই সাধু স্ত্রীসঙ্গবর্জিত । তিনি চাদর দিয়া মুখ ঢাকিয়া পথ চলেন । আবাস গৃহে তিনি একটি বালককে নিজের সাক্ষাতে রাখেন, এবং তাহাকে প্রাণাধিক প্রেমাস্পদের স্থায় দেখিয়া থাকেন । এতদ্ভিন্ন তাঁহার আর কোনও কৰ্ম্ম দেখা যায় না ।” *

[নেজাম উদ্দীন ও শাহজলাল]—পীর নেজাম উদ্দীনের নৈবেদ্য একটু খটকা বাঁধিল । তিনি শাহজলালকে তাঁহার নিকটে আসিতে আহ্বানকরণার্থ একজন শিষ্য প্রেরণ করিলেন । শিষ্য শাহজলাল সমীপে উপস্থিত হইবামাত্র তিনি উহার মনের

* এই উক্তি দ্বারা শাহজলালের জীবনের একটি রহস্যময় ক্ষুদ্রচিত্র গোচরীভূত হইল ।

অভিপ্রায় বুঝিতে পারিলেন, এবং কিছু না বলিয়া একটা কোঁটায় কিছু তুলা এবং আগুন রাখিয়া বন্ধ করিয়া শিম্যের হাতে উহা নেজাম উদ্দীনের নিকট পাঠাইয়া দিলেন। নেজাম উদ্দীন কোঁটা খুলিয়া অগ্নি ও তুলা দেখিয়া শাহজলাল তাঁহার মানসিক ভাব বুঝিতে পারিয়াছেন ভাবিয়া, লজ্জায় ত্রিয়মাণ হইলেন। বাস্তবিক তপস্বী নেজাম উদ্দীনের তুলাসদৃশ সাদা ও কোমল ধর্ম্মিষ্ঠ অন্তঃকরণে যে শাহজলালের প্রতি সন্দেহ বহির স্থান পাইয়াছিল, ইহাই আশ্চর্য্যের বিষয়, যোগসিদ্ধ শাহজলালের উহা বুঝিতে পারা তেমন আশ্চর্য্যের বিষয় নহে।

[জলালী কবুতর]—নেজাম উদ্দীন নিজকে অপরাধী মনে করিয়া স্বয়ং শাহজলালকে দেখিবার নিমিত্ত আগমন করিলেন। দেবালয়, রাজা ও সাধুর নিকট কেহ রিক্ত হস্তে যায় না। নেজাম উদ্দীনের দুই জোড়া কাজলা রংএর কবুতর ছিল, তাহাই নিয়া সাধু শাহজলালকে উপহার প্রদান করিলেন। বোধ হয় শাহজলালের এই কপোত চতুর্মুখই পূর্ববঙ্গ অঞ্চলে জলালী কবুতরের প্রাচুর্য্যের নিদান। পারাবত মাংস এই অঞ্চলে ভক্ষ্য হইলেও জলালী কবুতর কেহই হিংসা করে না।

[গোড় গোবিন্দ]—তখন শ্রীহটে গোড় গোবিন্দ নামে এক অত্যাচারী ভূস্বামী ছিলেন। তাহার জন্ম গোড় দেশে (বাঙ্গালার মধ্যে) ছিল বলিয়া তাঁহার নাম গোড় গোবিন্দ হইয়াছিল।

+ এই গোবিন্দ সম্বন্ধে বাহা লিখিত হইতেছে তাহা মহেলি এমনের মত। আমা-
লের দ্বায় ধারণা এই যে 'গোড় গোবিন্দ' প্রকৃতপক্ষে 'গুর গোবিন্দ' ছিলেন। তিনি

গঞ্জে রোয়া উপাধি বিশিষ্ট জনৈক শাহজলাল কর্তৃক জন্মস্থান হইতে বিতাড়িত হইয়া গোবিন্দ পলাইয়া শ্রীহটে আসেন এবং এখানে প্রভু লাভ করেন। ইনি এক প্রসিদ্ধ বাহুর ছিলেন, বহু ভূত প্রেত তাহার আজ্ঞাধীন ছিল। * মোসলমানগণ তাহার দ্বারা অত্যাচারিত হইত।

[বুরহান উদ্দীন]—শ্রীহট্ট সহরে টুলটেকর নামক মহল্লায় শেখ বুরহান উদ্দীন বাস করিত। তাহার সম্তানাদি বহুকাল না হওয়ায় সে মানস করে যে ছেলে হইলে খোঁদার নিকট একটি গরু কুরবানি করিবে। বাহা হউক কালে তাহার একটি পুত্র সম্তান জন্মিষ্ঠ হইল। বুরহান উদ্দীনও তাহার মানস আদায় করিল। দবাৎ এক চিল এক টুকরা গোমাংস নিয়া গোড়গোবিন্দের বসতি স্থলে ফেলিয়া দিল। হিন্দু রাজা গোবিন্দের তাহা অসহ্য হইল; তৎক্ষণাৎ তিনি গোহত্যাকারীর অনুসন্ধান করিতে হুকুম দিলেন। যে উদ্দেশ্যে ও যৎকর্তৃক গোবধ হইয়াছিল তাহা জানিতে পারিয়া তিনি বুরহান ও তাহার পুত্রটিকে ধরিয়া আনাইলেন এবং পুত্রের প্রাণসংহার করিয়া পিতার হস্তচ্ছেদন করিয়া

মানিয়া বা সিটেঙ্ জাতীয় লোক ছিলেন। শ্রীহট্ট সহর হইতে ৬৭ মাইল ব্যবহিত স্থান হইতে পাতর সংগ্রহক যে সকল ব্যক্তি সহরে পাতা কাঠ কয়লা প্রভৃতি বিক্রয় করে, তাহাদিগকে 'গুর গোবিন্দ' বলিয়া পরিচয় দিতে শুনিয়াছি। বাহা হউক সোড় গোবিন্দ বিষয়ে যে নানারূপ প্রবাদ এদেশে প্রচলিত, পূর্ব প্রবন্ধেই তাহা উল্লেখ করা হইয়াছে।

বোধ হয় গোবিন্দ তান্ত্রিক সাধনায় গিলাচাদি সিন্ধু করিয়াছিলেন। তন্তুপ্রধান রূপ প্রদেশান্তর্গত স্থানের অধিবাসীর পক্ষে ইহা আশ্চর্য্য নহে। মোসলমান লেখকের দৃষ্টিতে ইহা তাহাকে বাহুর সংজ্ঞাদানও আশ্চর্য্যের বিষয় নয়।

দিলেন । দারুণ পুত্রশোকে ও নিজের হস্তচ্ছেদ জনিত যন্ত্রণায় ইতভাগ্য শেখ ক্রন্দন করিতে করিতে গৃহে প্রত্যাবৃত্ত হইল । *

[প্রাতিশোধের কল্পনা]—বুরহান উদ্দীন অপমানে ও মনঃ-
ক্লেশে নিজের বাসস্থান পরিত্যাগ করিল । অত্যাচারের প্রতি-
হিংসার উপায় চিন্তা করিতে করিতে সে নব প্রতিষ্ঠিত মোসলমান
সাম্রাজ্যের রাজধানী দিল্লী নগরীতে উপস্থিত হইল । তৎকালে
সোলতান আলাউদ্দীন শাহ দিল্লীর সিংহাসনাধিষ্ঠিত ছিলেন ।
বুরহানের দুঃখকাহিনী শুনিয়া বাদশাহের মনে দুঃখ হইল; তিনি
এই অত্যাচারের প্রতিশোধ অবশ্য কর্তব্য ভাবিয়া আপন
ভাগিনেয় সিকান্দর শাহকে শ্রীহট্টাভিমুখে সসৈন্তে প্রস্থান করিতে
আদেশ করিলেন এবং গোড় গোবিন্দকে হত্যা করিয়া তাঁহার
রাজ্য অধিকার করিতে লুকুম দিলেন ।

[সিকান্দর শাহের অভিযান]—সিকান্দর বাদশাহের আদেশ
ক্রমে সৈন্য সরঞ্জাম লইয়া যুদ্ধার্থ রোওয়ানা হইয়া কিছুদিন পরে
ঢাকা প্রদেশে উপস্থিত হইলেন । তিনি সোনারগাঁওএ ব্রহ্মপুত্র
নদীতীরে শিবির স্থাপন করিলে, শ্রীহটে তদীয় অভিযানের সংবাদ
পৌঁছিল ।

* স্থহেলি এমনে মোসলমান গ্রন্থকার হিন্দুগণ কি চক্ষে গুরুকে দেখেন তাহার
মূল্য বর্ণনা করিয়াছেন । শেখ বুরহান উদ্দীন হিন্দু রাজার অধিকার স্থলে থাকিয়াও
তরুটা ঘিবেচনা করে নাই—নচেৎ গোবধ মানস করিত না । রাজা গোড় গোবিন্দ অতি
নৃশংস পাণ্ডিত্য বিধান করিয়াছিলেন । বুরহানের শেখ উপাধিতে বোধ হয় সে কিংবা তাহার
পিতৃপিতামহ পূর্বে হিন্দু ছিল । গোড় গোবিন্দও আমাদের মতে হিন্দুধর্মে নব দীক্ষিত
পার্বত্য জাতীয় । এই উভয়েই অভিনব পরিগৃহীত ধর্মে অন্ধ বিশ্বাসমূলক অবিদ্যাকারিতা
নুষ্ট হইবে ।

[গোবিন্দের অগ্নিবাণ]—গোড়গোবিন্দ শত্রুর আক্রমণ হইতে রক্ষালাভ করিবার জন্য যথায় যথায় আয়োজন করিলেন । তাঁহার অধীন যত ভূতপ্রেত ছিল তাহারা যাহুর সরঞ্জাম তৈয়ার করিল । সিকান্দরের সৈন্যমধ্যে অগ্নিবাণ * চালান হইল । মোসলমান সৈন্যগণ কখনও এই প্রকার যাহু দেখে নাই—উহার প্রতিপ্রসব কিছু আছে কি না তাহাও জানিত না । বহু লোক পুড়িয়া মরিল, অনেকে অর্দ্ধদণ্ড অবস্থায় পলায়নপর হইল । সিকান্দরের প্রথম উদ্যম এইরূপে বিফল হইলেও, তিনি আরও দুইবার সৈন্য সংগ্রহপূর্বক যুদ্ধ করিতে প্রবৃত্ত হইলেন, কিন্তু কোনও মতেই কৃতকার্য হইতে পারিলেন না ।

[বুরহান উদ্দীনের অণু চেষ্টা]—বেচারি বুরহান উদ্দীন দেখিল গোবিন্দের যুদ্ধে পরাজয় সূদূরপর্যন্ত । সে তখন খোদা গল্লার কৃপাই একমাত্র ভরসার স্থল ভাবিয়া মদিনায় হস্তরত মোহাম্মদের কবরে গিয়া আত্মদুঃখ জ্ঞাপন করিতে সংকল্প করিল । কিন্তু ততদূর তাহাকে যাইতে হইল না ।

[শাহ জালালের শ্রীহট্টাভিমুখে অভিযান]—তখন মক্কা মদিনা যাইতে দিল্লী হইয়া যাইতে হইত । বুরহান দিল্লী গিয়া শাহ জালালের দর্শন লাভ করিল । মহাত্মা শাহজালাল বুরহানের শাহজাদেহ কাহিনী শুনিয়া দয়াদ্রুচিত হইলেন এবং তাঁহার অপ-

* অগ্নিবাণ কামান-বন্দুক কিনা কে বলিতে পারে ? ইহার প্রস্তুত প্রণালী সাধারণে ন অবগিত ছিল, তাই ইহা যাহুগিরি বলিয়া বর্ণিত হইতে পারে ।

মানের প্রতিশোধ কল্পে গোবিন্দের বাহু দমনে বন্ধপরিকর হইয়া

সশিষ্য শ্রীহট্টাভিমুখে রোওয়ানা হইলেন ।

[সিকান্দরের সাহায্য প্রার্থনা]—গোবিন্দের যুদ্ধে পরাভূত হইয়া সিকান্দর বাদশাহের সমীপে নিজের অদ্ভুত পরাজয় বার্তা সবিস্তর জানাইয়া সাহায্য প্রার্থনা করিলেন । যুদ্ধের বিবরণ শুনিয়া সোলতান আলাউদ্দীনের বুদ্ধি লোপ পাইল । উজীর নাজির গণক প্রভৃতি দরবারের যাবতীয় ব্যক্তি উপায় নির্দ্ধারণের নিমিত্ত পরামর্শে বসিয়া গেলেন ।

[অদ্ভুত উপায়]—বহু পাঁজি পুথি দেখিয়া গণনা কুরিয়া একরূপ এক ব্যক্তির ঠিকানা বাহির হইল, যাঁহার দ্বারা এই দুঃস্থ কার্য্য সম্পন্ন হইবার সম্ভাবনা । তাঁহার নাম না বলিলেও পরিচয় পাইবার এক ফিকির বলা হইল । বাদশাহের যত সৈন্যাদ্যক্ষ আছেন একলকেই যুদ্ধার্থ সজ্জীভূত হইয়া ডেরাখিমা ময়দানে বাহির হইতে বলা হউক । ময়দানে শিবির সংস্থাপন হইলে, সন্ধ্যার সময় এক বাতাস বহিবে । বাতাসে তাবৎ তাঁবুর প্রদীপ নিবিয়া যাইবে, কেবল একটাতে প্রদীপগুলির কিছুই হইবে না । সেই তাঁবুর মধ্যে যাঁহাকে পাওয়া যাইবে, তিনিই উদ্দিষ্ট ব্যক্তি ।

[সৈয়দ নসির উদ্দীন সেপা সালার]—এই উপায়ে সৈয়দ নসির উদ্দীন নামক এক মহাত্মার উদ্দেশ্য পাওয়া গেল । তাঁহার জন্মস্থান বাগদাদ । তিনি ঐ খানে আউলিয়া দলের সন্ন্যাসী ছিলেন । কিন্তু সৈয়দ মাওসুফ নামক বাগদাদ প্রদেশাধিপতির সঙ্গে বিরোধ হওয়ায় তিনি জন্মস্থান পরিত্যাগ করিয়া দিল্লীর

বাদশাহের অধীনে কার্য করিতে বাধ্য হইয়াছিলেন। তাঁহার
এইরূপ সেকায়েৎ জানিয়া বাদশাহ তাঁহাকে সেপাসালার উপাধি
প্রদানপূর্বক প্রধান সৈন্যাধ্যক্ষ পদে বৃত্ত করিলেন এবং অনেক
সৈন্য সামন্ত সঙ্গে দিয়া সিকান্দর শাহের সহায়তা নিমিত্ত প্রেরণ
করিলেন। যেখানে পুণ্যতোয়া প্রবাহিনী গঙ্গা ও যমুনা সন্মিলিত
হইয়া হিন্দুর পরম তীর্থ প্রয়াগের মহিমা সংবর্দ্ধিত করিয়াছে
সেই আল্লাবাদ সহরেই সেপাসালারের বাহিনী ও শাহজলালের
অনুচরবর্গের পরস্পর সন্মিলন হইল। সেই গঙ্গা যমুনার
সন্মিলিত প্রবাহের ন্যায় এই দুই মহাত্মা একত্র হইয়া পশ্চিমা-
ভিমুখে একই উদ্দেশ্যে প্রস্থিত হইলেন।

[৩৬০ অনুচর]—পথিমধ্যে একে একে সজ্জিসমূহ যুটিতে
লাগিলেন। ক্রমে শাহজলালের ৩৬০ জন আউলিয়া অনুচর
হইলেন—তন্মধ্যে সেপাসালারই সকলের সর্দার বগিয়া পরি-
গণিত হইলেন।

[ত্রীহট্টের সীমান্তে প্রবেশ]—যেখানে সিকান্দর পরাভূত
হইয়া অবস্থান করিতেছিলেন শাহজলাল সানুচর সেইখানে
পৌঁছিলেন। তখন গোড়গোবিন্দের বাছুগিরির বৃন্তান্ত শুনিয়া
ত্রীহট্টে যাইবার নিমিত্ত তিনি ব্যগ্র হইলেন এবং সিকান্দরকে
সঙ্গে লইয়া চলিলেন। পথিমধ্যে ব্রহ্মপুত্র নদ পার হইতে
হইল—কিন্তু নৌকা মিলিল না। তখন শাহজলাল নদাজের
আসন খানি বিছাইয়া দিলেন তাহাতে আরোহণ করিয়াই সমস্ত
লোকজন নদীপার হইল। বর্তমানে যে স্থান চৌকি পরগণা

বলিয়া বিখ্যাত সেইখান পর্য্যন্তই তখন শ্রীহট্ট রাজ্যের সীমানা ছিল। যখন শাহজলাল ঐ স্থানে আসিয়া পড়িলেন, গোবিন্দ তখন তাঁহার আগমন বার্তা জানিতে পারিলেন।

[অগ্নিবাণ বিকল]—গোবিন্দ দস্তুরমত অগ্নিবাণ চালান দিলেন। কিন্তু সাধু শাহজলালের আশ্রিত কটকের উপর ষাটুগিরির ফল বিপরীত হইল। তাঁহার নিজের শিবির ও দ্রব্য সামগ্রী পুড়িয়া ছারখার হইল। রাজা চমৎকৃত হইয়া অমাত্যগণের পরামর্শ চাহিলে, তাহারা রাজ্য ছাড়িয়া পলায়ন করিতেই মন্ত্রণা দিল। তাহারা কহিল “মহারাজ, এ সিকান্দর শাহ নহে যে অগ্নিবাণে পুড়িয়া মরিবে; এই সৈন্যদলে এমন এক বীর আছেন, যাঁহার ভয়ে জঙ্গলের বাঘ পলাইয়া যায়; মন্ত্র তত্ত্ব কিছুতেই তাঁহার কিছু হইবে না। তাঁহার সঙ্গে যুদ্ধ না করিয়া পলায়ন করাই শ্রেয়ঃ। আপনি না গেলে, অগত্যা আমাদেরকে বিদায় দিউন।”

[লৌহধনুতে গুণ যোজনা]—গোবিন্দ আর এক ফিকির উদ্ভাবিত করিলেন। লৌহ দ্বারা এক ধনু নির্মাণ করাইয়া শাহজলালের নিকট পাঠাইয়া জানাইলেন যে ইহাতে গুণ আরোপ করা হইলে তিনি শ্রীহট্ট ছাড়িয়া যাইবেন। ইতিমধ্যে শাহজলাল সৈন্যসহ বাঁহাচুরপুরের কাছ দিয়া বরাক নদী পার হইলেন। তাঁহার নিকটে লৌহধনু পৌঁছিলে, তিনি স্বয়ং গুণ যোজনা না করিয়া সৈন্য মধ্যে প্রচার করিয়া দিলেন যে যাহার আর্হসরের নমাজ কোনও দিন বাধা হয় নাই তাহাকে তাঁহার নিকটে আনিয়া

হাজির করিতে হইবে । সমস্ত শিবির অনুসন্ধান ক্রমে সেপাসালার নসিরুদ্দীনকেই মাত্র ঈদৃশ নিয়মনিষ্ঠ পাওয়া গেল । শাহজলাল তাঁহাকেই ধনুতে গুণ বোজনা করিতে আদেশ করিলেন । নসিরুদ্দীন ভগবান্নাম স্মরণপূর্ব্বক অনায়াসে লৌহধনুতে গুণ আরোপ করিয়া দিলেন । সকলে দেখিয়া অবাক হইল । ধনু গোবিন্দের নিকট নীত হইলে তিনি জয়ের আশা সম্পূর্ণ পরিত্যাগ করিলেন ।

[সর্পপেটিকাভ্যন্তরে গোবিন্দ]—কিন্তু পলায়নের পূর্ব্বক গোবিন্দের বাসনা হইল শাহজলালের সন্দর্শন লাভ করেন । প্রকাশ্য ভাবে ফকিরের সাক্ষাৎ যাইতে আশঙ্কা করিয়া তিনি এক ফন্দী করিলেন । সাপের পেটিকার মধ্যে লুক্কায়িত হইয়া তিনি শাহজলালের সম্মুখে নীত হইলেন এবং উহার ভিতর হইতে তাঁহাকে এক নজর দেখিয়া লইলেন । শাহজলাল ভিতরকার ব্যাপার প্রত্যক্ষবৎ বুঝিতে পারিলেন—তাই সাপের খেলা দেখিবার পর পেটেরাগুলির অভ্যন্তর পরীক্ষা করিবার জন্য গোবিন্দের আশ্রয়োভূত পেটেরাটিকেই খুলিয়া দেখাইতে আদেশ দিলেন । বাহকেরা আপত্তি করিলে শাহজলাল গোবিন্দকে লক্ষ্য করিয়া আহ্বান করিতে লাগিলেন ।

[গোবিন্দের পরাজয় স্বীকার]—গোবিন্দ অবনত মস্তকে পেটেরা হইতে বাহির হইয়া ক্ষমা প্রার্থনা করিলেন এবং রাজ্য ছাড়িয়া যাইতে অঙ্গীকার করিলেন । অপিচ শাহজলালের কোনও কাজ তিনি করিয়া দিতে পারেন কি না তাহা জিজ্ঞাসা

করিলেন। তখন শাহজলাল একটি মসজিদ তৈয়ার করিবার নিমিত্ত কিছু পাথর দিবার জন্য গোবিন্দকে বলিলেন। গোবিন্দ তাঁহার ভূতপ্রেতাди দ্বারা এত প্রস্তর আনাইয়া দিলেন যে তদ্বারা বহু মসজিদ প্রস্তুত হইল। তন্মধ্যে চৌকিদীঘী নামক স্থানের আদিনা মসজিদই প্রধান; ইহার ১২০টা গুম্বুজ ছিল এবং ইহাতে সকলে জুম্মার নমাজ পড়িত * ।

[গোবিন্দের পরিণাম]—শাহজলালের আদেশ প্রতিপালন পুরঃসর গোবিন্দ তাঁহার সিংহাসন পরিত্যাগ করিলেন এবং পর্বত মধ্যে প্রবেশ করিলেন। তাঁহার কি দশা হইয়াছিল কেহই তাহা ঠিক বলিতে পারে নাই। তবে কেহ কেহ না কি সহর হইতে প্রহর পরিমাণ দূরবর্তী পোঁচাগড় নামক স্থানে তাঁহাকে পূৰ্বাণ মুর্তিতে পরিণত এবং কটিদেশ পর্য্যন্ত ভূগর্ভে প্রোথিত অবস্থায় এখনও দেখিতে পায় !

[শাহজলালের শ্রীহট্ট সহরে প্রবেশ]—বলা বাহুল্য, এখন নিম্নলিখিত শাহজলাল শ্রীহট্ট সহরাভিমুখে আগমন করিতে লাগিলেন। সূর্য্য নদী, ব্রহ্মপুত্র ও বরাকের ত্রায়ী, বিনা নৌকায় পার হইলেন। সহরে মোসলমান প্রভাব দৃঢ়রূপে স্থাপিত হইল। বুরহান উদ্দীন ও তদীয় ধর্ম্মভ্রাতৃগণের মনোদুঃখ দূর হইল।

[মৃত্যু পরীক্ষা]—গুরুদত্ত মৃত্তিকার পরীক্ষক চাষি পীর সহরের মৃত্তিকা পরীক্ষা করিতে লাগিলেন। বর্ত্তমানে যেখানে

* তৎপর নবাবি আমলে ইউহুফ্ ইনদিয়ার খাঁ নামক একজন নবাব ঐ সকল গুম্বুজ ভাঙ্গিয়া ইট পাথর আনিয়া বর্ত্তমান কবরের নিকটে এক মসজিদ নির্মাণ করিয়াছিলেন।

সাধুর সমাধি স্থান রহিয়াছে, সেই টীলার মাটিই বর্ণ গন্ধ ও স্বাদে ঐ মাটির সমান হইল। তাই মহাত্মা শাহজলাল সেইখানেই অবস্থাননিকেতন নির্মাণ করিয়া অবিরত ভগবদুপাসনায় কাল-কর্তন করিতে লাগিলেন।

[অনুচরবর্গ]—তিনশতষাটসংখ্যক আউলিয়ার মধ্যে অল্প কয়েকজন এবং এমনের রাজকুমার শাহজলালের সঙ্গে থাকিলেন। অণ্ডের। শ্রীহট্টের নানা স্থানে ধর্মপ্রচারের জন্ত প্রেরিত হইলেন। শ্রীহট্ট অঞ্চলের তথা পূর্ববঙ্গের সম্ভ্রান্ত বংশীয় মোসলমানদিগের অধিকাংশই এই আউলিয়াগণের মধ্যে কাহারও না কাহারও বংশসম্মত বলিয়া পরিচয় প্রদান করেন।

[শ্রীহট্টের শাসন কার্য]—সিকান্দর শাহ শ্রীহট্টের শাসনকর্তা নিযুক্ত হইলেন। তিনিও সাধুর আদেশ মতেই কার্য করিতেন। নগরে সুশাসন প্রচলিত হইল, জোর জুলুমের লেশও থাকিল না।

[সিকান্দরের ভ্রম]—গ্রীষ্মপ্রধান স্থান হইতে আসা হেতু শাহজলালের সহচরবর্গ শিশিরাগমে শ্রীহট্টের শীতে নিতান্ত অভিভূত হইয়া পড়িলেন। তাঁহারা শীত বস্ত্রের জন্ত সাধুকে ধরিলেন। শাহজলাল একদা সিকান্দর শাহকে কহিলেন “দেখ, দারুণ শীতের সময় আসিয়াছে, যাহাতে শীত নিবারণ হয়, জরুর এমন উপায় করিবে।” সিকান্দর বিষয়ী লোক, তিনি এই সামান্য কথার বিপরীত অর্থ করিলেন। শীত নিবারক কন্যাকন্বলের আয়োজন না করিয়া শাহজলালের নিমিত্ত শীতহারিণী বনিতার অনুসন্ধান করিতে লাগিলেন।

[সিকান্দরের পরিণাম]—অনেক চেষ্টায় পরম সুন্দরী এক রমণী জোগাড় করিয়া সিকান্দর শিবিকায় তাহাকে শাহজলাল সমীপে পাঠাইয়া দিলেন। ইহা দেখিয়া সাধু পূরি তাপ করিয়া বলিলেন, “হায় সিকান্দর নিজে যে রূপ ডুবিয়াছে, আমাকেও কি সেইরূপ ডুবা হবে ? আমি দীনহীন ফকির, মজঃরদ, আমার জ্ঞান কি এই ব্যবস্থা ?” ইহার কিছু পরেই সংবাদ আসিল, সিকান্দর শাহ সূর্য্যানন্দী পার হইতে গিয়া নৌকা ডুবিয়া মৃত্যুমুখে পতিত হইয়াছেন। আরও আশ্চর্য্যের বিষয় এই যে তখন কোনও রূপ তুফান বা তরঙ্গ কিছুই ছিল না। বহু অনুসন্ধানেও সিকান্দরের মৃতদেহ পাওয়া গেল না। তাঁহার স্থলে অন্য লোক শাসনকর্ত্তা নিযুক্ত হইলেন।

[রমণীর পরিণয়]—শাহজলালের সঙ্গে তদীয় প্রিয়তম যে সকল শিষ্য ছিলেন তন্মধ্যে হাজি ইউসুফের প্রতি আদেশ হইল যে তিনি সিকান্দরের প্রেরিত রমণীর যথারীতি পাণিগ্রহণ করেন। হাজিও সংসারবিরক্ত ছিলেন, তাই ধনদৌলতের অভাব এবং সাংসারিক ধর্ম্মে বীতস্পৃহতা জানাইয়া পরিহার প্রার্থনা করিলেন। কিন্তু শাহজলাল তাঁহাকে নানা যুক্তি ও নির্বন্ধ সহকারে পুনশ্চ আদেশ করাতে তিনি অগত্যা স্বীকার করিলেন। এই পরিণয়জাত সন্তানগণের বংশধরেরাই এক্ষণে সাধুর সন্তাধির তত্ত্বাবধায়ক এবং ইহাদের সরদার সকুম ও এই বংশজাত।

[সূর্য্যার জল সংস্করণ]—শ্রীহট্টের পূর্ব্বদিকে বুন্দাসিল নামক

পরগণার নিকট দিয়া সূর্য্য নদী প্রবাহিত হইত। তথায় জিয়া উদ্দীন নামক শাহজলালেরই জনৈক অনুচর থাকিতেন। তিনি নদীর জল বিস্মাদ দেখিয়া তাহার সংস্কারবিধানার্থ সাধুকে একবার সেই স্থানে যাইতে অনুরোধ করিলেন। ভক্তের আস্থানে শাহজলাল সেই স্থানে গিয়া নমাজ পড়িয়া একখণ্ড প্রস্তর জলে ফেলিয়া দিলেন, ইহাতেই জল বিশুদ্ধ হইল।

[ভূত প্রেত দমন]—বুন্দাসিল যাইবার পথে কুশী নদীর তীরে এক ভূত ছিল ; সে একস্থান হইতে অন্য স্থানে যাইবার কালে ধূলি উড়াইয়া চলিত। শাহজলাল উহাকে মারিয়া ধূলিতে মিশাইলেন। বুন্দাসিলেও অপর এক দেও, (দৈত্য) ছিল ; সাধু তাহাকেও সংহার করিয়া ঐ স্থানের নাম দেওরাইল রাখিলেন। অজ্ঞাপি পরগণার সেই নামই প্রচলিত আছে।

[গোবিন্দের দুর্গ ধ্বংস]—একদা শাহজলাল আপন গৃহ হইতে বাহির হইয়া প্রাকৃতিক শোভা সন্দর্শন করিতে ছিলেন। হঠাৎ রাজা গোড়গোবিন্দের দুর্গ তাঁহার নেত্রপথবর্তী হইল। তিনি বলিয়া উঠিলেন, “এই দুর্গের মালিক যাদৃশী অবস্থা প্রাপ্ত হইয়াছে, ইহারও সেই অবস্থা হওয়া উচিত ছিল। কেন না তাহা হইলে গোড়গোবিন্দের চিহ্ন মাত্রই সহরে থাকিত না।” তাঁহার মুখ হইতে এই বাক্য নির্গত হইবামাত্র ঐ দুর্গ ধূলিসাৎ হইয়া গেল।

[রমণী ও পুষ্করিনীর বিলোপ]—শাহজলাল জীবনে নারীমুখ দেখেন নাই ; একদিন তাঁহার গৃহের উত্তর দিকস্থিত জলাশয়ে

একটি স্ত্রীলোক স্নান করিতেছিল। তাহার আলুলায়িত কেশ-
পার্শে ও অনাবৃত বক্ষঃস্থলে সাধুর দৃষ্টি পড়িল। ঋষ্যশৃঙ্গের
ন্যায় তিনি “ইহা কি” তাহা পার্শ্বস্থ অনুচরকে জিজ্ঞাসা না করিয়া
প্রথমতঃ বুঝিতে পারেন নাই। পরে উহা স্ত্রীমূর্ত্তি জানিতে
পারিয়া তিনি সাভিশয় বিরক্তি সহকারে বলিলেন “এই
পুষ্করিণীতে যদি রমণীমূর্ত্তিই দেখিতে হইল তবে ইহার অস্তিত্ব
বিলোপ হইবে না কেন ?” তৎপর স্ত্রীলোক বা পুকুর কিছুরই
চিহ্ন মাত্র কেহ আর দেখিতে পাইল না।

[কুপ খনন ও জমজমের জলানয়ন]—বিধর্ম্মীর খোদিত
জলাশয়ের জল ব্যবহার করিতে সাধুর প্রবৃত্তি হইল না। তিনি
একটি কূপ নির্মাণ করাইলেন এবং মক্কাস্থিত পবিত্র জমজমের
জল বাহাতে ঐ কূপে আইসে তজ্জন্ম প্রার্থনা করিলেন। নিজের
হাতের তাম্বু হাতিও কূপে নিক্ষেপ করিলেন। সাধুর মনস্কামনা
পূর্ণ হইল; জমজমের জল কুয়ায় আবির্ভূত হইল। এই কূপ
সম্প্রতি ইফক গ্রন্থিত হইয়াছে, এবং ইহা হইতে একটা নালা
বাহিয়া অনবরত জল নির্গত হইতেছে।* বিশ্বাসী ভক্তগণ
অনেকে ইহার জল খাইয়া রোগমুক্ত হইয়াছে এবং মোসলমানগণ
রোজার সময় এই জলে আচমন করিয়া পারণা করিয়া থাকে।

[কূপের পরীক্ষা]—শ্রীহট্ট সহরের অনতিদূরস্থ শ্রীমতা পর-
গণার সন্নৈরু মোসলমান একদা তীর্থ ভ্রমণে মক্কা-মন্দির
গিয়াছিল। তাহার খরচ পত্র বাদে নয়টি স্বর্ণমুদ্রা উদ্ধৃত হইয়া-

* এই কূপটি একটা প্রস্রবণ বিশেষ।

ছিল । ঐ গুলি সঙ্গে নিয়া চলিলে চুরি হইবে মনে ভাবিয়া
সে একটা কাঠের ডিবা মধ্যে মুদ্রাগুলি পুরিয়া মক্কার জমজমের
জলে ফেলিয়া দিল এবং প্রার্থনা করিল যে যদি শাহজলালের
কুয়ায় প্রকৃতই জমজমের জল গিয়া থাকে তবে তাহার ডিবাটিও
যেন ঐ কূপে যায় । এদিকে কৃপ পরিষ্কার করিবার নিমিত্ত
এক খাদিম কুয়ায় নামিয়া একটা ডিবা পাইয়া তাহা নিজের
কাছে রাখিয়া দিলেন । দুই বৎসর পরে যখন তীর্থযাত্রী বাড়ীতে
ফিরিয়া আসিল তখন সে তাহার ডিবা অনুসন্ধান করিয়া উক্ত
খাদিম হইতে বাহির করিল এবং নয়টি স্বর্ণমুদ্রা হইতে দুইটি
দরগাতে প্রণামী দিয়া গেল ।

[শাহজলালের তিরোভাব ও সমাধি]—শ্রীহট্টে আসিয়া
শাহজলাল ত্রিশ বৎসর কাল জীবিত ছিলেন । তিনি অধিকাংশ
সময়ই স্থায় গৃহে বসিয়া সাধনায় কাটাইতেন । তাঁহার বয়স
যখন ৬২ বৎসর তখন তাঁহার পরলোক প্রাপ্তি হয় । যে স্থলে
তাঁহার আশ্রম ছিল সেই স্থলেই তাঁহার সমাধি হইল । এই
সমাধি স্থানেরই পার্শ্বে এমনের ভক্ত রাজকুমারের সমাধি বর্তমান ।
শাহজলালের সমাধি স্থল প্রকৃতই শ্রীহট্টকে গৌরবান্বিত
করিয়াছে ।

[প্রদীপ, কার্তিক ১৩১২ ।]

সুখ ও দুঃখ ।

চক্রবৎ পরিবর্তন্তে দুঃখানি চ সুখানি চ ।

জগতে যে কোন কার্যই অনুষ্ঠিত হউক না কেন, উহার মূলে সুখ লাভের ও দুঃখ মোচনের আকাঙ্ক্ষা বিद्यমান রহিয়াছে, দেখা যায় । ঐ যে রবিরশ্মিপ্ৰপীড়িত গলদঘর্ম্ম কৃষাণ বহু কষ্টে ফল চালাই করিতেছে; ঐ যে দারুণ শীতের সময় মৎস্যজীবী জলাশয়ের সুশীতল জল মধ্যে নিমগ্ন হইতেছে; ঐ যে বিছালয়ের ছাত্র আহাৰ-মিষ্টা পরিত্যগ করিয়া দিবা নিশি গ্রন্থাধ্যয়নে স্বীয় শরীর-ক্লান্তি লাঘব করিতেছে; ঐ যে আফিসের কর্মচারী প্রভুর মনস্তান্তর নিমিত্ত অনন্যকর্মা হইয়া প্রাণপণে খাটিয়া শরীর পাত করিতেছে, সকলেরই একমাত্র উদ্দেশ্য পরিণামে সুখলাভ ও দুঃখাপনোদন । কণ্টক দ্বারা যেমন কণ্টকোদ্ধার হয়, তদ্রূপ আপাতক্লেশকর কার্য্যানুষ্ঠান দ্বারা কি কৃষাণ, কি মৎস্য জীবী কি ছাত্র, কি কর্মচারী সকলেই ভবিষ্য দুঃখ নিবারণের তুখা সুখ প্রাপ্তির উপায় সাধন করিতেছে ।

স্বপ্নের জন্ম সকলে লালায়িত হইলেও, রুচি ভেদে, প্রকৃতি ভেদে ও শিক্ষার তারতম্যে, মানবগণ ভিন্ন ভিন্ন বস্তু অনুসরণ পূর্বক সুখান্বেষণ করিতেছে । আমার যাহাতে সুখ, অপরের

পক্ষে হয়ত তাহা ক্লেশজনক হইতে পারে । একটা স্থূল কথাই ধরা যাউক । সংসার সুখ আমাদের সকলেরই আকাঙ্ক্ষার জিনিস ; কিন্তু শুক দেবের পক্ষে তাহা বিষবৎ হয় পদার্থ বলিয়া প্রতীত হইয়াছিল । —

মানুষের সুখ ও দুঃখ তাহার মানসিক বা শারীরিক অনুভূতি মাত্র । সুতরাং মনের বা শরীরের অবস্থার উপর উহা অনেকটা নির্ভর করে । উপস্থিত যে কার্যে আমার অপারিসীম সুখ, সময়ান্তরে, মনের ভাবান্তর হইলে, সেই কার্য দারুণ দুঃখ জনক হইতে পারে । আবার রুগ্ন ব্যক্তি বা স্থবিরের পক্ষে যাহা ক্লেশকর, এক সুস্থকায় ব্যক্তি বা যুবকের পক্ষে তাহা সুখজনক হইয়া থাকে ।

সংসারের সকলই ক্ষণস্থায়ী । সুতরাং সুখ ও দুঃখও অচিরস্থায়ী । আজ যাহাকে কাদিতে দেখিয়া বিধি হই, কাল তাহারই প্রীতিপ্রফুল্ল বদন নিরীক্ষণ করিয়া আনন্দ লাভ করি । ফলতঃ, নিরবচ্ছিন্ন সুখী কি দুঃখী লোক জগতে অতি বিরল ।

সুখ বা সুখের আশা সকলেরই হৃদয়ে ক্রিয়ৎপরিমাণে বর্তমান রহিয়াছে । অতি হীন দরিদ্র, বিষম-ব্যাধিগ্রস্ত ব্যক্তি, যাহার এজগতে আপনায় বলিতে কিছুই নাই তাহাকে দেখিয়া মনে করিতে পার, বুঝি, এই ব্যক্তি আপনায় দুঃখময় জীবনের অবসান সততই কামনা করিতেছে ; কিন্তু যদি কেহ উহার প্রাণ ক্ষিনাশে উদ্ভত খড়গ হয়, দেখিবে, সে প্রাণপণে প্রাণ রক্ষার নিমিত্ত যত্ন করিবে । অবশ্যই কোনও সুখের আশাবদ্ধ তাহার জীবনের অবলম্ব হইয়া রহিয়াছে ।

আবার দুঃখানুভূতিও আপামর সকলেরই অদৃষ্টে ঘটিয়া থাকে। তোমার দৃষ্টিতে বাঁহাকে আজন্ম সুখী দেখিতেছ যিনি মর্ত্যে বসিয়া স্বর্গের ভোগ সুখ অনুভব করিতেছেন মনে কর, সেই অসামান্য সৌভাগ্যশীল ব্যক্তিকেও জিজ্ঞাসা করিলে জানিতে পারিবে, কোনরূপ শোক বা দুঃখের স্মৃতি তাঁহার চিত্ত বিক্ষোভিত করিতেছে।

একটি গল্প বলিতে হইল। কোনও রাজা তদীয় সম্ভ্রান্তের মৃত্যুতে বড়ই শোকাবল হইয়া পড়িয়াছিলেন। কোনরূপে প্রবোধ দিতে না পারিয়া এক দিন তাঁহার সূচতুর মন্ত্রী আসিয়া বলিলেন, মহারাজ ! আমার একটা মুক্তার বাগান আছে, ইচ্ছা করিলে তাহা পরিদর্শন করিতে পারেন, কিন্তু প্রাতঃকাল ভিন্ন উহা দেখান যাইতে পারে না। মন্ত্রীর উদ্ভানে এক সর্বপ ক্ষেত্র ফলিত হইয়াছিল। প্রভাতে শিশির বিন্দু ক্ষেত্রোপরি উপচিহ্নিত হইয়া অনতিপ্রথম প্রাতঃসূর্যের কিরণপ্রভায় বলমল করিতে করিতে মুক্তাকলের গায় পরিলক্ষিত হইতেছিল। দূর হইতে ঐ শোভা রাজাকে প্রদর্শন করাইয়া মন্ত্রী বলিলেন, মহারাজ, এজন্য যে ব্যক্তি কখনও কোন শোক দুঃখের অধীন হয় নাই একমাত্র সেই ব্যক্তি উহার সমীপস্থ হইতে কিংবা ঐ মুক্তা ফল আহরণ করিতে পারিবে। রাজা, ঐরূপ ব্যক্তি কেহ আছে কিনা রাজ্য মধ্যে ঘেষণা করিলেও এতদবস্থা কাহাকেও পাওয়া গেল না। তখন মন্ত্রী রাজাকে বুঝাইলেন যে যখন জগতের সকলেই শোক দুঃখের অধীন, তখন স্বীয় শোককে

মানব জীবনের অবশ্যসত্তাবিনী, একটা অবস্থা ভাবিয়া উহা সংবরণ করাই মনুষ্যের কর্তব্য ।

সুখের অর্জনও দুঃখের বঞ্চিত জীবের প্রত্যেক কর্মের উদ্দেশ্য হইলেও স্বীয় বুদ্ধির ত্রুটি বা অসাধনতার ফলে কৃত কর্মের জন্য জীবকে ক্লেশ ভোগ করিতে হয় । অতএব, সুখ ও দুঃখ অনেকটা নিজ কর্মের ফলাফল । সুপথে চলিয়া সৎকর্ম করিলে সুখ ও কুপথে চলিয়া কুকর্ম করিলে দুঃখ হয়, ইহা অতি সাধারণ নীতি সূত্র । এস্থলে ইহাও বক্তব্য যে যাহারা কুপথে চলিয়া কুকর্ম করে, তাহারা নিজের বিকৃত বুদ্ধিতে ঐ কর্মে সুখ লাভ করিবে ভাবিয়াছিল ; কেন পূর্বেই ইহা হইয়াছে সুখ প্রাপ্তিই মানবের সমুদয় ক্রিয়ার উদ্দেশ্য, বিকৃত জীবের দুঃখ হয়, এতদ্ব্যতীত বুদ্ধি বা পাশ্চাত্য দেশের মতে বুদ্ধি-বৃদ্ধির ফলাফলদানে দুঃখের উৎপত্তি বাণিত হইয় থাকে ।

এতদ্ব্যতীত সুখ-দুঃখ কিয়ৎপরিমাণে নির্ভর করে । নিয়তি বা অদৃষ্ট কেবল প্রাচীন জগতেই মান্য হইত এমন নহে ; অধুনাতন দার্শনিকগণের মধ্যেও উহার প্রভাব দৃষ্ট হয় । অনেক স্থল দেখা গিয়াছে ; সর্বাঙ্গীণে সৎকর্মের অনুষ্ঠান হইতেছে, যাহার ফলে কর্মকর্তার ও সাধারণের সুখ ধ্রুব ; কিন্তু ইষ্ঠাৎ সমস্তই যেন বিপর্যস্ত হইয়া পড়িল, প্রাচীনতম পদ কর্তার সঙ্গে বলিতে হইল—

* ধর্ম শাস্ত্রে পাপ ও পুণ্যকেই যথাক্রমে সুখ ও দুঃখের নিদান বলিয়া নির্দিষ্ট হইয়াছে । এখানে এতদ্বিধা বিস্তারিত আলোচনা নিম্নরেখন বোধ হইল ।

“সুখের লাগিয়া এ ঘর বাঁধিনু অনলে পুড়িয়া গেল ।

“অমিয় সাগরে সিনান কন্ঠিত সকলি গরল ভের্ন ॥”

শাস্তিক সুখ লাভ বা আত্মসুখ দুঃখ নিবৃত্তির জন্ম যদিও আবহমান কাল হইতে মানব-মানুষ উপায় উদ্ভাবনের চেষ্টা পাইতেছে, তথাপি এযাবৎ উহার কোন ধ্রুব উপায় কি কৌশল আবিষ্কৃত হইল না । চিন্তাশীল দার্শনিকগণ জগৎকে দুঃখময় জ্ঞান করিয়া, কিসে সুখ, উহার তদ্বানুসন্ধান করিয়াছেন ; ভাবুক কবিগণ নানাভাষায় নানাচ্ছন্দে উহারই অনুশীলন করিয়াছেন ; এবং ধর্মসাধুগণেরও উহাই সাধনার বিষয় ; কিন্তু যত দিন জগতে সুখের কুলাই লোকঃ—এই প্রবাদ থাকিবে, তত দিন উহা প্রবাদিসম্মত সিদ্ধান্ত সুদূর-পর্যাহত । পরন্তু মানব-প্রসারের সঙ্গে সঙ্গে যেন সুখ ও দুঃখের মাত্রা থা ও হ্রাস পাইয়া উক্ত প্রহেলিকাকে আরও জটিল করিয়া তুলিতেছে ।

এখন প্রকৃত সুখী কে, এই প্রশ্নের কিঞ্চিৎ আলোচনা করা যাউক । একবার বকরুণী ধর্ম কর্তৃক যুধিষ্ঠির মহারাজকে ঐ প্রশ্ন করা হইয়াছিল । উত্তরে যুধিষ্ঠির-বলিয়াছিলেন,

“দ্রুপদস্যাক্ষমে ভাগে শাকং পচতি যো নরঃ ।

অনুগী চাপ্রবাসী চ স বারিচর মোদতে ॥”

দিনান্তে একদা যে ব্যক্তি শাক মাত্র আহার করে অথচ ধর্ম-কালে জড়িত হয় না এবং (ধন-লাভে) দেশে বিদেশে ভ্রমণ করে না, সেই ব্যক্তিই সুখী । ফলতঃ যদি অভাবই দুঃখের মূল বলিয়া

ধরা যায় তবে যে ব্যক্তির কোন অভাব বোধ নাই, অর্থাৎ যে কোন অবস্থাতেই সন্তুষ্ট আছে, সেই ব্যক্তিই প্রকৃত সুখী।

সুখের মূল্য, সন্তোষ ও দুঃখের মূল্য অভাব। নিদান স্থির হইলে ঔষধ নির্বাচন করা অপেক্ষাকৃত সহজ। সন্তুষ্টির অনুশীলন ও অভাবের হ্রাসীকরণ সুখ লাভের ও দুঃখাপনোদনের প্রকৃষ্ট উপায়। ভিন্ন করিয়া বলিলেও ঐ দুইটি একই কথা; যেহেতু সুখ ও দুঃখ উভয়ের মধ্যে এমনই সম্বন্ধ যে একের আবির্ভাবে অপরের বিরোধান সূচিত হয়।

আমরা সচরাচর যে সকল উপভোগের, সন্তোষাদি সুখের উপাদান বলিয়া মনে করি, উহারা আত্মকেই সুখ সন্তোষের অন্তরায় ও অভাবের প্রকৃত জনক। উহার পরিহার করিবে, সন্তোষ ততই দূরবর্তী হইবে, থাকিবে অনুবন্ধী নূতন নূতন অভাবের আবির্ভাব হইতে ঋষি শাপে রাজা যযাতির অকাল বার্দ্ধক্য হইয়াছিল। এ যৌবন কাল তাহাতে আবার বিপুল ঐশ্বর্য ও অপ্রতিহত ক্ষমতা; রাজার এমন অবস্থায় বার্দ্ধক্যের উদয়ে মনে হইল, “হায়, জন্মের মত সুখভোগ হইতে বঞ্চিত হইলাম; এমন কেনি কি নাই যে কিয়দিন আমার জরাতার বহন করে উহা হইলে ইতি মধ্যে আমার ভোগসুখলালসটা চরিতার্থ করিয়া লইতে পারিতাম।” কনিষ্ঠ পুত্র পুরু যযাতির জরাতার স্বীকার করিলেন। রাজা সুদীর্ঘকাল যৌরনলীলার সুখ ভোগ করিলেন, কিন্তু পরিশেষে বুঝিলেন—

“ন জাতু কামঃ কামানামুপভোগেন শাম্যতি।

হবিষা কৃষ্যবজ্জেব দুঃখা ভূয়োহভিবৰ্দ্ধতে ॥”
 যুতাহতিতে যেমন অগ্নি উপস্থাপিত হয় মাত্র, নির্মূলাপিত হয় না,
 তদ্রূপ উপভোগ দ্বারা বিষয় নিবারিত না হইয়া কেবল
 পরিবৰ্দ্ধিতই হইয়া থাকে।

সুখের জন্য আকাঙ্ক্ষাই সুখ ভোগের অন্তরায়; কারণ
 আকাঙ্ক্ষামাত্রেরই অভাব, অর্থাৎ দুঃখের নিদান, জড়িত থাকে।
 সুতরাং ভোগ প্রবৃত্তির প্রশ্রয় দান অপেক্ষা দমনের অনুশীলনই
 কর্তব্য, ইহাতে ভোগ সুখের অভিলাষের মাত্রা ক্রমশঃ হ্রাস হইয়া
 যাইতে পারে এবং সুখ হইয়া থাকে। এই সন্তোষই ধৃতি, তিতিক্ষা,
 নৈঃস্পৃহা প্রভৃতি সকলেরই নামান্তর বা ভাব বিশেষ
 জ্ঞান ও শিখণের ফল। সুগবদগীতার উহারই অনুশীলনার্থ ভূয়োভূয়ঃ
 প্রকৃত্তি হইয়াছে।

সন্তোষ সাধনায় নিম্নে লাভ করিলে কীদৃশী অবস্থা হয়?
 আমরা উহার কি বলিব, কি বুঝিব? যেহেতু, আমরা কখন
 সুখের ভাবে উৎসিদ্ধ, আবার কখন দুঃখের তাড়নায় উদ্বেজিত!
 শুদিয়াছি যেমন পদ্মপত্রের কলবিন্দু সতিত হইলে অচিরেই তাহা
 পড়িয়া যায়, এক বর্ণাও উহাতে লাগিয়া থাকিতে পারে না,
 ঐরূপ ভাবাপন্ন ব্যক্তির হৃদয়ে ও তদ্রূপ দুঃখাকর ভাব ক্ষণকালের
 জন্যও অধিকার লাভ দূরে থাকুক, প্রবেশ লাভ পর্য্যন্ত কল্পিতে
 পারে না।

সন্তোষ সাধনের আর একটি প্রকৃষ্ট উপায় আছে। যখন

জন প্রভৃতি সাংসারিক বিষয়ে উপর চিন্তের প্রবণতা জন্মিলে, উক্ত নখর বস্তুর ভাবাবেগের জীবের সুখ দুঃখ অনেকটা নির্ভর করিয়া থাকে । পরন্তু, অর্থের পদার্থ কিছু যদি থাকে তৎপ্রতি প্রেম জন্মাইতে পারিলে এক চিরস্থায়ী আনন্দের অধিকারী হওয়া যায়, দুঃখ তাহার নিকটে কদাপি আসিতে পারে না । ফলতঃ ভগবদাসক্ত-চিন্ত ব্যক্তিগণ যে কি এক অনির্বচনীয় অবিমিশ্র সুখ লাভ করিয়া থাকেন তাহা কেবল তাঁহাদেরই অনুভূতির বিষয় ।

উপরে সুখ লাভ ও দুঃখোৎপাদনের যে যে উপায় উল্লেখ

হইল, তাহা কেবল কয়েকটি স্থূলতম কথা মাত্র । আভ্যন্তর অর্থাৎ মানসিক সুখ ও দুঃখে হইয়াছে, ভৌতিক সুখ দুঃখ, অর্থাৎ শারীরিক সম্পর্কে বিশেষ করিয়া কিছু বলা হইয়া মাত্র বলিলেই হইবে যে, অন্তর্জগতের সর্বসম্পর্ক যে একের অবস্থান্তরে সম্ভাবী । যাঁহারা সাধনা রাজ্যে কিছু তাঁহারা বলিয়া থাকেন যে, অন্তর্জগতে পরিমাণে জয়লাভ করিয়াছেন, তাঁহা করিতে অধিক আয়াস করিতে হয় না ।

হাঃ বিকাশ হ্রাস ও ক্রন্দন । জগতের বিকাশসম্পর্কতা শিশুও এই সুখ দুঃখের অধীন, নতুন যথার্থভাবে পাইলে কেন ? এই সন্তোজাত ক্রুরকথা যিককথা

প্রথমেই এই সুখ দুঃখের কাহিনী গাহিতে হইল। মহাদয়
পাঠকের নিকট তত্ত্বগত মার্জিত প্রার্থনা করি।

[সাহিত্য সেবক ১ম খণ্ড ১ম সংখ্যা পৌষ ১৩১২]

উহা দেখান য
লিত হই
ওয়া হইয়া
সন্তোষ না নায়া নি
আমরা উহার কি বলিব, কি
সুখের ভাবে উৎসিক্ত, আব
শুদ্রিয়াছি যেমন পদ্মপাত্রে
পড়িয়া যায়, এক বর্ণাও
ঐরূপ ভাবাপন্ন ব্যক্তির হা
জগৎ অধিকার লাভ দু
পাবে না।

সন্তোষ সাধনের আর



श्रावण कृष्ण १ सं० २००५ हि०



विधि

सन्मार्ग एव सर्वत्र पूज्यते नाथः कश्चित्

गुरुवार, श्रावण कृष्ण १ सं० २००५ वि०

मानव-अधिकार

संयुक्त राष्ट्रसंघने मानव अधिकारोंकी व्याख्या

शिव एक सूची बनानेके लिए कहा है कि एक सूची था।

मानव अधिकार

न्यायालयके समने आने
सकता है। ७—प्रत्येक व्यक्ति
छोड़ने और दूसरेमें बसनेका अधिकार
८—अथवा पुरुष और स्त्री विवाह करने

हो सकता है, बिना दोनोंकी स्वीकृतके विवाह
रहा होनी चाहिये। ९—प्रत्येक व्यक्तिको अपने
विश्वास तथा धर्मकी स्वतन्त्रता है, वह निजी
धार्मिक दृष्टियोंका धारण कर सकता है। १०—
प्रत्येक व्यक्तिको अपने विचार व्यक्त करनेकी

याधकथा

- समानकुलकृष्णसंपकथा
- स्तम्भगालकथा
- द्रष्टृभकथा
- कगर्दभकुक्कुरकथा
- मार्जारमुषिककथा

प्रेम करने

प्रोफेसर

